

1 ሳሙዔኤሌ ማፃኣፖ ዓይያ ካር

ዒሰራዔኤሌ ዓሳ ሱኡጋ ዋይሣ ዋደይዳፓ ካኣታ ዋይሣ ዋደ
ባንሢ ዋይቲ ፒንቄቲያ ሃና ሳሙዔኤሌ ማፃኣፖ ፔታሳዛ ኬኤዛኔ፤
ዬይ ላኣሚንታ ዒሰራዔኤሌይዳ ማዲንታኒ ዳንዳዔሢ ባሼ ሃይሣ
ዓሲ ዛላናኬ፤ ዬንሢ ዓሶፓ ፔታሳሢ፡- ጋፒንይይዳ ዒሰራዔኤሌ
ዓሶ ዋይሣ ጳኤፖ ጳኤፖ ሱኡጋይዳፓ ፔቲሢ ሳሙዔኤሌኬ፤
ላምዓሳሢ፡- ዒሰራዔኤሌ ዓሶኮ ቤርታሳ ካኣታሢ ሳኣፖኦኬ፤
ሃይሣሳሢ፡- ቢታንቶይዳ ኬሰካንዳሢኮ ቤርታ ዒዛኮ ናንጎ ሃይሳ
ሳሙዔኤሌሲና ሳኣፖኦሲና ዋላ ፔቲ ማዔሢ፡ ዳውቴኬ።

ሃና ማፃኣፖ ጳኤፖ ማሊፃ፡- ሚናኣ ጫኣቁምይዳ ዓኣ ሃይሶ
ኬኤዛ፤ ሃንጎ ማፃኣፖሲፐዲ ያኦሲም ጉሙርቄንታያ ማዒሢ ዓንጆ
ጴዲሳሢንታ ናንጋ ናንጎይዳ ዔኤቢ ቢያ ገኢጋያ ማዓሢ ዛላ፤
ዬያፐዲ ሃሣ ዓይሢንቲሢ ዒፃሢ ሎኦሚሢና ባይሲንታና ዔኪ
ሙካሢያኣ ኬኤዛያኬ። ዬይ ማሊፃ ቁኤሳሢ፤ ዔኤሊም ናንገና
ናንጋ ጎዳ፡- «ታኣኒ ታና ቦንቻዞንሢ ቦንቻንዳኔ፤ ታና ቦሃዞንሢ ታ
ቦርሲሳንዳኔ» ጌይ ኬኤዘሢሢ ደጋዲ ዔርታኔ (2:30)።

ሃና ማፃኣፓ ካኣታ ካኣታዳኣና ዔቁ ዲማ ዲማ ማሊሢ ዛላኣ
ኬኤዛኔ፤ ዬያኮ ቤርታ ዒሰራዔኤሌ ዓሶኮ ጎኔ ካኣቲ ማዒ ዔርታሢ
ናንገና ናንጋ ጎዳኬ፤ ጋዓንቲ ገንፃፓ ዳራ ያኦጩ ያኦጩሢር ዒዚ
ዔያቶም ካኣቲ ደኦሜኔ። ዬይ ያዲ ማዔቲያ ባሼ ዔርታኒ ኮይሳ
ባካ ካኣታሢታቲያ ዒሰራዔኤሌ ዳራ ያኦሲ ዔያቶኮ 0-ፃ ማዒ
ዋጊ ዋጊ ዋይሣያ ማዔም ዋርቃሢኬ (2:7-10)። ዬይያ ያኦሲ
ዋጎ ዳምይዳ ማዒ ያርጎቺታቲያ ማንቆ ዓሲ ሄኮ ማዒ ቦንቺንቲ
ናንጋንዳያ ኮይሳሢ ዔርዛኔ።

ማፃኣፔላ ዲማ ዲማ ዓርቁ ባኮ

- ሳሙዔኤሌ ዒሰራዔኤሌ ዓሶኮ ሱኡጌ ማዔሢ (1:1—7:17)
- ሳኣፖኦኬ ካኣታዲያ (8:1—10:27)
- ሳኣፖኦኬ ዋይሣ ቤርታሳ ሌዎንሢ (11:1—15:35)
- ዳውቴና ሳኣፖኦኬና ዛላ (16:1—30:31)
- ሳኣፖኦኬና ናኣቶናኮ ሃይሶ (31:1-13)

ሳሙዔኤሌኮ ሾይንቶ

1 ጌመራ ሚርጌ ዓላ ዔፕሬኤሜ ዓጮይዳ ራማ ጌይንታ ዳካ ካታማሰኬኖይዳ ናጎጋያ፡ ዔፕሬኤሜ ፃጳፓ ሾይንቴያ ሂልቃና ጎዖ ፔቴ ዓሲሰኬይ ዓላኔ፤ ዒዛኮ ዓዳ ዪሮሃሚ ጌይንታያ ዔኤሊሁ ናይ ማዓዛ ቶኦካ ዒዛኮ ፀፔ ጌይንታያ ቶሁ ማኣሪ ዓሲኬ፤ 2 ሂልቃናኮ ሃናና ፒናና ጌይንታ ላምዖ ለኣሊ ዓላኔ፤ ፒናና ጎዖዘኮ ናይ ዓላኔ፤ ሃናኮ ጋዓንቴ ፔቴታዖ ናይ ባኣሴ፤ 3 ሂልቃና ለዓ ለዓ ቢያ ባኣዚ ዳንዳዓ ጎዳ ዘጊ ካኣሽካኒና ሚቺ ዒንጎ ባኮ ዒንጋኒ ሴኤሎ ጌይንታ ቤሲ ዴንዳኔ፤ ዒማና ሆፕፒና ፒንሃሴ ጌይንታ ዔኤሊኮ ናይሰከንሢሂ ናንጊና ናንጋ ጎዳም ቁኤሴ ማዒ ሴኤሎይዳ ማዳኔ። 4 ሂልቃና ሚቺ ዒንጎ ባኮ ሹኪ ዒንጋ ዎደና ቢያ ዒንጎና ዓሽኮይዳፓ ፔቴ ዓሲም ዒንጊንታኒ ኮይሳኔ ጌይንታማጉይያ ፒናናም ዒንጋኔ፤ ዬያጉዲ ዒዛኮ ዓቲንቆ ናኣቶንታ ዉዲሮ ናኣቶንታማኣ ፔቴ ፔቴሢም ሂላማ ዒንጋኔ፤ 5 ሃና ዒ ሚርጌና ናሽካሢሮ ሃንጎዎቶሲዳፓ ጳንጩ ማዓያ ዒንጋኔ፤ ጋዓንቴ ናንጊና ናንጋ ጎዳ ናይ ዒዛ ለኣኒሢሮ ዒዛ ዘኣኮኬ፤ 6 ናንጊና ናንጋ ጎዳ ዒዛም ናይ ዒንጊባኣሢሮ ዒዛኮ ሌጋ፡ ፒናና ዒዛ ዳጎሳንዳ ጌኤሲ ኮዒ ኮዒ ሚርጌ ሜታሳኔ፤ 7 ዬይ ማዲንታ ዳምባ ለዓ ለዓ ዓቲዎዖ ማዲንታያኬ፤ ዬያሮ ዔያታ ናንጊና ናንጋ ጎዳ ማኣሪ ዴንዳ ዎደማሮ ዎደማሮ ዓቲዎዖ ሃና ዬኤኮ ሙኤዚ ዒዓንዳያ ሂላንዳኣና ፒናና ዒዛ ኮሺ ሜታሳኔ። 8 ዬያይዳፓ ዔቁያና ዒዛኮ ዓኒ፡ ሂልቃና ዒዛ ኮይላ፡ «ዔዛ ሃና! ኔ ዓይጎሮ ዬኤካይ? ዓይጎሮ ኔ ሙዖ ዓይይ? ዓይጎሮ ኔ ሃያይዲ ዖዪ ዖዪ ሺራይ? ታጳ ናይፓ ታ ኔኤም ባሽቱዎዳዳ?» ጋዓኔ።

ሃና ዖኦሲ ሺኢቁ ሺኢዲዖ

9-10 ፔቴ ከሊ ሴኤሎይዳ ዓላ፡ ናንጊና ናንጋ ጎዳሢ ማኣራ ዔያታ ሙኤዚ ሙዒ ጋፔሰካፓ ሃና ዖኦሲ ሺኢቃኒ ዔቁኔ፤ ዒማና ዒዛ ሚርጌና ያያሢሮ ካራ ባይቂ ዬኤከ ዬኤከ ዖኦሲ ሺኢቃንቴ ቁኤሳሢ፡ ዔኤሊ ካሮ ኮይላ ፔ ያይቶይዳ ዴዒ ዓላኔ፤ 11 ሃና፡- «ቢያ ባኣዚ ዳንዳዓ ጎዳሢዮ! ታና ኔ ዓይሌሎ ዛጌ! ታኣኮ ማቶ ዘጊ ታኣም ማሌ! ታና ዋለፖ! ኔ ታኣም ፔቴ ዓቲንቁ ናይ ዒንጌቴ ዒ ናንጋ ሌዖ ቢያይዳ ኔኤም ዳማዴያ ማሂ ኔኤም ታ ዒዒንጋንዳኔ፤ ቶኦካ ዒዛኮ ፔቴታዖ ሜኤዲንታዓኬ» ጌይ ናኣሴኔ።

12 ሃና ዬያይዲ ሺኢቁ ሚርጌ ኔጌኔ፤ ዒማና ዔኤሊ ዒዛኮ ሙሱራ ዓጊፃሢ ዛዛጋኔ፤ 13 ዒዛ ፔቴታዖ ዑኡሲ ዋይዚሱዎዖ ሙሱሮ ፔኤኮ ዓጊሢ ዓጊሢ ፔ ዒኖና ሺኢቃኔ፤ ዬያሮ ዔኤሊ ኮይላ ዒዛ ዑሽኪ

1:11 1:11 ፓይ. ማፃ 6:5።

ማማሣንቴያ ማለዛ። 14 «ሃያይዲ ማሣንቴ ዋይማ ሄለንዳኣና ኔ ናንጋንዳይ? ሃኖ ዑሽኪ ማሣንቴጻሎ ሃሼ!» ጌዔኔ።

15 ዒዛ ማሃዎ፡- «ታ ጎዳሣዮ ያዲቱዋሴ! ታኣኒ ዴኤፒ ያዩሣና ዓኣ ዓሰዋይ፤ ዋይኖ ዑዠፕ ማዔቴያ ማሌ ማሣ ዑሽ ታ ዑሽኪባኣሴ፤ ጋዓንቴ ታኣኮ ማቶ ናንገና ናንጋ ጎዳሞ ታ ኬኤዞ ኬኤዛኔ። 16 ታና ኔኤኮ ዓይሌሎ ፓሡዋ ዓሲ ማሃ ዛገፖ፤ ሃኣዲ ታ ኔገ ሺኣቁሣ ካራ ባይቁሞ ሜታዳ ዓሲ ታሣረዋይ» ጌዔኔ።

17 ዬያሮ ዔኤሌ፡- «ኮሺ ዓኣዳ! ዒሰራዔኤሌ ያኦዛሣ ኔኤኒ ሺኣቁ ባኮ ኔኤሞ ዒንጎንጎ!» ጌዔኔ።

18 ዒዛ ገንሣ፡- «ታና ኔኤኮ ዓይሌሎም ኔ ያኦሲ ሺኣቃ ዋዶና ማሌ!» ጋዓዎ፡ ዴንዲ ሙኡዚ ሙዔኔ፤ ያዩያዋ ዒማፓ ሃሼኔ።

ሳሙዔኤሌኮ ሸይንቶንታ ያኦሲማኣ ዲማዲያ

19 ዚሮ ጉቴሎ ሂልቃናና ዒዛኮ ጋሮ ዓሰና ዋላ ማኢሪ ዔቁ ናንገና ናንጋ ጎዳሞ ዚጌሰካፓ ራማይዳ ዓኣ፡ ዔያቶኮ ማኣሪ ዴንዴኔ፤ ሂልቃና ዒማና ፔ ማቾ ሃናና ዋሮቃዛ ናንገና ናንጋ ጎዳ ዒዛም ማሌኔ፤

20 ዬያሮ ዒዛ ኔጉዋዎ ጎጳዲ ዓቲንቁ ናይ ሸዔኔ፤ ያዲ ማዔሣሮ ዒዛ፡- «ሃያ ናዎ ታኣኒ ናንገና ናንጋ ጎዳይዳፓ ሺኣቁ ዴንቁያኬ» ጋዓዎ፡ ሱንዮ ናዎኮ «ሳሙዔኤሌ» ጌይ ጌሣኔ።

21 ሂልቃና ፔ ጋሮ ዓሰና ዋላ ሌዓ ሌዓ ማዳ ጎይዎ ዒንጎ ባኮ ዒንጋኒና ናንገና ናንጋ ጎዳሞ ናኣቤ ናኣቦ ኩንሣኒ ሴኤሎ ዴንዴኔ።

22 ጋዓንቴ ዒማና ሃና ዔያቶና ዋላ ዴንዲባኣሴ፤ ዓይጎሮ ጌዔቴ ዒዛ ቤርታ ዓኒም፡- «ናዓሣ ዳንፃፓ ጉጉኡጳማና ዒ ናንጋ ዋዶ ቢያ ናንጋንዳ ያኦሲ ማኣሮ ታ ዒዛ ዔኪ ዴንዳንዳኔ» ጌይ ኬኤዛሣረኩ።

23 ሂልቃና ዒማና ዒዛም፡- «ቃራኬ፤ ኔኤሞ ኮሺ ማዒ ጴዳሣጉዲያ ማማዳ፤ ዒዛ ኔ ጉኡጲሻንዳያ ሄለንዳኣና ማኣራ ዴዓኒ ኔ ዳንዳዓኔ፤ ናንገና ናንጋ ጎዳ ኔኤሞ ጫኣቁ ባኮ ኩንሣንጎ» ጌዔኔ፤ ዬያሮ ሃና ማኣራ ዴዒ ፔኤኮ ናዓሣ ዲቺሣ ዒርቁኔ።

24 ናዓሣ ዒዛ ዳንዮ ጉኡጲሻሰካፓ ዔኪ ሴኤሎ ዴንዴኔ፤ ናዶና ዋላ ሃይሣ ሌዔ ማዔ ዋፓና፡ ታጳ ኪሎ ዲኢሊ፡ ፔቴ ሱርባ ኩሙሣ ዋይኔ ዑሽ ዔኪ ዴንዴኔ፤ ዬያይዲ ዒዛ ዒዛኮ ናዓሣ፡ ሳሙዔኤሌ ናይ ዳካ ዓኣንቴ ሴኤሎይዳ ዓኣ ናንገና ናንጋ ጎዳ ማኣሪ ዔኪ ዓኣዳኔ። 25 ዒኢካ ዒ ሄለዎ ጌሜ ናንገና ናንጋ ጎዳሞ ሹኬሰካፓ ናዓሣ ዔኪ ዔኤሊ ኮይላ ሺኢሹኔ፤ 26 ዒማና ሃና ዔኤሊ ኮይላ፡- «ታ ጎዳሣ፡ ዳካ ሌዔኮ ቤርታ ሃይካ ኔ ቤርታ ዔቁ ያኦሲ ሺኢቃንቴ ኔ ዛጌ ላኣሊላ ታናዋይ፤ 27 ታኣኒ ዒማና ሺኢቁሣ ናንገና ናንጋ ጎዳ ታኣም ሃያ ናዓሣ ዒንጋንዳጉዲኬ፤ ናንገና ናንጋ ጎዳሣያ ታ

ጾኑጩማ ሳይያ ሃያ ናባሢ ታኣም ዒንገኔ። 28 ሃሢ ታኣኒ ዒዛ ናንገና ናንጋ ሳዳም ዲማዴ ዒንሳ ባኣዚ ማሂ ዔኪ ሺኢሹኔ፤ ዒ ናንጋ ዎዶ ቢያይዳ ናንገና ናንጋ ሳዳም ዲማዴያ ማዒ ዒዛም ማዳንዳኔ» ጌዔኔ። ዬካፓ ዔያታ ዒኢካ ናንገና ናንጋ ሳዳ ዚገ ካኣሽኬኔ።

2

ሃና ሺኢቁ ሺኢጲያ

1 ሃና ሺኢቃያ ሃዚ ጌዔኔ፡-

«ናንገና ናንጋ ሳዳ ማዴ ባኮና ዒና ታኣኮ ኮሺ ዎዛዳኔ፤
ናንገና ናንጋ ሳዳ ታና ዴግ ዴገዲ ቦንቺሴኔ፤
ኔ ታና ማኣዳሢሮ ዎዛዲ
ታ ሞርኮ ታ ሚኢጫኔ።»

2 «ናንገና ናንጋ ሳዳጉዴያ ዲማዴይ ጾኦኒያ ባኣሴ፤
ኔጉዲ ማዒይ ጾኦኒያ ባኣሴ፤
ኑ ጾኦዛሢጉዴያ ዎርዲያ ሹቺ ማዒይኣ ባኣሴ፤

3 ሄርሺንቲ ሆኦሊንቲፖቲ፤
ጾቶርሞ ጌኤዞ ዒንሢኮ ሃሹዎቲ፤
ናንገና ናንጋ ሳዳ ማዒ ጾኦሲ ቢያ ባኣዚ ዔራያኬ፤
ዒሲ ማዳ ባኮ ቢያ ዛገ ዒ ዎጋኔ።

4 ዶዶ ዓሶኮ ጾሎ ሂኢዣ ማቁኔ፤
ላቤ ዓሳ ጋዓንቲ ዎልቁ ዴንቁ ዶዴኔ፤

5 ሚዣ ዓሳ ናይዲንቲ ሙኡዚሮ ዎርቃያ ማዒኔ፤
ናይዴ ዓሳ ጋዓንቲ ሚሽኬኔ፤
ዘኣኬላ ላንካይ ሾዔኔ፤
ሚርጌ ናኣቶ ዒንዳ ጋዓንቲ ፔኤር ሌሊ ዓቴኔ።

6 ናንገና ናንጋ ሳዳ ዎዳኔ፣ ዳቂሻኔ፤
ጋፒንፃ ጴዴዎ ዒገቻ ዔቶ ኬይሳኔ፣ ዬካፓ ዒ ኬሳኔ፤

7 ናንገና ናንጋ ሳዳ ማንቁሳኔ፣ ጾርሳቺያ ጾርሳቻኔ፤
ቦርሲሳኔ፤ ገንሣ ዴግ ዴገዲ ጌይሳኔ።

8 ዒዚ ማንቆ ዓሶ ሲላላፓ፣ ላኣፖንሢያ ዲቢንፃፓ ዔቁሳኔ፤
ዔርቲ ዴኤፖ ዓሶ ቤዞ ባንሢ ዴገዲ ኬሳኔ፤
ቦንቺንታ ዓሳ ዴዓ ጾይቶዎ ዒንጋኔ፤
ሳጾኮ ቦኣኮላሢ ዴቁሢ ናንገና ናንጋ ሳዳኬ፤
ዬያይዳ ሳጾ ቢያ ማዤሢያ ዒዛኬ።»

- 9 «ዓሲ ባሺሢ ዴንቃሢ ፔ ዎልቄናቱዎአሢር
 ናንጊና ናንጋ ጎዳ ዒዛሞ ጉሙርቁንታዞንሢኮ ሄርቃ ቶኮ
 ካፓኔ፤
 ፑርቶ ዓሳ ጋዓንቴ ዲሚዳ ከኤሪንታኔ።»
- 10 ናንጊና ናንጋ ጎዳ ዒዳ ማካ ዓሲ ቤሲ ባይቃኔ፤
 ጫሪንጫ ዴዒ ዒያቶይዳ ዒ ጉጉንሢንዳኔ።
 ናንጊና ናንጋ ጎዳ ሳይይዳ ቢያ ዎጋንዳኔ፤
 ካኣቶሞ ዎልቄ ዒዚ ዒንጋንዳኔ፤
 ዒ ዶኦሪሢ ዴግ ዴጊዲ ቦንቸሳንዳኔ።»
- 11 ዩካፓ ሂልቃና ራኣማይዳ ዓኣ፡ ዒ ናንጋ ማኣር ማዒ ዴንዴኔ፤
 ናዒሢ፡ ሳሙዔኤል ዒማና ቄኤሳሢ ዒኤሌ ዴማ ማዒ ናንጊና ናንጋ
 ጎዳሞ ማዳኔ።

ዒኤሊኮ ናኣታ ማዴ ፑርቶ ማዴ

12 ዒኤሊኮ ናኣታ ፓሣ ባኣዚ ባኣያ፡ ዲቻ ቶሌያከ፤ ናንጊና ናንጋ
 ጎዳኣ ዒያታ ቦንቸዎያከ፤ 13 ዓሳ ዒያቶሞ ዒንጋንዳጉዲ ቄኤሳ
 ያኦጪ ዒካ ዳምቦ ዒያታ ካፑዎሴ፤ ዎዎዳይ ጌዔቴ፡- ያኦሲም ዓሳ
 ፔኤኮ ቆልሞ ሹኪ ዒንጋ ዎዶና ዓሸካ ሃጊ ካሢንታ ጎይሢ ዓኣንቴ
 ዒያቶሞ ማዴ ዓሳ ሃይሃ ከሬና ዓኣ ዓሸኪ ከሬ ዒከ ሙካኔ። 14 ዩያ
 ከር ካሢንታ ዓሸኮይዳ ዳኪ ሉኡፓ ከራ ዒከ ሙኬ ዓሸኮ ዒከ
 ዴንዲ ቄኤሳሢሞ ዒንጋኔ፤ ያኦሲም ዒንጎ ባኮ ዒንጋኒ ሴኤሎ ሙካ
 ዒሰራዒኤሌ ዓሶ ዩያይዲ ዩያይዲ ዒያታ ማታሳኔ፤ 15 ሃሣ ዩያ
 ሌሊቱዎንቴ ማላ ናንጊና ናንጋ ጎዳሞ ሚቸንቴዎንቴ ቤርታ ቄኤሶም
 ማዴ ዓሳ ቆልሞ ሹኪ ዒንጋ ዓሢ ኮይላ ሙከ፡- «ኔኤኒ ካሢንቴ
 ዓሸኪ ዒዛሞ ዒንጋንዳጉዲቱዎንቴ ዓኣዔ ዓሸኪ ቄኤሳሢ ኮዓሢር
 ዒዛሞ ታ ሚቸ ዒንጋንዳጉዲ ታኣም ዒንጌ» ጋዓኔ።

16 ዓሢ ዒማና፡- «ቤርታ ማላ ናንጊና ናንጋ ጎዳሞ ሚቸንቶንጎ፤
 ዩካፓ ኔ ኮዒሢጉዴያ ዒካኒ ዳንዳዓኔ» ጌዔቴ፡ ቄኤሶም ማዴሢ፡-
 «ዒይዔ! ኔኤር ሃሢ ዒንጌ! ኔ ዒንጎ ዒያቶ ታ ዎልቄና ዒካንዳኣከ!»
 ጋዓኔ።

17 ዩያይዲ ያኦሲም ዒንጎ ባኮ ዒኤሊኮ ናኣታ ቶቶሢሢር ዩይ
 ጎማ ናንጊና ናንጋ ጎዳ ኮሺ ደጋሴኔ።

ሳሙዔኤል ሴኤሎይዳ ናንጌ ናንጎ

18 ሳሙዔኤል ጋዓንቴ ዒማና ናይ ዓኣዎ ሚዛዲ ሻኣዣ ሸኤሜና
 ማዡና ዒፑዴ ማይንቲ ናንጊና ናንጋ ጎዳሞ ማዴ ማዳኔ፤ 19 ዒንዴላኣ
 ዒዛኮ ሌዓ ሌዓ ዓኒና ዎላ ዒንጎ ባኮ ያኦሲም ዒንጋኒ ሙካ ዎዶና

2:10 2:10 ሉቃ. 1:46-55::

ቢያ ዳካ ኮኦት ማዢ ማዢ ዔኪ ዩዓኔ። 20 ዔኤሌ ሂልቃናጎታ ማቾ፡ ሃናጎታ ዓጎጃዎ፡- «ናጎናና ጎጎጎ ጎዳም ዲማጃያ ማሂ ዒጎሂ ዒጎጎ፡ ሃናናዒሂ ቤዛ ሃና ላኣሌሎፓ ማሌ ናይ ኔኤም ዒዚ ዒጎጎጎጎ!» ቢያ ዎዳ ጋዓኔ።

ዩካፓ ዔያታ ፔ ማኣሪ ማዒ ማዒ ዴጎዳኔ። 21 ናጎናና ጎጎጎ ጎዳ ሃና ዓጎጃሂረ ዒዛ ሃይሃ ዓቲጎቄና ላምዎ ዉዲሮ ናይና ሾዔኔ፤ ሳሙዔኤሌ ጋዓጎጎጎ ናጎናና ጎጎጎ ጎዳ ማኣራ ማዲ ማዲ ዲጩኔ።

ዔኤሌና ዒዛኮ ላምዎ ናኣቶና

22 ዒማና ዔኤሌ ጋርቺ ዓኣኔ፤ ዒዛኮ ናኣታ ዒሰራዔኤሌ ዓሶም ማዳ ፑርቶ ማዳጎታ ባሼ ሃሃ ዓፒሎና ማዢጎጎጎ፡ ናጎናና ጎጎጎ ጎዳ ዴሮና ካኣማ ማኣራ ማዳ ላኣሎና ዎላ ላሃሂ ቢያ ዒ ዎይዛኔ።

23 ዩያሮ ዒ ናኣቶም፡- «ዓይጎሮ ዒጎሂ ዩያጉዳ ፑርታ ባኣዚ ማዳይ? ዒጎሂ ማዳ ፑርቶ ባኮ ቢያ ዓሶይዳፓ ታ ዎይዜኔ። 24 ታ ናይዮቴ! ዩያጉዳ ፑርታ ባኣዚ ማዲፖቴ፤ ናጎናና ጎጎጎ ጎዳኮ ዴራ ዒጎሂ ዛሎ ታኣም ኬኤዛ ባካ ማርጌ ዒጎቻ ባኣዚኬ። 25 ፔቴ ዓሲ ማሌ ዓሲም ፑርታ ባኣዚ ማዳቴ ያኦሲ ባኣኮ ጌሊ ገኢጊሻኒ ዳጎዳዓኔ፤ ጋዓጎጎጎ ናጎናና ጎጎጎ ጎዳም ፑርታ ማዶ ማዶ ዓሲ ያ ቃይሺ ገኢጊሻንዳይ?»

ያዲ ዒ ጌዔጎጎጎጎ ናጎናና ጎጎጎ ጎዳ ዔያቶ ባይዛኒ ማሊ ዔቄሂሮ ዔኤሌ ናኣታ ዓደኮ ዘሮ ዎይዚባኣሴ።

26 ናዓሂ፡ ሳሙዔኤሌ ዔጶና ዲጩ ዲጩ ዓኣዳኔ፤ ሃሃ ናጎናና ጎጎጎ ጎዳጎታ ዓሲጎታ ቤርታ ዓሲ ማዒ ቦጎቺጎጎጎ ጶዳያ ማዔኔ።

ዔኤሌ ማኣሮይዳ ኬኤዚጎጎ ያኦሲ ማሊዎ

27 ፔቴ ኬሊ ናጎናና ጎጎጎ ጎዳ ዳኬያ፡ ያኦሲ ማሊሂ ኬኤዛ ዓሲ ዔኤሌ ኮይላ ሙካዎ፡- «ዔኤሌዎ! ናጎናና ጎጎጎ ጎዳ ሂዚ ጋዓኔ፤ ሄ ዓዶ፡ ዓኣሮኔ ማኣሮ ዓሳ ገብፃ ዓጮይዳ ካኣቲኮ ዓይሌ ማዒ ዓኣ ዎዶና ታና ታ ዒዛም ፔጋሲ ዳቄኔ፤ 28 ቄኤሴ ማዒ ታኣም ዒ ማዳጎዳጉዲ፡ ታኣም ዒጎጎ ባኮ ዒጎጎ ቤዛ ማዳጎዳጉዲ፡ ዑጎጃ ጩቢሳጎዳጉዲ፡ ታ ቤርታ ቄኤሳ ማኣዓ ዔፑዶ ማይጎታጎዳጉዲ ዒሰራዔኤሌ ያጶ ቢያፓ ኔ ዓዶ ማኣሮ ዓሶ ታ ዶኦሬኔ። ሃሃ ዒሰራዔኤሌ ዓሳ ታኣም ማቺ ዒጎጎ ባኮ ቢያ ኔ ዓዶ ማኣሮ ዓሶሮ ታ ማሄኔ። 29 ታ ዓይሂም ታኣም ዒጎጎጎታ ማቺ ዒጎጎ ባኮጎታ ሃጎጎ ዒጎጎ ባኮዎ ዓይጎሮ ዒጎሂ ቦሃይ? ኔኤኮ ናኣታ ታኣም ዒጎጎ ባኮይዳፓ ኮሺ ማዔ ባኮ ዶኦሪ ዔኪ ሙዒ ሙዒ ዲጩጎዳጉዲ

2:26 2:26 ሉቃ. 2:52። 2:28 2:28 ኬሲ. ማፃ 28:1-4፤ ሉዊ. ዓኬ 7:35-36።

ታገዳፓ ባሼ ኔ ዔያቶ ቦንቻህህ ዓይጎርዳይ? 30 ይያር ናንገና ናንጋ ጎዳ ማዔ ዒሰራዔኤሌ ያኣዛህህ ሂዚ ጋዓኔ፤ ኔ ማኣር ዓሶንታ ኔ ዓዶ ማኣር ዓሶንታ ታኣም ናንገና ማዳያ ማዓንዳጉዲ ታ ጩኣቁያታንቲ ሃሂ ያዲ ማዓዓኩ፤ ታና ቦንቻዛንህህ ታ ቦንቻንዳኔ፤ ታና ቦሃዞንህህ ታ ቦርሲሳንዳኔ፤ 31 ዓካሪ ኔ ማኣር ዓሶ ባኣካፓ ፔቲ ዓሲታዎ ናንገ ጋርቹዋጉዲ ኔኤና ኔ ዓዶ ማኣር ዓሶና ታ ባይዛንዳ ዎዴ ዑኩኔ። 32 ታኣኒ ካኣሽኪንታ ቤዘይዳ ሚርጌ ሜቶ ኔ ዛጋንዳኔ፤ ዒሰራዔኤሌ ዓሶም ኮሺ ባኣዚ ማዲንታያ ማዔቲያ ኔ ማኣር ዓሶ ባኣካፓ ያኣኒያ ናንገ ጋርቻንዳይ ጴዳዓኩ። 33 ታኣም ዒንጎ ባኮ ዒንጎ ቤዘይዳ ማዳ ዓሶ፣ ዒንህህ ባኣካፓ ታ ባይዘዋዎ ዓይሳንዳ ፔቲ ዓህ ኔና ዩውሳያና ዎዴሳያ ማዓንዳኔ፤ ሃንጎ ኔ ማኣር ዓሳ ቢያ ጋዓንቲ ጴጌ ዓኣዎ ዎልዚና ሃይቂ ኩዳንዳኔ፤ 34 ኔኤኮ ለምዎ ናኣቶ ሆፕኒና ፒንሃሴናይዳ ሄላንዳ ባካ ኔኤም ማላታ ማዓንዳኔ፤ ይያታ ለምዓህ ፔቲ ኩሊዳ ሃይቃንዳኔ። 35 ታ ዒና ጋዓህጉዴያ ታኣም ማዳንዳ ፔቲ ጉሙርቁጎታ ቁኤሴ ታ ዔቁሳንዳኔ፤ ዒዛም ታኣኒ ባይቁዋ ዜርህ ጌሃንዳኔ፤ ታ ካኣታሴ ካኣታህህ ማኣዲ ማኣዲ ማዳ ቁኤሴ ዒ ማዓንዳኔ። 36 ኔ ዜርፃፓ ሽምፔና ዓቲይ ቢያ ይያ ቁኤሳህ ኮራ ዴንዲ ሂርኪ ጌይ ዘገ ሚኢሽንታ ሙኡዚንታ ሽኢቃንዳኔ፤ ሙዎንዶ ሙኡዚር ጌይ ቁኤሶ ማኣዲ ማዳኒ ዒዛ ዔያታ ሽኢቃንዳኔ » ጌዔኔ።

3

ናንገና ናንጋ ጎዳ ሳሙዔኤሌም ፔጋዲ ጴዳህ

1 ሳሙዔኤሌ ዔኤሊ ዴማ ማዒ ናንገና ናንጋ ጎዳም ማዳኔ፤ ዩና ዎዶና ናንገና ናንጋ ጎዳ ዲቢ ባኣዚ ከኤዙዋሴ፤ ያኣሲ ፔጋሲ ዲዋ ባኣዚያኣ ጴዳዋሴ። 2 ፔቲ ኩሊ ዔኤሊ ፔ ላሃ ቤዛ ላሂ ዓኣኔ፤ ዒማና ዓኣፓ ዒዛኮ ጋርቻታፓ ዔቁያና ኮሺ ዴንቁያኩ። 3 ሳሙዔኤሌ ያኣሲም ዲማጴ ጩኣቁዋ ሳኣፂና * ዓኣ፣ ጌኤኮ ማኣርይዳ ላሂ ዓኣንቲ ጌኤኮ ማኣርኮዋ ፖዓ ሃይቂባኣንቲ፤ 4 ናንገና ናንጋ ጎዳ ሳሙዔኤሌ ዔኤላዛ ሳሙዔኤሌ «ዮኦ!» ጌይ ዩሄኔ። 5 ዩካፓ ዔኤሊ ኮይላ ጳሽኪ ዴንዲ፡- «ኔ ታና ዔኤሌህሂር ሃይሾ ታ ሙኩኔ!» ጌዔኔ። ዔኤሊ ጋዓንቲ «ታ ኔና ዔኤሊባኣሴ፤ ገንሃ ዴንዲ ላሄ» ጋዓዛ፣ ሳሙዔኤሌ ዴንዲ ላሄኔ።

2:34 2:34 1ሳሙ. 4:11። * 3:3 3:3 ጩኣቁዋ ሳኣፂና ጋዓዛ ታኣሶቲ ጌይንታያኩ።

6-7 ናንጊና ናንጋ ጎዳ ገንሣ ሃሣ ሳሙዔኤል ዔኤሌኔ፤ ጋዓንቲ ናንጊና ናንጋ ጎዳ ሃያኮ ቤርታ ዒዛም ከኤዚ ቤቁባኣሢሮ ዒዛ ዔኤላሢ ናንጊና ናንጋ ጎዳታሢ ሳሙዔኤል ዔሪባኣሴ፤ ዩያሮ ዔቂ ዔኤሌ ኮይላ ሙካዖ፡- «ኔ ታና ዔኤሌሢሮ ሃይሾ ታ ሙከኔ!» ጌዔኔ።

ዔኤሌ ማሃዖ፡- «ታናዓሃ! ታ ኔና ዔኤሌባኣሴ፤ ገንሣ ዴንዲ ላሄ» ጌዔኔ።

8 ለሚ ሃሣ ሃይሣሲ ናንጊና ናንጋ ጎዳ ሳሙዔኤል ዔኤላዛ፣ ሳሙዔኤል ዔቂ ዔኤሌ ኮይላ ሙካዖ፡- «ኔ ታና ዔኤሌሢሮ ሃይሾ ታ ሙከኔ» ጌዔኔ።

ሳሙዔኤል ዔኤላሢ ናንጊና ናንጋ ጎዳታሢ ዩካፓ ዔኤሌ ዔሬኔ፤ 9 ዩያሮ ዔኤሌ፡- «ኔ ላሃ ቤዘ ዴንዴ፤ ዓካሪ ለሚ ኔና ዔኤሌያ ማዔቲ ናንጊና ናንጋ ጎዳሢዮ! ኔ ዓይላሢ ዋይዛኔ ከኤዜ» ጌዔ» ጌይ ሳሙዔኤል ዘራዛ፣ ሳሙዔኤል ዒ ላሃ ቤዘ ማዒ ዴንዴኔ።

10 ናንጊና ናንጋ ጎዳ ዒኢካ ሙከ ዔቃዖ፣ ሃያኮ ቤርታ ዔኤላ ጎይዖ፡- «ሳሙዔኤሌ! ሳሙዔኤሌ!» ጌይ ዔኤሌኔ።

ሳሙዔኤል ዒማና፡- «ኔ ዓይላሢ ዋይዛኔ ከኤዜ» ጌዔኔ።

11 ናንጊና ናንጋ ጎዳ ዒዛም፡- «ታኣኒ ዒሰሪዔኤሌ ዓሶይዳ ዋይዚ ዋይዙዋ ባኣዚ ማዳንዳ ከሌ ዑከኔ፤ 12 ዩሮ ከሎና ዓይፃፓ ጋፓ ሄላንዳኣና ዔኤሊንታ ማኣሮ ዓሶንታይዳ ታ ማዳንዳኔ» ጌይ ከኤዜ ባኮ ቢያ ማዲ ታ ከንሣንዳኔ፤ 13 ዒዛኮ ናኣታ ታና ቦሂ ማዴ ማዴ ዒዚ ዛጌዖ ዔያቶ ጎሪባኣሢሮ ዒዛኮ ማኣሮ ዓሶይዳ ናንጊና ናንጊ ሄላንዳኣና ፑርታ ባኣዚ ታ ዓጋንዳኔ ጌይ ታኣኒ ዒዛም ከኤዚናኣኮከኔ። 14 ዩያሮ ዔኤሌ ማኣሮ ጎማ ሚቺ ዒንጎ ዒንገሢናኣ ማዖም ሜሌ ዒንጎ ባኣዚና ፔቲታዖ ዓቶም ጌይንቲንዲዋሴ ጌይ ታ ጫኣቁኔ» ጌዔኔ።

15 ዩካፓ ሳሙዔኤል ካራንዳያ ሄላንዳኣና ላሃዖ፣ ሳዓ ካራዛ ዔቂ ናንጊና ናንጋ ጎዳ ማኣሮኮ ካሮ ቡሌኔ፤ ጋዓንቲ ዒዛም ያኦሲ ፔጋሲ ዳቄ ባኮ ዔኤሊም ከኤዛኒ ዒጊጨኖ፤ 16 ዒማና ዔኤሌ ሳሙዔኤሌ፡- «ታ ናዓሃ፣ ሳሙዔኤሌ!» ጌይ ዔኤሌኔ።

ሳሙዔኤሌያ፡- «ዮ፣ ጎዳሢዮ!» ጌዔኔ።

17 ዔኤሌ፡- «ናንጊና ናንጋ ጎዳ ኔኤም ከኤዜ ባካ ዓይጎዳይ? ፔቲታዖ ታኣም ዓኣቺፖ፤ ፔቲ ባኣዚታዎ ኔ ዓኣቺቲ ያኦሲ ኔጊዳ ዴኤፒ ሜቶ ዔከ ዩዖም» ጌዔኔ። 18 ዩካፓ ሳሙዔኤል ቢያ ባኮ ዔኤሌም ከኤዜኔ፤ ዓይጎ ባኣዚያ ዓኣቺ ባኣዚ ባኣሴ፤ ዩካፓ ዔኤሌ፡- «ዒዚ ናንጊና ናንጋ ጎዳ ማዓሢሮ ዒ ኮዔ ባኣዚ ማማዳንጎ» ጌዔኔ።

19 ሳሙዔኤሌያ ዑጌኔ፤ ናንጊና ናንጋ ጎዳ ዒዛና ዋላ ዓኣሢሮ ሳሙዔኤሌ ከኤዛ ባካ ቢያ ጉሪ ሳዓ ከዲዋሴ፤ 20 ዩያሮ

ዬኖ ዓጮኮ ካራፓ ካሮ ሄላንዳኣና ናንጋ ዒሰራዔኤል ዓሳ ቢያ ሳሙዔኤል ያኦሲ ማላሢ ኬኤዛ ዓሲ ማዔሚ ዔሬኔ፤ 21 ናንገና ናንጋ ጎዳ ዬያኮ ቤርታ ዒዛሞ ፔጋዲ ጴዴሢጉዲ ስኤሎይዳ ፔጋዲ ጴዴ ጴዴ ዒዛና ጌሰቲሢ ዓርቄኔ፤ ሳሙዔኤል ኬኤዛ ባካ ዒሰራዔኤል ዓጮ ቢያይዳ ዋይዚ ዔኪንታያ ማዔኔ።

4

ጫኣቁሞ ሳኣዲኖኮ ዲዒንቲያ

1 ዒሰራዔኤል ዓሳ ፒሊሰጻኤሜ ዓሶና ያልታኒ ከሰኬኔ፤ ዬያሮ ዒሰራዔኤል ዓሳ ዓቤንዔዜሬ ጌይንታ ቤዛ ዲንኪ ዴዓዛ ፒሊሰጻኤሜ ዓሳ ዓፔቄ ጎያ ቤሰካ ዲንኪ ዴዔኔ፤ 2 ዒማና ፒሊሰጻኤሜ ዓሳ ያሎ ዓርቃያ ኮሺ ያልቲሰካፓ ዒሰራዔኤል ዓሶ ባሺ ያይዶ ሺያ ዓሲ ዋዴኔ፤ 3 ያላፓ ቶሊ ዓቴ ዓሳ ዲንኪ ዔያታ ዴዔ ቤዛ ሙካዛ ዒሰራዔኤል ዓሶኮ ሱኡጋ፡- «ሃኖ ፒሊሰጻኤሜ ዓሳ ያሎና ኑና ባሻንዲጉዲ ናንገና ናንጋ ጎዳ ዓይጋ ሃያ ማዴይ? ኑኡና ዋላ ኬሰኪ ኑ ሞርኮ ኩጫፓ ኑና ዓውሳንዲጉዲ ዓካሪ ኑ ዴንዲ ያኦሲኮ ጫኣቁሞ ሳኣዲኖ ስኤሎይዳፓ ዔኪ ሙኮሞ» ጌዔኔ። 4 ሂዚ ጌዔሰካፓ ኪኢታ ዓሲ ስኤሎ ዲኪ ጫኣቁሞ ሳኣዲኖ ዑያይዳ ዓኣ ከሩቤኤሎይዳ ፔኤኮ ዴያ ቦንቾ ያይቶ ገኢጊሼ፡ ቢያ ባኣዚ ዲንዳዓ ጎዳ ማዔ ያኣዛሢ ፔኤኮ ዴኤፖ ቦንቾ ፔጋሳ ጫኣቁሞ ሳኣዲኖ ዔኪ ዬይሴኔ፤ ዒማና ዔኤሊኮ ላሞያ ናኣታ፡ ሆፒኒና ፒንሃሴና ጫኣቁሞ ሳኣዲኖ ዓሶና ዋላ ዔኪ ሙኮኔ።

5 ዬይ ጫኣቁሞ ሳኣዲኖ ዒኢካ ሄላዛ ዒሰራዔኤል ዓሳ ሳዓ ዓገፃንዲያ ሄላንዳኣና ዴጊዲ ዒላሺ ዋዛና ዒላቲያ ዒላቲኔ። 6 ፒሊሰጻኤሜ ዓሳ ዬያ ዑኡዘ ዋይዛያ፡- «ዔብሬ ዓሶ ጉርዳ ሃያይዲ ዒላሾሢ ዓይጎ ባኣዚ ናንዳይ?» ዋሊ ኮይላ ጌዔ፡ ያኦሲኮ ጫኣቁሞ ሳዲኖ ዔብሬ ዓሳ ዔኪ ሙኮሢሢ ዔራያ፡ 7 ዒጊቹሞና፡- «ያኣዘይዳፓ ፔቲ ዔያቶ ኮይላ ሙኮኔ፤ ዓካሪ ኑ ባይቄኔ! ሃያኮ ቤርታ ሃያጉዴ ባኣዚ ኑና ሄሊ ቤቁባኣሴ፤ 8 ባዴዔ ኑና! ሃያ ዋልቆና ዓኣ ያኣዘይዳፓ ጉና ዓውሳንዲይ? ሚና ገብጻ ዓሶ ዓሲ ናንጉዋ ዲውሎይዳ ዲማ ዲማ ዶርያና ጳርቄ ባይዜዘንሢ ሃኣታ ዔያቶኬ! 9 ፒሊሰጻኤሜ ዓሲዮቲ! ዲዲዋቲ! ዓቲንቄ ማሲ ያልቲዋቲ፤ ያዲ ማዒባኣቲ ቤርታ ዔያታ ኑኡኮ ዓይሌ ማዔሢጉዲ ኑኡኒ ሃሢ ሃኣቶ ዔብሬ ዓሶሞ ዓይሌ ማዒ ዓታንዳኔ ጌይሢኬ! ዬያሮ ዓቲንቄ ማይ ደዲ ያልቲዋቲ» ጌዔኔ።

4:4 4:4 ኬሲ. ማፃ 25:22።

10 ዬያር ፒሊስጻኤሜ ዓሳ ዶዲ የልቲ የሎና ዒሰራዔኤሌ ዓሳ ባሽም፣ ዒሰራዔኤሌ ዓሳ ፔኤኮ ማእሮ ባንሢ ባንሢ ጳሽኬኔ፤ ዒሰራዔኤሌ ዓሳኮ ሃይሢታሚ ሺያ የልዚ ዓሲ ጋንቺንቲ ጋፔኔ።
 11 ዒማና ያኦሲኮ ጫአቁሞ ሳአፂና ዲዒንቲ ዔውቴኔ፤ ሃሣ ዔኤሊኮ ላምዖ ናኣታ ሆፒኒንታ ፒንሃሴንታኣ ሃይቄኔ።

ዔኤሊኮ ሃይሶ

12 ዬዮ ከሎ ቢኢኒያሚ ፃጲ ማዔ ፔቴ ዓሲሰኬይ የሎ ቤዛፓ ዔቂ ሴኤሎ ሙኪ ሄሌኔ፤ ዒዚ ሲዮ ዔርዛኒ ማእዓሢ ፔኤኮ ዳርዚ ቶኦኮይዳኣ ሲላሊ ሞሃ ዓኣኔ፤ 13 ዓሢ ዒኢካ ሄላኣና ዔኤሊ ያኦሲኮ ጫአቁሞ ሳአፂና ዛሎ ማሊ ሜታዲ ሜታዲ ጎይያ ዓጮይዳ የይታና ዴዒ ዓኣኔ። ዓሢ ዒማና ካታሞ ጌሊ ሃይሶ ዲኡሳዛ ዬያ ሞይዜ ዴራ ቢያ ዲቃቲ ዒላቲ ዓርቄኔ። 14 ዔኤሊ ዬያ ዒላቶ ሞይዛዖ፡- «ሃይ ዒላታ ዓይጎዳዖ?» ጌይ ያኦጫዛ፣ ዬይ ዓሢ ሃይሶ ዔኤሊም ከኤዛኒ ዑኩና ዴንዴኔ፤ 15 ዒማና ዔኤሊኮ ሌዓ ታዘጲታሚ ሳሊ ሌዔ ማዔም ዒ ጋርቺ ዓሲኬ፤ ዓኣፓ ዒዛኮ ሚርጌ ዴንቁሞያኬ። 16 ዓሢ ዒዛ ኮይላ ሙካዖ፡- «ታኣኒ የላፓ ቶሊ ሙከኔ፤ ሃዮ ታ ሃይካ ጳሽኬ ጎይሣ ሙኪ ሄሌኔ» ጌዔኔ።

ዔኤሊ ጊንሣ ዒዛ ኮይላ፡- «ታ ናዓሢዮ! ዔባ ሞዚዳይ?» ጌይ ያኦጫኔ።

17 ዬይ ዓሢ ማሃዖ፡- «ዒሰራዔኤሌ ዓሳ የሎና ባሽንቲ ፒሊስጻኤሜ ዓሳ ቤርታፓ ጳሽኬኔ፤ ዬይ ባሽንቲፃ ኦኡኮ ዳውሲንቲኬ፤ ዬያ ሌሊቱሞንቲ ኔኤኮ ላምዖ ናኣታ ሆፒኒንታ ፒንሃሴንታ ሃይቄኔ፤ ሃሣ ያኦሲኮ ጫአቁሞ ሳአፂናኣ ዲዒንቲ ዔውቴኔ» ጌዔኔ።

18 ዓሢ ያኦሲኮ ጫአቁሞ ሳአፂና ዲዒንቲሢ ዛሎ ከኤዛዛ ዔኤሊ ካታሞ ጌሎ ዲያ ካራ ዴዒ ዓኣ የይታፓ ጊንሣም ሎኦሜኔ፤ ዒዚ ሚርጌ ጋርቺያ ሃሣ ዑፃኣ ኮሺ ዓንዲሪታሢሮ ጊቲቃይዶ ሎኦሚሢሮ ባቃናፓ ሜቂ ሃይቄኔ፤ ዔኤሊ ዒሰራዔኤሌ ዓሳኮ ሱኡጌ ማዒ የይዲታሚ ሌዔ ሞይሄኔ።

ፒንሃሴ ማቸኮ ሃይሶ

19 ዔኤሊ ናኣዚ፣ ፒንሃሴኮ ማቸ ዒማና ሾዓኒ ዑኬያ ጎጲና ዓኣያኬ፤ ናንጊና ናንጋ ጎዳኮ ጫአቁሞ ሳአፂና ዲዒንቲ ዔውቴሢ፤ ዒዛኮ ዓኒንታ ማዖንታ ሃይቄሢ ሞይዛዖ ዲቃቲ ሾይቺና ዓርቁንቲ ሾዔኔ፤ ዒዛ ሾይጫ ዓርቃዖ ሚርጌ ሜታሴኔ፤ 20 ዬያር ዒዛ ሃይቃኒ ዑኪ ዓኣንቲ ዒዛ ኮይላ ዓኣ ላኣላ፡- «ዶዴ! ዓቲንቁ ናይ ኔ ሾዔኔ!» ዒዛም ጌዔኔ፤ ጋዓንቲ ዒዛ ዒና ዔኪ ሞይዚ ማሃ

ጌዔ ባአዚ ባአሴ። 21 ማዔቴያ ሻካቴ ዑኡሲና፡- «ጾኡሲኮ ቦንቻ ዒሰራዔኤሌፓ ዲማዴኔ» ጋዓፆ ዬያ ናዓሢኮ ሱንፆ «ዒካቦዴ» ጌይ ጌሢኔ፤ ዬያ ዒዘኮ ጌይፆ ጾኡሲኮ ጫአቁሞ ሳአዲኖ ዲዒንቶንታ ዒዘኮ ዓኒንታ ማፆንታኮ ሃይቦ ዔርዛያኬ። 22 ሄሊሳፆ ሃሣ፡- «ጾኡሲኮ ጫአቁሞ ሳአዲኖ ዲዒንቲ ዔውቴሢረ ናንገና ናንጋ ጎዳኮ ቦንቻ ዒሰራዔኤሌይዳፓ ዲማዴኔ» ጌዔኔ።

5

ጾኡሲኮ ጫአቁሞ ሳአዲኖ ፒሊሰፆኤሜ ዓጮይዳ

1 ፒሊሰፆኤሜ ዓሳ ጾኡሲኮ ጫአቁሞ ሳአዲኖ ዲዒ ዔኬሰካፓ ዓቤንዔዜሪ ጌይንታ ቤዛፓ ዓሽዶዴ ጌይንታያ ዔያቶኮ ፔቴ ካታማሰኬኖ ዔኪ ዴንዴኔ። 2 ዔያታ ዔኪ ዴንዳፆ ዔያቶኮ ጾኡዛሢ ዴአጎኦኔ ማአሪ ጌልዚ ዴአጎኦኔ ማሊሲ ማዠና ባኮኮ ኮይላ ጌሢኔ። 3 ዚሮ ጉቴሎ ዬኖ ካታሜሎ ዴራ ሙኪ ዛጋንቴ ዴአጎኦኔ ማሊሲ ማዠና ባካ ጾኡሲኮ ጫአቁሞ ሳአዲኖ ቤርታ ዲንጋሊ ሎኦሚ ዓአንቴ ዴንቃፆ ዔቂሲ ቤርታ ዓአ ቤዛ ገንሣ ጌሢኔ፤ 4 ሃሣ ገንፃአ ዓቦ ጉቴ ዔያታ ሙኪ ዛጋንቴ ዴአጎኦኔ ማሊሲ ኮሾና ባካ ገንሣ ጾኡሲኮ ጫአቁሞ ሳአዲኖ ቤርታ ቤርታኡሲ ጎይፆ ሎኦሚ ዓአንቴ ዴንቄኔ፤ ዬኖ ኬሎና ዬያ ማዠና ባካሢኮ ቶኦኮንታ ላምፆ ኩጮንታ ሜቂ ዲማዲ ካሮ ኮራ ኬዲ፤ ሃንጎ ዓቴ ዑፃ ዒኢካ ዶዔ ቤዛ ዓአኔ። 5 ሃኖ ሄላንዳአና ዴአጎኦኔኮ ቁኤሶንታ ዓሽዶዴይ ዬያ ጾኡዛሢ ካአሽካዘንሢንታ ቢያ ዬኖ ጌሎ ካሬሎ ቶኪና ሄርቁሞፆ ዑሣ ታንጋርጪ ዴንዳሢ ዬያሮኬ።

6 ናንገና ናንጋ ጎዳ ዒማና ዓሽዶዴ ዴሮይዳ ሚርጌና ዳጋዲ ዓሶ ኮሺ ሜታሴኔ፤ ዔያቶንታ ዔያቶኮ ኮይላ ዓአ ዴሮኮ ቢያ ዑፃ ዴንጫንታ ዬያጉዴያ ኪፃ ባአዚ ኬሲ ሚቶ ዔያቶሞ ዓጌኔ። 7 ዬይ ዴራ ዬያ ባኮ ቢያ ዛጋፆ፡- «ዒሰራዔኤሌ ጾኡዛሢ ኦናንታ ኦ ጾኡዛሢ፤ ዴአጎኦኔንታይዳ ሚቶ ዔኪ ዬዔኔ፤ ዬያሮ ሃካፓ ሴካ ዒሰራዔኤሌ ዓሶ ጾኡዛሢኮ ጫአቁሞ ሳአዲኖ ሃይካ ዴዓንዳጉዲ ኦ ኮውሞሴ» ጌዔኔ። 8 ዬያሮ ዔያታ ዶንጎ ፒሊሰፆኤሜ ካአቶሞ ኪኢታ ዓሲ ዴኪ ዔኤሊሳፆ፡- «ዒሰራዔኤሌ ዓሶ ጾኡዛሢኮ ጫአቁሞ ሳአዲኖ ኦ ሞዶንዶይ?» ጌይ ጾኡጮኔ።

ዔያታ ማሃፆ፡- «ጋኦቴ ካታሞ ዔኪ ዓአዲሞቴ» ጌዔኔ፤ ዬያሮ ጋኦቴ ጌይንታያ ፔቴ ፒሊሰፆኤሜ ዓሶ ካታማሰኬኖ ዔኪ ዔያታ ዴንዴኔ፤ 9 ጋዓንቴ ጾኡሲኮ ጫአቁሞ ሳአዲኖ ዬኖ ካታሞ ሄላዛ ናንገና ናንጋ ጎዳ ዬኖ ካታሜሎይዳ ሜቶ ዔኪ ዬዒ ዴሮሞ ሚርጌ ሜታሴኔ። ናኦቶንታ ጋርቾንታ ዓይሱሞፆ ዴሮ ቢያሢ ዑሢዳ ኪፃ ባአዚና

ሜታሱኔ፤ 10 ይደር ያኑሲኮ ጫክቁሞ ሳኣዲኖ ዔቅርኔ ጌይንታ ማሌ ፒሊሰጄኤሜ ዓሶ ካታማሰኬኖ ዔኪ ዔያታ ዳኬኔ፤ ጋዓንቲ ዒኢካ ሄላኣና ዬኖ ካታሚሎይዳ ናንጋ ዴራ ዒላቲ ዬኤካዖ፡- «ዒሰራዔኤሌ ያኦዛሂኮ ጫክቁሞ ሳኣዲኖ ሃይካ ኑ ኮራ ዔያታ ዔኪ ሙከሚ ኑና ቢያሂ ኩርሲሳኒ ማሊኬ!» ጌዔኔ፡፡ 11 ሃሃ ገንሣ ፒሊሰጄኤሜ ዓሶ ካኣቶ ባንሂ ቢያ ኪኢታ ዓሲ ዳኪ፡- «ኑኡና ኑ ማኣር ዓሶና ቢያ ኩርሱሞንቲ ዒሰራዔኤሌ ያኦዛሂኮ ጫክቁሞ ሳኣዲኖ ሞንዴ ዔኪ ሙከና ቤዞ ማሃ ዳኩሞቲ» ጌዔኔ፤ ናንገና ናንጋ ጎዳ ሚርጌና ዔያቶ ሜታሱሂር ካታሞ ቢያይዳ ዓኣ ዓሳ ጋፒ ሃይቃንዳኔ ጌይ ካራ ባይዚ ዒገጠኹ፤ 12 ዒሞና ሃይቦይዳፓ ዓቲ ዓሳ 0-9 ኪያ ባካ ሚርጌና ዔያቶይዳ ሞልቃዲሂር ዴራ ቢያ ፔኤኮ ያኦዞ ባንሂ ዬኤኪ ዬኤኪ ዒላቲኔ፡፡

6

ያኦሲኮ ጫክቁሞ ሳኣዲኖ ማዔሂ

1 ያኦሲኮ ጫክቁሞ ሳኣዲኖ ፒሊሰጄኤሜ ዓጮይዳ ላንካይ ዓገኒ ዴዔሰካፓ፡ 2 ፒሊሰጄኤሜ ዴራ ዔያቶኮ ቄኤሶንታ ዠሞሞ ዔኤሊ፡- «ያኦሲኮ ጫክቁሞ ሳኣዲኖ ኑ ሞዴቲ ኮሺዳይ? ገንሣ ሞንዴ ሙከ ቤዞ ማሃ ኑ ዳካኒ ጌዔቲ ሞዴ ኑ ዳኮንዳይ? ጎይያኑሞ ኬኤዘሞቲ» ጌይ ያኦጮኔ፡፡

3 ዔያታ ማሃዖ፡- «ዒሰራዔኤሌ ዓሶ ያኦዛሂኮ ጫክቁሞ ሳኣዲኖ ማሃ ዳካኒ ዒንሂ ኮዔቲ፡ ዒንሂኮ ዳቢንቶ ዛሎር ዒንጎ ባኣዚ ዒንገ ሞላ ዳካንዳያ ኮይሳኔ፤ ጫክቁሞ ሳኣዲኖ ፔቲታዖ ዔኤቢ ዒንጉሞዖ ማሃ ዳካንዳያ ኮይሱሞሴ፤ ዒንሂ ዬያይዴቲ ዶርዒሂፓ ዳቃንዳኔ፤ ሃሃ ዒዚ ዒንሂ ሚርጌና ሜታሱሂ ዓይጎርታቲያ ዒንሂ ዔራንዳኔ» ጌዔኔ፡፡ 4 ዴራ ዒሞና፡- «ኑኡኮ ዳቢንቶር ዒንጎ ባኣዚ ማሃ ዓይጎ ኑ ዒንገ ዳኮንዳይ?» ጌይ ያኦጮኔ፡፡

ቄኤሶንታ ዠሞንታ ማሃዖ፡- «0-9 ኬሰካ ዲንጮና ኪያና ማሊሲ ሞርቄና ኮሸና ደንጎ ናኣቦ፤ ሃሃ ፒሊሰጄኤሜ ዓሶ ካኣቶ ሚርጌሞጉዴያ ሂኢ፤ ማሊሲ ሞርቄና ማዠና ደንጎ ናኣቦ ማዓንዳያ ኮይሳኔ፤ ዬይ ዒንሂ ቢያሂንታ ዒንሂኮ ደንጎ ካኣቶንታይዳ ዳኪንቲ ዶርዒሂ ፔቲ ማዔሂርኬ፡፡ 5 ዒንሂኮ ዓጮ ባይዛንዳጉዳ ዳኪንቲ ሂኢያንታ 0-9 ኪያ ባኮንታ ማሊሲ ዬንሂ ዒንጎ ባኮንሂ ኮሺ ዒሰራዔኤሌ ዓሶ ያኦዛሂ ዒንሂ ቦንቻንዳያ ኮይሳኔ፤ ዬያ ባንሂ ማሳቲ ጎዖንቲ ዒንሂንታ ዒንሂኮ ያኦዞንታ ዓጮንታ ኩርሲያ ዒ ሃሻንዳያ ናንዳኔ፤ 6 ገብፄ ዓጮ ካኣቲና ገብፄ ዓሶና ማዲሂጉዳ ዓይጎር ዒንሂኮ ዒኖ ዒንሂ ደዲሻይ? ዒሰራዔኤሌ ዓሳ ገብፄ ዓጮይዳፓ ኬሰኬሂ ያኦሲ ገብፄ ዓሶ ሚርጌና ሜታሱሂኮ

ገንፃፓቱዓዳ? 7 ይኛሮ ሃሢ ዓኪ ሳርጌላ ያይታገታ ዋኣፂገቲ ቤቁባኣ ላምፖ ናይንዳ ባይ ገኢጊሹዋቲ፤ ዩንሢ ባኣቶንሢ ዋኣፂ ሳርጌሎ ያይቲሎ ቃንባራይዳ ቱኪጋፓ ናኣሮ ዔያቶኮ ቁሪ ገንሣ ባርቶ ጌልዙዋቲ፤ 8 ዩካፓ ያኦሲኮ ጫኣቁም ሳኣፂኖ ዔኪ ዒንሢ ገኢጊሹ ያይቶይዳ ጌሠዋቲ፤ ዒንሢኮ ዳቢንቶ ዛሎ ዒንጎ ዒንጊያ ዋላ ዳካኒ ዋርቆና ዒንሢ ኮሹ ዲማ ዲማ ባኮ ሳኣፂኔ ጋርካ ዓጊ ጫኣቁም ሳኣፂኖ ኮይላ ጌሠዋቲ፤ ዩያይዳሰካፓ ጎይያ ኬሲ ዳንዳንዳጉዲ ሃሹዋቲ። 9 ዓካሪ ዋዚም ዳንዳቲያ ዛጉዋቲ፤ ቤትሹሜሽ ካታም ባንሢ ዳንዳያ ማዔቲ ዩያ ኩርሳ ባኮ ኦጊዳ ዳኬሢ ዒሰራዔኤሌ ዓሶ ያኣዛሢ ማዔሢ ዔርዘኔ፤ ጋዓንቲ ዩኖ ባንሢ ዓኣዲዋያ ማዔቲ ዩይ ባይሰገታ ኦጊዳ ሙኬሢ ያኦሲ ዳኬምቱዋንቲ ጉሪ ሙሙኮ ባኣዚታሢ ኦ ዔራንዳኔ» ጌዔኔ።

10 ዓሳ ዒማና ጌይንቲ ጎይያ ማዳኔ፤ ላምፖ ናይንዳ ባይ ዔኪ ሳርጌላ ያይታ ቱኡቲ ዓኣ ቃንባራይዳ ዋኣፂሰካፓ ናኣሮ ቁራፖ ባርቶ ጌልዚ ካሮ ዋዳኔ። 11 ያኦሲኮ ጫኣቁም ሳኣፂኖ ዔኪ ሂኢያገታ ኪፃ ባኮንታ ማሊሲ ዋርቆና ኮሹንቲ ባኮ ኩንሢ ጌሃና ሳኣፂኖ ሳርጌሎ ያይቶይዳ ጌሣኔ፤ 12 ዩካፓ ባኣቶንሢ ጎይያ ኬሰኪ ሴካ ሃንጋ ጎዑዋፖ ፒዝ ጌይ ቤትሹሜሽ ካታም ባንሢ ዳንዳሢ ሳርቄኔ፤ ዔያታ ዳንዳ ዋዶና ያኦሊ ያኦሊ ዓኣዳኔ፤ ዒማና ፒሊሰፂኤሜ ካኣቶ ዶንጎንሢ ዳንዳ ቤትሹሜሽኮ ዛጸ ሃላንዳኣና ገንፃ ዳንዳኔ።

13 ቤትሹሜሽ ዓሳ ፔቲ ዶኦቲዳ ዛርጌ ጮኦሪቤቃ ዴግ ጌይ ዛፓፖ ያኦሲኮ ጫኣቁም ሳኣፂኖ ዳንቄኔ፤ ዩያ ዔያታ ዳንቄሢሮ ኮሺ ዋዛዳኔ። 14 ሳርጌሎ ያይቲላ ቤትሹሜሽይዳ ናንጋ፡ ዒያሱ ጌይንታ ዓሲሰኬያኮ ጎሺ ጌሊ ዳኤፒ ሹቲኮ ኮይላ ሙካፖ ዔቄኔ። ዳራ ዒማና ሳርጌሎ ያይቲሎኮ ሚያ ጳሊ፡ ባኣቶንሢያኣ ሹካፖ ያኦሲም ሚቲ ዒንጎ ዒንጊሢ ማሂ ሸኢሽኔ። 15 ዒኢካ ዓኣ ሌዊ ዓሳ ያኦሲኮ ጫኣቁም ሳኣፂኖንታ ዋርቃ ኩሚ ዓኣ ሳኣፂኖ ዔኪ ዳኤፖ ሹጫሢ 0-ፃ ጌሣኔ፤ ዒማና ቤትሹሜሽ ዓሳ ናንጊና ናንጋ ጎዳም ሚቲ ዒንጎ ባኣዚንታ ሜሌ ባኮዋ ቢያ ዒንጌኔ፤ 16 ዶንጎ ፒሊሰፂኤሜ ካኣቶንሢ ዩያ ቢያ ዛጌሰካፓ ዩኖ ዓቦ ማዒ ገንሣ ዔቅሮኔ ዳንዳኔ።

17 ፒሊሰፂኤሜ ዓሳ ዔያቶኮ ዳቢንቶ ዛሎ ዒንጎ ባኮ ማሂ ናንጊና ናንጋ ጎዳም ዳኬ 0-ፃ ኪፃ ባኮ ማሊሲ ኮሾና ዋርቆ ናኣቦንሢ፡ ዓሽዶዳ ሱንሢና፡ ጋኣዛ ሱንሢና፡ ዓሰቄሎና ሱንሢና፡ ጋኣቲንታ ዔቅሮኔ ካታም ሱንሢና ዳኪንቲያኬ። 18 ሂኢያ ማሊሲ ዋርቆና ማኸናዛንሢኮ ፓይዳ ዶንጎ ፒሊሰፂኤሜ ዓሶ ካኣታ ዋይሣ፡ ዙሎ ኮሺ ዲርቄ ማኸና ካታምንሢና ዩያቶኮ ኮይላ ዓኣ ጉርዶ ፓይዶ ጉዳያኬ። ቤትሹሜሽይዳ ናንጋ ዒያሱ ጎዡ ጋራ ያኦሲኮ ጫኣቁም

ሳኣዲና ጌሢንቴ ዳኤፖ ሹጫሢ ዬያ ማዲንቴ ባኮኮ ሃዮ ሄላንዳኣና ማርካ ማዒ ዓኣኔ።

19 ዒማና ቤትሹሜሽ ዓሳ ጾኦሲኮ ጫኣቁሞ ሳኣዲኮ ጋሮ ዛጌሢሮ ናንጊና ናንጋ ጎዳ ዔያቶይዳ ደጋዲ ዔያቶ ባኣካፓ ለንካይታሚ ዓሲ ዎዴኔ፤ ናንጊና ናንጋ ጎዳ ዬያይዲ ዔያቶ ባኣካፓ ዓሶ ኩርሴሢሮ ቤትሹሜሽ ዓሳ ጾዩ ዬኤኬኔ።

ጾኦሲኮ ጫኣቁሞ ሳኣዲና ቁርያትይዓሪሜይዳ

20 ዬያሮ ቤትሹሜሽ ዳራ፡- «ሃያ ደማዳ ጾኣዛሢ ቤርታ ጾኦኒ ጫርቁ ዔቃንዳይ? ዒዛኮ ጫኣቁሞ ሳኣዲኖ ኑ ኮይላፓ ኬሲ ዎካ ዳኮንዳይ?» ጌዔኔ። 21 ዬካፓ ቁርያትይዓሪሜ ዓሶም፡- «ፒሊሰጻኤሜ ዓሳ ጾኦሲኮ ጫኣቁሞ ሳኣዲኖ ኑ ኮራ ዔኪ ሙኬሢሮ ዒንሢ ሙኪ ዔኩዎቴ» ጌዒ ከኢታ ዓሲ ዳኬኔ።

7

1 ዒማና ቁርያትይዓሪሜ ዓሳ ሙኪ ናንጊና ናንጋ ጎዳኮ ጫኣቁሞ ሳኣዲኖ ዔኪ ጌሜራዳ ዓጫ ናንጋ፡ ዓቢናዳኣቤ ጎዶ ዓሲሰኬያ ማኣሪ ጌልዜኔ፤ ዒኢካ ዔያታ ናንጊና ናንጋ ጎዳኮ ጫኣቁሞ ሳኣዲኖ ካፓንዳጉዲ ዒዛኮ ናኣዚ ዓላዜሬ ዬያም ደማሲ ደኦሬኔ።

ሳሙዔኤል ዒሰራዔኤል ዓሶኮ ቡኡጌ ማዔሢ

2 ዬካፓ ጾኦሲኮ ጫኣቁሞ ሳኣዲና ጾደሲ ዎዳ ቁርያትይዓሪሜይዳ ዳዔኔ፤ ዒኢካ ዳዔሢ ላማታሚ ሌዔ ጉዴያኬ፤ ዒማና ዒሰራዔኤል ዓሳ ናንጊና ናንጋ ጎዳ ዔያቶ ማኣዳንዳጉዲ ዒዛ ባንሢ ዒላቴኔ።

3 ሳሙዔኤል ዒሰራዔኤል ዳሮም፡- «ጉቤ ዒናፓ ናንጊና ናንጋ ጎዳ ባንሢ ዒንሢ ማዓኒ ኮዔቴ ሜሌ ጾኦዞ ቢያ፤ ባሽና ዓሰታሮቴ ጌይንታ ላኣሊ ማሎና ማዢንቴ ጾኦዜሎ ባይዙዎቴ፤ ዒንሡሞ ጉቤ ናንጊና ናንጋ ጎዳም ዒንጊ ዒዛ ሌሊ ካኣሽኩዎቴ፤ ዒዚ ፒሊሰጻኤሜ ዓሶ ኩጫፓ ዒንሢ ዓውሳንዳኔ» ጌዔኔ። 4 ዬያሮ ዒሰራዔኤል ዓሳ ባዓኣሌና ዓሰታሮቴና ጌይንታ ጾኦዞ ባይዘ፤ ናንጊና ናንጋ ጎዳ ሌሊ ካኣሽኬኔ።

5 ዬካፓ ሳሙዔኤል፡- «ታኣኒ ዒንሢሞ ናንጊና ናንጋ ጎዳ ሚዳጳይዳ ሺኢቃንዳሢሮ ዒኢካ ቡኩዎቴ» ጌይ ዒሰራዔኤል ዓሶ ጉቤ ዔኤሌኔ። 6 ዬያሮ ዔያታ ፔቱሞና ሚዳጳይዳ ቡኬኔ፤ ዒኢካ ዔያታ ዎኣሢ ደይ ዔኪ ጾኦሲም ዒንጎ ባኣዚ ማሢ ላኣሊ ዬዮ ኬሎ ጉቤ ዔኤቢ ሙዎዎ ፔኤቄኔ፤ ዒማና ዔያታ፡- «ኦኡኒ ናንጊና ናንጋ ጎዳም ዎይዞ ዒዲ ዳቤኔ» ጌይ ዳቢንቶ ፔኤኮ ቡኡጻኔ፤ ዒሰራዔኤል

7:1 7:1 2ሳሙ. 6:2-4፤ 1ጾኦሲ. ዓሃኬ 13:5-7።

ዓሶ ባኣካ ማዢንታ ሞኦቶ ማዔቴያ ማሌ ማሌ ጌኤሲ ሳሙዔኤል ጌሰቲ ዋጋሢ ዬኖ ሚዲጳይዳኩ።

7 ዒማና ዒሰራዔኤል ዓሳ ሚዲጳይዳ ቡኩሢ ፒሊሰጻኤሜ ዓሳ ዋይዛያ ዶንጎ ፒሊሰጻኤሜ ካኣታ ዔያቶ ያላኒ ፔኤኮ ያላ ዓሶ ዔኪ ኬሰኬኔ፤ ዬያ ዒሰራዔኤል ዓሳ ዋይዛያ ዒጊጨ፡- 8 ሳሙዔኤልም፡ «ፒሊሰጻኤሜ ዓሶ ኩጫፓ ኦና ዒ ዓውሳንዳጉዲ ናንጊና ናንጋ ጎዳ ማዔ ኦ ያኦዛሢ ሺኢቂያ ኦም ሃሺፖ» ጌዔኔ። 9 ዬያሮ ሳሙዔኤል ጉኡጳባኣ ዳካ ማራናይ ሹኪ ጉቤና ሚቺ ዒንጎ ዒንጊሢ ማሢ ናንጊና ናንጋ ጎዳም ሺኢሹኔ፤ ዬካፓ ዒሰራዔኤል ዓሶ ዛሎ ናንጊና ናንጋ ጎዳ ዒ ሺኢቃዛ ሺኢጳ ዓዛኮ ዒዚ ዋይዜኔ፤ 10 ሳሙዔኤል ሚቺ ዒንጎ ባኮ ናንጊና ናንጋ ጎዳም ዒንጋ ጎይሢ ዓኣንቲ ፒሊሰጻኤሜ ዓሳ ዒሰራዔኤል ዓሶ ያላኒ ሙኬኔ፤ ጋዓንቲ ዒጣ ኬሎ ናንጊና ናንጋ ጎዳ ጫሪንጫፓ ዴኤፒ ጉጉንሢ ጉጉንሢም ፒሊሰጻኤሜ ዓሳ ዒጊጨ ጎጋይቂ ዒሰራዔኤል ዓሶ ቤርታፓ ጳሽኬ። 11 ዬያሮ ዒሰራዔኤል ዓሳ ሚዲጳፓ ዔቂ ዔያቶኮ ቤርታፓ ጳሽኬ ፒሊሰጻኤሜ ዓሶ ዴንዲ ቤትካራ ጌይንታ ቤዘኮ ዴም ሄላንዳኣና ዳውሲ ዳውሲ ጎይፆ ዔያቶ ዋዴኔ።

12 ዒማና ሳሙዔኤል ፔቲ ሹቺ ዔኪ ሚዲጳና ሹኔ ጌይንታ ቤዘኮ ባኣካ ዳኣቢ፡- «ናንጊና ናንጋ ጎዳ ሃኖ ሄላንዳኣና ኦና ማኣዴኔ» ጋዓኒ ዬኖ ሹጮ «ዓቤንዔዜራ» ጌይ ሱንሢ ጌሢኔ።

13 ዬያይዲ ፒሊሰጻኤሜ ዓሳ ያሎና ባሽንቲኔ፤ ሳሙዔኤል ናንጌ ዋዶ ቢያይዳ ናንጊና ናንጋ ጎዳ ዒሰራዔኤል ዓሶና ዋላ ማዔሢሮ ፒሊሰጻኤሜ ዓሳ ዒሰራዔኤል ዓሶ ያላኒ ኬሰኪባኣሴ። 14 ዬያኮ ቤርታ ፒሊሰጻኤሜ ዓሳ ያሎና ባሽ ዓርቄ፣ ዔቅሮኔና ጋቲናኮ ባኣካ ዓኣ ካታማ ቢያ ዒሰራዔኤል ዓሶም ማሢንቲኔ፤ ሃሢ ዒሰራዔኤል ዓሳ ፔኤኮ ዛጳ ዓኣ ካሮና ቢያ ማሢ ዔኬኔ፤ ዬያሮ ዒሰራዔኤል ዓሶና ዓሞራ ዓሶና ዋላ ጊኢጊ ናንጌኔ።

15 ሳሙዔኤል ናንጌ ዋዶይዳ ቢያ ዒሰራዔኤል ዓሶኮ ሱኡጌ ማዒ ናንጌኔ። 16 ዒዚ ለዓ ለዓ ቤኤቴኤሌንታ ጌልጌላንታ ሚዲጳኣ ዓኣዲ ዓኣዲ ዒሰራዔኤል ዓሶ ባኣካ ማዢንታ ጌኤዘ ጌሰቲ ዋጋኔ። 17 ዬካፓ ዒዚ ናንጋ ራኣማ ማዒ ዴንዲ ዴንዲ ዒኢካ ዓኣ ጌኤዘዋ ዛጋኔ፤ ራኣማይዳ ናንጊና ናንጋ ጎዳም ዒንጎ ባኣዚ ዒንጎ ቤሲያ ዒ ኮሹኔ።

8

ዒሰራዔኤል ዴራ ካኣቲ ካኣታሢኒ ያኦጩሢ

1 ዩካፓ ሳሙዔኤሌ ጋርቻዎ ፔኤኮ ላምዎ ናኦቶ ዒሰራዔኤሌ
 ዓሶኮ ሱኡጌ ማሂ ደኦሬኔ፤ 2 ዒዛኮ ቶይደ ናዒሂኮ ሱንፃ ዒዩዔኤሌ፤
 ጌኤዛሂ ሱንፃ ዓቢያ ጌይንታያ ማዓዛ ዔያታ ቤርሳቤ ካታሞኮ
 ሱኡጌ ማዒ ደኦሪንቴኔ። 3 ጋዓንቴ ዔያታ ዔያቶኮ ዓዴ ማዴ ጎይዎ
 ማዴባኦ፤ ዩያ ሃሺ ሚኢሾ ኮዓ ዓሲ ማዒ ዴሚና ዒንጎ ሚኢሾ
 ዔኪ ዔኪ ዓሶኮ ጌኤዛ ፒዜ ዎጉዎሴ።

4 ዩያሮ ዒሰራዔኤሌ ዓሶኮ ሱኡጋ ፔቱሞና ቡኪንቲ ሳሙዔኤሌ
 ዓኣ ቤዞ፣ ራኦማ ሙካዎ፡- 5 «ዎይዜ! ኔ ሃሂ ጋርቻኔ፤ ኔኤኮ ናኦታ ኔና
 ማሊ ኔ ማዴሂ ጎይዎ ማዴዎኦሂሮ ማሌ ዓጮይዳ ማዴንታሂጉዲ
 ኑና ዎይሃንዳ ካኦቲ ኑሞ ካኦታሴ» ጌዔኔ። 6 ካኦቲ ዔያቶም
 ዒ ካኦታሳንዳጉዲ ዓሳ ዒዛ ያኦጮሂሮ ሳሙዔኤሌ ያዩ ናንጊና
 ናንጋ ጎዳ ሸኢቁኔ፤ 7 ዩያሮ ናንጊና ናንጋ ጎዳ ሳሙዔኤሌም፡- «ዴራ
 ጋዓ ባኮ ቢያ ዎይዜ፤ ዔያታ ኔናቱዋንቴ ታኦኒ ዔያቶ ዑፃ ካኦታዲ
 ናንጉዎጉዲ ዔያታ ታና ቶኦቹኔ። 8 ታኦኒ ዔያቶ ጊብፄ ዓጮፓ
 ኬሴሰካፓ ዓርቃዎ ዔያታ ታና ሃሺ ሚሌ ያኦዞ ካኦሽኪ ካኦሽኪ
 ናንጌኔ፤ ዩያሮ ዔያታ ታኦም ማዴ ጎይዎ ኔኤማኦ ማዴሂ ዓርቁኔ፤
 9 ዓካሪ ሃሂ ዔያታ ጋዓ ባኮ ዎይዜ፤ ጋዓንቴ ዔያቶኮ ካኦታ ሃጊ
 ዔያቶም ማዳንዳ ባኮ ቢያ ፔጋሲ ላቲ ዔያቶም ኬኤዜ» ጌዔኔ።

10 ሳሙዔኤሌያ ካኦቲ ካኦታሃንዳጉዲ ያኦጮ ዴሮም ናንጊና
 ናንጋ ጎዳ ጌዔ ባኮ ቢያ ኬኤዜኔ፤ 11 ዒ ኬኤዞዎ፡ «ዒንሂኮ ካኦቲ
 ዒንሂም ማዳንዳ ባካ ያዲኬ፡- ዒንሂኮ ዓቲንቆ ናኦቶ ዒ ዔኪ፣
 ሳርጌሎ ያይቶና ፓራሂናይዳ ዴዒ ያላ ያልዚ ዓሲ ማሃንዳኔ፤ ሃሃ
 ፓራሂኮዎ ቤርታ ዓኦዳያ ዔያቶ ዒዚ ማሃንዳኔ፤ 12 ዔያቶይዳፓ ፔቲ
 ፔቲሂ ያሎ ያላ ሸዮ ዓሶ ዓይሃያ፤ ዛሎ ሃሃ ያሎ ያላ ደንጊታም
 ዓሶ ዓይሃያ ማሂ ዔያቶ ዒ ደኦራንዳኔ፤ ሃንጎዎቶ ሃሃ ካኦቲኮ
 ጎዡ ጎሽካ ዓሶና ሃኦኮ ቡኩሳ ዓሶ ማሃንዳኔ፤ ዛሎ ጊንሃ ያሎ
 ዓንጋም ኮሻያና ሳርጌሎ ያይቶ ኮሻያ ማሃንዳኔ፤ 13 ዩያጉዲ ዉዴሮ
 ናኦታ ዒንሂኮ ካኦቲም ሳሙቃ ቲዡ ጊኢጊሻያና ዎፄ ዎፃና ካሃ
 ካሃያ ማዓንዳኔ። 14 ዒንሂኮ ማሎ ማሎ ጎዡንታ ዎይና ቱኮ
 ቤዞንታ ዛይቶ ሪሚቶንታ ቢያ ዔኪ ዒዛኮ ደንዞም ዒንጋንዳኔ።
 15 ዒንሂኮ ሃኦኮንታ ዎይኮዎ ታጳፓ ፔቲማ ዔኪ ዔኪ ዒዛኮ
 ደንዞና ቶኮናም ዒዚ ዒንጋንዳኔ። 16 ዒንሂም ማዴ ማዴ ዓቲንቆንታ
 ላኦኦንታ፤ ዩያጉዲ ዒንሂኮ ባኦቶንታ ሃሮንታፓ ሚዛጳ ሚዛጳ ዔኪ
 ፔኤም ዒ ማሃንዳኔ። 17 ማራቶና ዎኦሮናኮዎ ታጳይዳፓ ፔቲማ
 ዒዚ ዔካንዳኔ፤ ዒንሂያ ዒዛም ካራሚ ማዓንዳኔ። 18 ዩይ ያዲ

8:5 8:5 ላሚ. ዎማ 17:14።

ማዕ ወደና ዲንሣ ናሽኪ ደኦሬ ካኣታሣ ማዳ ጌና ማድሮ ዲንሣ ዲላታንዳኔ፤ ናንጊና ናንጋ ጎዳ ጋዓንቴ ዲንሣኪ ባላቶ ዋይዛዓኬ» ጌዔኔ።

19 ዩይ ያዲ ማዔቴያ ሳሙዔኤል ከኤዛ ባኮ ቢያ ዳራ ዔኤቢኬ ጌይባኣሴ፤ ዔይታ ዲማና፡- «ዩያ ኔኤሮ ሃሼ! ኑ ኑኡኮ ካኣቴ ዓኣያ ማዓንዳጉዲ ኮዓኔ፤ 20 ኑ ያዲ ዳም ማሌ ዳራ ማዳ ጎይያ ዩይ ካኣታ ኑና ወይሣያ፤ ኑኡኒ ሞርኮና ዋላ ያልታኣና ዔኪ ከሲ ያለሳንዳ ካኣቴ ኑኡኮ ዓኣያ ማዓንዳኔ» ጌዔኔ። 21 ዩያሮ ሳሙዔኤል ዳራ ጋዓ ባኮ ቢያ ወይዛያ ዳንዲ ናንጊና ናንጋ ጎዳም ከኤኬኔ፤ 22 ናንጊና ናንጋ ጎዳ ሳሙዔኤልም፡- «ዔይታ ኔና ያኑጩ ጎይያና ካኣቴ ዔያቶም ካኣታሴ» ጌዔኔ፤ ዩካፓ ሳሙዔኤል ዳራ ፔኤኮ ማኣሪ ማኣሪ ዳንዳንዳጉዲ ዳኬኔ።

9

ሳሙዔኤልና ሳኣዖኦሌና

1 ቢኢኒያሜ ፃጳፓ ቁኢሴ ጌይንታ ፔቴ ዔርቴ ያርጎቺ ዓሲሰኬይ ዓኣኔ፤ ዲዚ ዓቢዔኤል ናይ፡ ፂሮሬኮ ናኣዚ ናይ ማዓዛ ዓፕሃ ቶኦኪ ማዔያ ቤኮራቴ ማኣሪ ዓሲኬ። 2 ቁኢሴኮ ያኢኒያ ዲዛጉዲ ሚዛጵዋያ ሳኣዖኦሌ ጌይንታ ናይ ዓኣኔ፤ ሳኣዖኦሌ ዔጶና ዓሲ ቢያይዳፓ ያዶሲ ሚዛጵሞናኣ ባሸኬ።

3 ሳኣዖኦሌኮ ዓዶ፡ ቁኢሴኮ ሃሪ ባይቁም ዲዚ ፔናኣዚ ሳኣዖኦሌ ኮራ፡- «ዓይሎይዳፓ ፔቴ ዓሲ ዔኪ ዳንዲ ባይቁ ሃሮ ኮዔ» ጌይ ባይሣኔ። 4 ዩያሮ ሳኣዖኦሌንታ ዓይሌሰኬያንታ ዋላ ጌሚራዳ ዓፕሬኤሜ ዓጮና ሻለሻና ጌይ ሃሮ ኮይያ ዓርቁኔ፤ ጋዓንቴ ዔይታ ሃሮ ዳንቃኒ ዳንዳዒባኣሴ፤ ዩካፓ ሻዕለሜ ዓጮዋ ዳንዲ ኮዓያ ዳንቁባኣሴ፤ ሃሣ ጌንሣ ቢኢኒያሜ ዓጮይዳና ጌይ ኮይ ኮይ ዳንዳኔ፤ ጋዓንቴ ዔይታ ሃሮ ዳንቃኒ ዳንዳዒባኣሴ። 5 ዩይና ጌዒ ፀፔ ዓጮ ዔይታ ሄላዛ ሳኣዖኦሌ ዓይላሣ ኮይላ፡- «ማይ ኑ ማኣሪ ማዒ ዳንዳንዳኔ፤ ዓይጎር ጌዔቴ ኑ ዓዳ ሃሮ ዛሎ ሃሺ ዓካሪ ኑ ዛሎ ማሊ ሚታዳንዳኔ» ጌዔኔ።

6 ዲማና ዓይላሣ፡- «ጮክ ጌዔ! ሃና ካታሞይዳ ኮሺ ቦንቸንታያ፡ ፔቴ ያኦሲ ዓሲሰኬይ ዓኣኔ፤ ዲዚ ከኤዛ ባካ ቢያ ዲ ጌዔ ጎይያማ ከኩማኔ፤ ዩያሮ ዲዛ ኮይላ ኑ ዳንደም፤ ጎዖንቴ ሃሮ ኑ ዋካፓ ዳንቃኒ ዳንዳዓቴያ ዲዚ ኑም ከኤዛንዳኣናንዳኔ» ጌዔኔ።

7 ሳኣዖኦሌ ጌንሣ፡- «ዓኣዶ ኑ ዓኣዳንዳኔ፤ ጋዓንቴ ዩያ ያኦሲ ዓሣም ዓይጎ ባኣዚ ኑ ዳንጋንዳይ? ጋላ ኑኡኮ ለኮይዳፓ ጋፔኔ፤ ሜሌ ኑ ዓይጎ ዲንጋንዳ ባኣዚ ዓኣይ?» ጌዔኔ።

8 ዓይላሢ ማሃቶ፡- «ታ ኮራ ሃይህ ገራአሜ ማዓንዳ ሹቹ ቢራ ዓኣኔ፤ ዒማ ኑ ዒንጋንዳኔ፤ ዒዚ ሃሮ ኑ ዋካፓ ዳንቃንዳቲያ ኬኤዛንዳኔ» ጌዔኔ።

9-11 ሳኣዎኦሌ ዒማና፡- «ቃራኬ! ቢሬ» ጌዔኔ፤ ዬያሮ ያኦሲ ዓሢ ዓኣ ካታሞ ዔያታ ዳንዲ ካታሜሎ ጌላኒ ጌሜሮ ሌካ ኬሰካንቲ ዋኣሢ ዲዓኒ ሙካ ዉዲሮ ናይና ካአሜኔ፤ ዬያቶ ኮይላ ዔያታ፡- «ያኦሲ ፔጋሲ ዲዋ ባኣዚ ዳንቁ ኬኤዛ ዓሲ ሃሮ ካታማ ዓኣ?» ጌይ ያኦጩኔ።

ያኦሲ ማላሢ ኬኤዛ ዓሲ ዬኖ ዎዶና «ያኦሲ ፔጋሲ ዲዋ ባኣዚ ዳንቁ ኬኤዛ ዓሲ» ጌይንታኔ። ዬያሮ ፔቲ ባኣዚ ያኦሲዳፓ ያኦጩ ዳንቃኒ ኮዓ ዓሲ ቢያ፡- «ያኦሲ ፔጋሲም ዳንቁ ኬኤዛ ዓሢ ኮይላ ኑ ዓኣዶም» ጋዓኔ።

12-13 ዒማና ዉዲሮ ናኣቶንሢ፡- «ሂኖ ዓኣኔ! ዬይሾ ዒንሢኮ ቤርታ ዳንዳኔ፤ ሩኡሪ ሩኡሪ ዒንሢ ዳንዴቲ ዒዛ ሂላንዳኔ፤ ካታሞ ዒንሢ ጌጌላዎ ዒዛ ዳንቃንዳኔ፤ ዒዚ ዳራ ሃሮ ያኦሲም ዒንጎ ባኮ ዒንጋኒ ገኢገንቲሢሂሮ ሃይካ ካታሞ ሙኬኔ፤ ዒዚ ዒንጎ ባኮ ቤርታዲ ዓንጃንዳያ ኮይሳኔ፤ ዒኣካ ሙኬ ዳራ ዒዚ ሙኩዋንቲ ዬያ ሙዎ ፔቲታዎ ሙዑዋሲ፤ ዬያሮ ሃሢ ዒንሢ ኬሰኬቲ ዒዚ ሙዎ ሙዓኒ ካኣኩ ቤዘ፡ ጌሜሮ ኬሰኩዋንቲ ዒዛ ዒንሢ ዳንቃንዳኔ» ጌዔኔ።

14 ዬካፓ ሳኣዎኦሌንታ ዓይላሢንታ ካታሜሎ ኬሰኪ፡ ሃጊ ዔያታ ጌሊያይዳ ዓኣንቲ ሳሙዔኤል ካኣኩ ቤዘ ዓኣዲኒ ኬሰኪ ዔያቶ ባንሢ ሙኬኔ።

15 ሳኣዎኦሌ ሙካንዳሢኮ ፔቲ ኬሊኮ ቤርታ ናንገና ናንጋ ጎዳ ሳሙዔኤሌም፡- 16 «ዚሮ ሃይማ ዎዴ ቢኢኒያሜ ፃጸፓ ፔቲ ዓሲ ኔ ኮይላ ታ ዳካንዳኔ፤ ታ ዴሮኮ ዒላታ ታና ሂላሢሮ ዔያቶኮ ሜታሢ ታ ዛጌኔ፤ ዬያሮ ዒዚ ፒሊሰጻኤሜ ዓሳ ታኣኮ ዴሮ ሜታሲ ዎይህ ዎይህፃፓ ኬሳንዳሢሮ ዒዛ ዒሰራዔኤሌ ዓሶኮ ሱኡጌ ማሂ ቲሽኪ ደኣሜ» ጌዔኔ።

17 ሳሙዔኤሌ ሳኣዎኦሌ ዳንቃኣና ናንገና ናንጋ ጎዳ ሳሙዔኤሌም፡- «ቤርታ ታ ኔኤም ኬኤዜ ዓሢ ሃያኬ፤ ዒ ታ ዴሮኮ ሱኡጌ ማዓንዳኔ» ጌዔኔ። 18 ሳኣዎኦሌ፡ ካታሞ ጌሎ ዲያ ካሮ ኮይላ ዓኣ ሳሙዔኤሌ ባንሢ ሙካዎ፡- «ያኦሲ ፔጋሲ ዲዋ ባኮ ዳንቁ ኬኤዛ ዓሢኮ ማኣራ ዓንካዳይ ታኣም ኬኤዜቲራ?» ጌዔኔ።

19 ሳሙዔኤሌ ማሃቶ፡- «ዬይ ዓሢ ታናኬ፤ ቤርታዲ ሃሢ ካኣኩ ቤዘ ዳንዴ፤ ሃሮ ዒንሢ ላምዓሢ ታኣና ዎላ ሙዓንዳኔ፤ ዚሮ ጉቲ ኔ ያኦጩ ባኮ ቢያ ታ ኔኤም ኬኤዚ ዳካዛ ኔ ዓኣዲንዳኔ፤ 20 ሃይህ ኬሊኮ ቤርታ ኔኤኮ ባይቄ ሃራ ዴዴኔ፤ ዬያቶ ዛሎ ሜታዲፖ፤ ጋዓንቲ

ዲሰራዔኤል ዳርኮ ማሊፃ ምና ዳንቃኒ ኮዓያ ኔኤም ማላይ? ዔያታ ኮዓሢ ኔኤና ኔ ዓደ ማኣሮ ዓሰናቱዓዳ?» ጌዔኔ።

21 ሳኦዶኤል ዲማና፡- «ታኣኒ ዲሰራዔኤል ፃጰ ባኣካፓ ዳካ ማዔ ቢኢኒያሜ ፃጰፓኬ፤ ሃሃ ዬያ ፃጰፓኣ ታ ማኣሮ ዓሳ ኮሺ ላኣፓኬ፤ ሃሢ ሃያጉዳ ባኣዚ ዓይጋ ኔ ታኣም ኬኤዛይ?» ጌዔኔ።

22 ዬካፓ ሳሙዔኤል ሳኦዶኤልንታ ዓይላሢንታ ዔኪ ዳልጎ ኬኤዎ ጌልዛዎ ሃይሢታሚ ማዓ ሸኦቹ ሙዖሮ ዳዒ ዓኣንቱ ዬያቶሲፓ ዑሃ ዓኣዴ ቃራ ቤሰካ ዳይሢኔ። 23 ዲማና ሳሙዔኤል ካሢንቶ ቤዛ ማዳ ዓሢ ዔኤላዎ፡- « ዲማሲ ጌሢ » ጌይ ታ ኔኤም ዒንጌ ሜኤሎ ዓሸኮ ታኣም ዔኪ ሙኬ » ጌዔኔ፤ 24 ዬያሮ ዬይ ዓሢ ቃራ ጉባሲ ዓሸኪ ዔኪ ሙኪ ሳኦዶኤል ቤርታ ጌሢኔ፤ ዲማና ሳሙዔኤል ሳኦዶኤልም፡- «ሃኣዛጌ፤ ሃይ ኔኤም ዲማሲ ጌሢንቱ ቃራ ዓሸኪኬ፤ ታኣኒ ዔኤሌ ሸኦጮና ዎላ ኔ ሙዓንዳጉዲ ታ ጌሢያታሢሮ ሃያ ሙዔ » ጌዔኔ።

ዬያሮ ዬዩ ኬሎ ሳኦዶኤል ሳሙዔኤልና ዎላ ሙዒ፤ 25 ካኣኸ ቤዛፓ ኬዲ ካታሞ ጌላዛ ሳሙዔኤል ሳኦዶኤልም ላሆንዶ ቤሲ ፔ ማኣራ ኩቦ ጋሮይዳ ጊኢጊሺሳዛ ዒዚ ዒኣካ ዎርቄኔ።

ሳሙዔኤል ሳኦዶኤል ተሸኪ ካኣታሢሢ

26 ዚሮ ጉቱ ሳሙዔኤል ሳኦዶኤል ኩቦ ጋሮፓ ዔኤላዎ፡- «ዓካሪ ዓቄ፤ ታ ኔና ዳካዛ ዳንዳኒ » ጌዔኔ፤ ሳኦዶኤል ዲማና ላሄ ቤዛፓ ዔቄ ሳሙዔኤልና ዎላ ጎይዎ ኬሰኬኔ፤ 27 ዬካፓ ካታሞኮ ጋፒንዎ ሄላዎ ሳሙዔኤል ሳኦዶኤል ኮይላ፡- «ኔኤኮ ዓይላሢ ቤርታ ዓኣዳንዳጉዲ ዒዛም ኬኤዜ » ጋዓዛ፤ ዓይላሢ ቤርታ ዳንዳሰካፓ ሳሙዔኤል ሳኦዶኤል ኮራ፡- «ኔ ዳካ ዓቄ፤ ናንጊና ናንጋ ጎዳ ጌዔ ባኣዚ ኔኤም ታኣኒ ኬኤዛንዳኔ » ጌዔኔ።

10

1 ዬካፓ ሳሙዔኤል ሪሚቶ ዛይቶ ተኸ ዓርሃና ጉራና ዔኪ ሳኦዶኤልኮ ቶኦካ ዎሂ ሄርቄሰካፓ፡- «ናንጊና ናንጋ ጎዳ ዒዛኮ ዳር፤ ዲሰራዔኤልኮ ሱኡጌ ማዓንዳጉዲ ኔና ተሸኪ ዶኦሜኔ፤ ኔኤኒ ዒዛ ዳርኮ ሱኡጌ ማዒ ሞርኮ ኩጫፓ ዔያቶ ዓውሳንዳኔ። 2 ሃና ኔ ታጊዳፓ ዲማዲ ዳንዳኣና ቢኢኒያሜ ዓጮይዳ ዓኣ ፃልፃሃ ጌይንታ ቤዛ ዓኣ ራኣሄሎ ዲኡፖ ኮይላ ላምዎ ዓሲ ኔኤና ካኣማንዳኔ፤ ዬንሢ ዓሳንሢ ኔኤኒ ኮዓ ሃራ ጴይያ ማዔሢ፤ ሃሃ ኔኤኮ ዓዴ ሃሮ ዛሎ ማሊዎ ሃሺ ኔ ዛሎ ማታዲ፡- «ናዓሢ ዛሎ ታ ዎዎይታንዳይ?» ጌይ ዎኦጫያ ማዔሢ ኔኤም ዔያታ ኬኤዛንዳኔ። 3 ዬካፓ ኔኤኒ ዳንዲ ታኣሮይዳ ፔቱ ዴኤፒ ሚሢሰኬይ ዓኣ ቤሲ ሄላንዳኔ፤

ዒኢካ ያኦሲም ዒንጎ ባኣዚ ዒንገ ካኣሸካኒ ቤኤቴኤሌ ዴንዳ ሃይሃ ዓሲ ኔ ዴንቃንዳኔ፤ ዩንሢዳፓ ፔቴሢ፡- ሃይሃ ዋናናይ ጎፔያ፤ ለምዓሳሢ፡- ሃይሃ ላኣዳ ኬዴያ፤ ሃይሃሳሢ፡- ዋይ ነ ዑሽ ሉካና ዓርሢ ኬዴያ ማዓንዳኔ፤ 4 ዔያታ ኔኤና ዔኤሊንታዎ ካሃንሢዳፓ ለምዓንሢ ኔኤም ዒንገንዳኔ፤ ኔኤኒ ዔካንዳያ ከይሳኔ፤ 5 ገንሣ ሃሣ ኔ ዴንዳ ፒሊስጻኤማ ዓሶኮ ያሎ ዓሳ ዴንከ ዴዔ፤ ገቢዓ ጌይንታ ያኦሲ ጌሜር ሙካንዳኔ፤ ዩካፓ ካታሜሎ ጌሎ ካር ኔ ሄላኣና ያኦሲም ጌሜርይዳ ዒንጎ ባኮ ዒንገ ማዒ ሙካ ያኦሲ ማሊዎ ከኤዛ ዓሳ ቡኪንቲ ዓኣያ ኔ ዴንቃንዳኔ፤ ዔያታ ጎኦላንታ ሹሉንጎንታ ፔቴ ቫሽና ዴንሃ ጎኦሎንታ ዋርቁ ዋርቁ ካራቤያ ባዒ ባዒ ያኦሲ ቦንቸም ዓይናዳንቲ፤ ሃሣ ፔኤኮ ዑኡዞ ደገዲ ያኦሲ ማሊሢ ከኤዛንቲ ኔ ሙካንዳኔ። 6 ዒማና ኔ ዔራዋንቲ ያኦሲኮ ዓያና ዋልቁና ኔገዳ ኬዳንዳኔ፤ ዩካፓ ዔያቶና ዋላ ኔ ያኦሲ ማሊሢ ከኤዚሢሢ ዓርቃንዳኔ፤ ዴማ ዓሲያ ማዒ ኔ ላኣሚንታንዳኔ፤ 7 ዩንሢ ማላቶንሢ ቢያ ኩማኣና ያኦሲ ኔኤና ዋላ ዓኣሢር ኔ ማዳኒ ኮይሳ ባኮ ቢያ ማማዴ፤ 8 ያኦሲም ሚቺ ዒንጎ ባኮንታ ፔቴምና ዒንጎ ባኮዋ ዒንገኒ ኔኤና ታ ካኣማንዳ ቤዘ፤ ጌልጌላ ቤርታ ታኣኮ ዴንዴ፤ ታኣኒ ሙከ ኔ ዋዋዳንዳቲያ ከኤዛንዳያ ሄላንዳኣና ላንካይ ከሊ ዒኢካ ዴዔ» ጌዔኔ።

9 ዩማና ሳኣዎኦሌ ሳሙዔኤሌፓ ዴማዲ ዴንዳኣና ያኦሲ ሳኣዎኦሌ ላኣሚ ሜሌ ዓሲ ማሄኔ፤ ሳሙዔኤሌ ዒዛም ማላታ ማሃ ከኤዜ ባካ ቢያ ዩኖ ከሎ ኩሜኔ፤ 10 ሳኣዎኦሌንታ ዓይላሢንታ ገቢዓ ሄላዛ ያኦሲ ማሊዎ ከኤዛ ዓሳ ቡኪ ዓኣዎ ሳኣዎኦሌና ካኣሜኔ፤ ዒማና ዔርቲባኣንቲ ያኦሲኮ ዓያና ዋልቁና ሳኣዎኦሌይዳ ኬዴም ዔያቶና ዋላ ያኦሲ ማሊሢ ከኤዚሢሢ ዓርቁኔ። 11 ዩያር ዩያኮ ቤርታ ሳኣዎኦሌ ዔራ ዓሳ ዩያ ዒ ማዳሢ ዛጋዎ፡- «ቂኢሴ ናኣዚ ዋዋይቲይ? ሳኣዎኦሌያ ያኦሲ ማሊዎ ከኤዛ ዓሶ ማዒያ?» ጌይ ዋሊ ከይላ ያኦጩኔ። 12 ዒኢካ ናንገ ፔቴ ዓሲሰኬይ፡- «ሃኣቶ ሃንጎዋቶ፣ ያኦሲ ማሊዎ ከኤዛ ዓሶ ዛላ ዋዚዳዎ? ዔያቶኮ ዓድንሢ ያናንሢዳዎ?» ጌይ ያኦጩኔ፤ «ሳኣዎኦሌያ ያኦሲ ማሊዎ ከኤዛ ዓሶ ማዒናኣኮዳ?» ጌይንታ ኮኣኪንሃ ሃይሳ ዩያይዳፓ ዔቁያናኬ።

13 ሳኣዎኦሌ ያኦሲ ማሊዎ ከኤዚ ጋፔሰካፓ ጌሜራ ዓኣ ያኦሲም ዒንጎ ባኮ ዒንጎ ቤዘ ከሰኬኔ።

14 ዒማና ሳኣዎኦሌኮ ማዔ ሳኣዎኦሌንታ ዓይላሢንታ ዴንቃዎ፡- «ዒንሢ ሳንካፓ ሙካይ?» ጌይ ያኦጩኔ።

ሳኣዎኦሌ ማሃዎ፡- «ሃራ ኑ ኮዒኒ ዴንዴዎ ዴንቃኒ ዳንዳዒባኣሢር ሳሙዔኤሌ ያኦጩኒ ኑ ጌሌኔ» ጌዔኔ።

10:12 10:12 1ሳሙ. 19:23-24።

15 ማዓሢ ዒማና፡- «ዒዚ ዒንሢሞ ዋዚ ጌዔይ?» ጌይ ያኦጩኑ።

16 ሳኦኦኤል ማሃዖ፡- «ሃራ ጴዳሢ ኑም ዒ ኬኤዘኔ» ጌዔኔ፤ ጋዓንቴ ካኣቴ ማዒ ዶኦሚንቴያ ማዒያ ሳሙዔኤል ኬኤዘሢ ማዖም ዒ ኬኤዚባኣሴ።

ሳኦኦኤል ካኣቴማ ፔጋሲ ኬኤዚንቴሢ

17 ዴራ ናንጊና ናንጋ ጎዳ ቤርታ ሚጻጻይዳ ቡካንዳጉዲ ሳሙዔኤል ዔኤሌኔ። 18 ዒኢካ ዒዚ ዴሮም፡- «ናንጊና ናንጋ ጎዳ ማዔ ዒሰራዔኤል ያኦዛሢ ሂዚ ጋዔኔ፤ ታ ዒንሢ ጊብፃ ዓጩፓ ኬሴኔ፤ ጊብፃ ዓሶንታ ሜሌ ዒንሢ ሄርቁ ዋይሢ ካኣቶንታይዳፓ ዓውሲ ታ ዒንሢ ኬሴኔ፤ 19 ሃሢ ዒንሢ ጋዓንቴ ሜቶይዳፓ ዒንሢ ዓውሴ ያኦዛሢ ቦሂ ኑም ሃሢ ኔኤር ካኣቴ ካኣታሴ! ጌዔኔ። ዬያር ሃሢ ዒንሢኩ ፃጵና ቶኦኩና ፓቂንቴ ፓቂንቴ ናንጊና ናንጋ ጎዳ ቤርቶ ሺኢኩዋቴ» ጌዔኔ።

20 ዬካፓ ሳሙዔኤል ፔቴ ፔቴ ፃጻ ቤርቲም ቤርቲም ኬሰካንዳጉዲ ማሃዛ ናንጊና ናንጋ ጎዳ ቢኢኒያሜ ፃጻ ዶኦሬኔ፤ 21 ሄሊሳዖ ሳሙዔኤል ቢኢኒያሜ ፃጻ ማኣር ዓሳ ጉቤ ቤርቲም ኬሰካንዳጉዲ ማሃዛ ዬያቶ ባኣካፓ ማጻሬ ማኣር ዓሳ ዶኦሬንቴኔ፤ ጊንሢ ሃሢ ማጻሬ ማኣር ዓሶኮ ዓቲንቃ ቤርቲም ኬሰካንዳጉዲ ማሃዛ ዬያቶ ባኣካፓ ቂኢሴ ናኣዘ፤ ሳኦኦኤል ዶኦሬንቴኔ፤ ዔያታ ዬማና ዒዛ ኮዓዖ ዴንቃኒ ዳንዳዒባኣሴ፤ 22 ዬያር ዔያታ፡- «ዬይ ዓሢ ሃይካ ሙኪያ?» ጌይ ናንጊና ናንጋ ጎዳ ያኦጩኑ።

ናንጊና ናንጋ ጎዳ ማሃዖ፡- «ሳኦኦኤል ዬይሾ ሜሆ ባኣካ ጌሊ ዓኣሺንቴ ዓኣኔ» ጌዔኔ።

23 ዬያር ዔያታ ዑኩና ዴንዲ ዓኣሺንቴ ቤዛፓ ዒዛ ኬሲ ዔኪ ዴር ኮይላ ሙካዛ ዴራ ሳኦኦኤል ዔጸና ቢያፓ ባሼ ማዔሢ ዛጌኔ፤ 24 ሳሙዔኤል ዒማና ዴሮም፡- «ናንጊና ናንጋ ጎዳ ዶኦሬ ዓሢ ሃይሾ ሃያኬ! ኑ ባኣካፓ ዒዛና ቤቃይ ባኣሴ» ጌዔኔ።

ዬካፓ ዴራ ቢያ ዑኡዞ ፔኤኮ ዴጊዲ፡- «ካኣቴ ሚርጌ ለዔ ናንጎንጎ!» ጌዔኔ።

25 ዴራ ካኣቶም ማዳኒ ኮይሳ ዋጌና ዴምቤና ሳሙዔኤል ኬኤዘ፤ ዬያ ማፃኣፔይዳኣ ፃኣፒ ናንጊና ናንጋ ጎዳ ቤርታ ጌሢኔ፤ ዬካፓ ዴር ቢያ ፔ ማኣሪ ማኣሪ ዳካዛ፤ 26 ሳኦኦኤል ጊቢዓይዳ ዓኣ ፔ ማኣሪ ማዒ ዴንዴኔ፤ ዒዛ ጊንዖ ዴንዳንዳጉዲ ያኦሲ ማሊሴም ዔቁ ዶዲ ዶዲ ያልዚ ዓሲ ዒዛና ዴንዴኔ። 27 ጋዓንቴ ፔቴ ፔቴ ፓሡቀ ማሊሢ ዓርቁ ዓሲ፡- «ሃያጉዴ ዓሲ ኑና ዋይቴ ዓውሳይ?» ጌይ ዒዛ ቦሂ ፔቴታዖ ዒንጎ ባኣዚ ዒዛም ዒንጊባኣሴ፤ ሳኦኦኤል ጋዓንቴ ዔኤቢ ጌይባኣሴ።

11

ሳኦኦሌ ዓሞኦኔ ዓሶ ያሎና ባሺሢ

1 ፔቴ ዓጊኒኮ ጊንፃ ዓሞኦኔ ዓጮ ካኣቲ፡ ናዖሴ ጌሌዓዴይዳ ዓኣ ያቤሼ ካታሞ ያሊ ዓርቃኒ ያልዚ ዓሲና ማንጌኔ፤ ዬያሮ ያቤሼ ዓሳ ናዖሴ ኮራ፡- «ኑ ኔኤና ዎላ ጊኢጊ ናንጋኒ ጫኣቃንዳኔ፤ ኑኡኒ ኔኤኮ ዓይሌ ማዓንዳኔ» ጌዔኔ።

2 ናዖሴ ማሃዖ፡- «ታ ዒንሢና ዎላ ጫኣቃኒ ዳንዳዓሢ ፔቴ ባኣዚ ዒንሢ ዔኤዓቴከ፤ ዬና ዓይጎዳይ ጌዔቴ ዒንሢ ፔቴ ፔቴሢኮ ማዘቆ ዓኣፖ ታኣኒ ዎቂ ከሲ ዒሰራዔኤሌ ዓሶ ጋፒንሢ ሶርሲሳንዳኔ» ጌዔኔ።

3 ዒማና ያቤሼ ዓጮ ሱኡጋ፡- «ዒሰራዔኤሌ ዓጮ ጉቤ ከኢታ ዓሲ ኑ ዳካንዳጉዲ ላንካይ ከሊ ኑሞ ዒንጌ፤ ኑና ዓውሳንዳ ዓሲ ባይቂቴ ኔኤሞ ኑ ኩጮ ዒንጋንዳኔ» ጌዔኔ።

4 ዔያታ ዳከ ኪኢቶ ዓሶንሢ ሳኦኦሌ ዓኣ ቤዞ፡ ጊቢዓ ሙካፃ ሃይሶ ከኤዛዛ ዴራ ቢያ ካራ ባይዚ ዒላቲና ዬኤፒ ዓርቂ።

5 ሳኦኦሌ ዒማና ዎኣፃ ጌማይ ዒሺ ፔኤኮ ጎዛፓ ማዒ ሙካኔ፤ ዒዚ ዬያ ዎይዘዖ፡- «ሃይ ዓይጎዳይ? ዓሳ ቢያ ዓይጎር ዬኤካይ?» ጌይ ያኦጫዞ፡ ያቤሼፓ ሙኩ ዓሳ ጌዔ ባኮ ዒዛሞ ዓሳ ከኤዘኔ።

6 ሳኦኦሌ ዬያ ዎይዛዛ ያኦሲኮ ዓያና ዎልቂና ዒዛይዳ ከዴኔ፤ ሃሃ ማርጌና ዒ ዳጋዴ። 7 ዬካፓ ዎኣፃ ጌማቶንሢ ሹኪ ዓሸኮ ዲቢ ቤሲ ቲቂ ቲቂ ፓቂ፤ ዬያ ዓሸኮ ዔኪ፡- «ሳኦኦሌና ሳሙዔኤሌና ጊንፃ ያልዚር ከሰኩዎ ዓሲ ዓኣቴ ዬኖ ዓሶኮ ጌማታ ሃማዲ ቲቂንታንዳሢ ዔሩዎቲ!» ጌይ ኪኢታ ዓሲ ዒሰራዔኤሌ ዓጮ ቢያ ዳከኔ።

ዬያሮ ዒሰራዔኤሌ ዓሳ ቢያ ናንጊና ናንጋ ጎዳሢ ዒጊጨ ፔቴ ዓሲያ ዓቲዎፃ ቢያ ከሰከኔ። 8 ሳኦኦሌ ዔያቶ ቤዘቂ ጌይንታ ቤዛ ቡኩሳዛ ዔያቶኮ ፓይዳ፡- ዒሰራዔኤሌፓ ሙኩ ዓሶኮ ሃይሃ ያኤታ ሺያ፤ ዬሁዳይዳፓ ሙኩ ዓሳ ሃይሢታሚ ሺያከ። 9 ዬካፓ ዔያታ ያቤሼፓ ሙኩ ኪኢቶ ዓሶሞ፡- «ዚር ዓባ ሳዛ ሃላንዳሢኮ ቤርታ ኑ ሙኪ ዔያቶ ዓውሳንዳሢ ዒንሢኮ ዴሮሞ ከኤዙዎቲ» ጌዔኔ።

ዬንሢ ኪኢቶ ዓሶንሢ ዴንዲ ያቤሼ ዴሮሞ ከኤዛዛ ዔያታ ማርጌና ዎዛዴ። 10 ዬያሮ ያቤሼ ዓሳ ዓሞኦኔ ዓሶሞ፡- «ዚር ኩጮ ኑ ዒንሢሞ ዒንጋንዳኔ፤ ዒንሢ ኑጊዳ ኮዔ ባኣዚ ማዲዎቲ» ጌዔኔ።

11 ዚር ጉቴሎ ዓማ ሳኦኦሌ ዔቂ ፖኦሊሶ ሃይሃ ቤሲ ፓቂ፤ ዬያይዴሰካፓ ዴንዲ ዓሞኦኔ ዓሶ ጉርድ ጌሊ ያልዚ ዓርቂ፤ ዓባ ዴንዲ ሳዛ ሃላንዳኢና ዓሞኦኔ ዓሶፓ ማርጌ ዓሲ ዎዴ፤ ሃይባፓ ቶሌ ዓሳ ላሞፃ ዓሲታዎ ዎላ ማዓኒ ዳንዳዑዎ ጎይሢ ጳሽኪ ፑኒ ፑኒ ዴንዳኔ።

12 ዲማና ዲሰራዔኤል ዓሳ ሳሙዔኤል ኮይላ፡- «ሳኦኦኦኦ ኑ ዑፃ ካኦኦኦኦ» ጌዔ ዓሳ ያናንሢዲይ? ዔያቶ ኑሞ ዓኦሢ ዲንጌ ኑ ዎዲንዳኔ!» ጌዔኔ።

13 ሳኦኦኦኦ ጋዓንቴ፡- «ናንገና ናንጋ ጎዳ ዲሰራዔኤል ዓሶ ሃናኦ ከሎይዳ ዓውሴሢሮ ዓይጎ ዓሰያ ዎዲንታንዳያ ኮይሱሞሴ» ጌዔኔ። 14 ዩካፓ ሳሙዔኤል ዴሮሞ፡- «ቢያሢ ኑ ጌልጌላ ዓኦዲ ሳኦኦኦኦ ኑኡኮ ካኦኦኦ ማዔሢ ለሚ ሃሣ ፔጋሲ ኑ ዔርዘሞ» ጌዔኔ።

15 ዩያሮ ቢያሢ ጌልጌላ ዴንዲ ዲኦካ ናንገና ናንጋ ጎዳሞ ዲማዴ ቤዘይዳ ሳኦኦኦኦ ካኦኦኦ ማዔሢ ዔርዘኔ፤ ዲኦካ ናንገና ናንጋ ጎዳሞ ፔቱሞና ዲንጎ ባኦዚ ሺኢሺኔ፤ ሳኦኦኦኦንታ ዲሰራዔኤል ዴሮ ቢያሢንታ ዩኖ ቦንቾ ከሎ ዴኤፒ ዎዛና ቦንቾኔ።

12

ሳሙዔኤል ዔልቃሜ ዔልቃሞ

1 ዩካፓ ሳሙዔኤል ዲሰራዔኤል ዴሮሞ፡- «ዲንሢኮ ያኦጢያ ቢያ ታ ዔኪ ካኦኦኦ ዲንሢሞ ካኦኦኦኦ፤ 2 ዓካሪ ዲንሢ ዔኪ ዓኦዲንዳ ካኦኦኦ ዲንሢ ዴንቄኔ፤ ጋዓንቴ ታኦኒ ማይ ጋርቼኔ፤ ታኦኮ ናኦኦኦ ዲንሢና ዎላ ዓኦኔ፤ ታኦኒ ዴጋቶፓ ዓርቃዎ ዲንሢኮ ሱኡጌ ማዲ ሃኖ ሄሌኔ። 3 ሃይሾ ታ ዲንሢኮ ቤርታ ዓኦኔ፤ ናንገና ናንጋ ጎዳንታ ዲዚ ቲሽኪ ካኦኦኦ ካኦኦኦንታ ቤርታ ታ ዑፃ ማርካዲዎቼ፤ ያ ጌማይንታ ያ ሃሬንታ ታ ዔኬይ? ያና ታ ማልቲይ? ያና ታ ሄርቄይ? ሃሣ ጌኤዘ ዎቢሺ ዎጋኒ ያጌዳፓ ዴሚና ዔኮ ማኢሺ ታ ዔኬይ? ዩንሢ ባኮ ቢያሢፓ ፔቲ ባኦዚታዎ ማዲ ዔኬ ባኦዚ ዓኦኦኦ ማሃኒ ታ ጌኢኔያከ» ጌዔኔ።

4 ዴራ ዲማና፡- «ፔቲታዎ ኔ ማልቲባኦሴ፤ ያናኦ ኔ ሄርቄባኦሴ፤ ዓይጎ ዓሰዳፓኦ ኔ ዔኬ ባኦዚ ባኦሴ» ጌዔኔ።

5 ሳሙዔኤል ማሃዎ፡- «ማይ ታኦኒ ሃኖ ዲንሢ ቤርታ ጌኤሺ ማዔሢኮ ናንገና ናንጋ ጎዳንታ ዲዚ ዶኦሬ ካኦኦኦንታ ማርኮከ» ጌዔኔ።

ዩያሮ ዴራ፡- «ሂዮ! ናንገና ናንጋ ጎዳ ኑኡኮ ማርካከ!» ጌዔኔ።

6 ሳሙዔኤል ከኤዛዎ፡- «ሙሴንታ ዓኦኦኦንታ ዶኦሬሢ፤ ዲንሢኮዎ ቤርታኦ ዓድንሢ ጌብፃ ዓጫፓ ከሴሢ ናንገና ናንጋ ጎዳከ፤ 7 ሃሢ ዓካሪ ዲንሢ ዓኦ ቤዛ ዔቁዎቼ፤ ዲንሢኮ ቤርታኦ ዓድንሢንታ ዲንሢንታ ዓውሳኒ ናንገና ናንጋ ጎዳ ማዴ ዲቃሢ ሄርሺሳ ባኮ ቢያ ጳቂሢ ጳቂሢ ናንገና ናንጋ ጎዳ ቤርታ ታ ዲንሢ

12:6 12:6 ኬሲ. ማፃ 6:26።

ሞክታጎዳኔ፤ 8 ያይቆኑቤ ፔ ማኣሮ ዓሶና ገብፄ ኬዲ ዒኢካ ናንጋኣና ገብፄ ዓሳ ዔያቶ ሄርቂ ዋይሄኔ፤ ዬያሮ ዒንሢኮ ቤርታኣ ዓደንሢ ናንገና ናንጋ ጎዳ ማኣዳንዳጉዲ ዒዛም ዒላቲኔ፤ ዒማና ዒዚ ሙሴና ዓኣሮኔና ዔያቶም ዳኬኔ፤ ዬያታ ገብፄ ዓጫፓ ዔያቶ ዔኪ ኬሲ ሃኖ ዓጩሎይዳ ናንጋንዳጉዲ ማሄኔ፤ 9 ጋዓንቲ ዴራ ናንገና ናንጋ ጎዳ ማዔ ዔያቶኮ ስኣዛሢ ዋሌኔ፤ ዬያሮ ናንገና ናንጋ ጎዳ ፒሊስጳኤሜ ዓሶና ሞዓኣቤ ካኣቲናም፤ ዬያጉዲ ሃሣ ሃየሪ ካታሞኮ ፖኦሊሶ ዓይሣሢ፡ ሲሳሬም ዒንሢኮ ቤርታኣ ዓደንሢ ዓኣሢ ዒንገኔ፤ ዬያሮ ዔያታ ዒሰራዔኤሌ ዓሶ ያሊ ባሽኔ። 10 ዬካፓ ዔያታ፡- «ኦኡኒ ኔና ሃሺ ባዓኣሌና ዓሰታሮቲና ካኣሽኪ ዳቤኔ፤ ሃሣ ኦ ሞርኮ ኩጫፓ ኦና ዓውሴ፤ ኦ ኔና ካኣሽካንዳኔ!» ጌይ ናንገና ናንጋ ጎዳ ባንሢ ዒላቲኔ። 11 ናንገና ናንጋ ጎዳ ቤርታዲ ጌዲዎኔ፤ ዬካፓ ባርቄና ዮፕታኣሄና፤ ጋፒንጆይዳ ታና ዳኬኔ፤ ኦኡኒ ፔቲ ፔቲሢ ዒንሢ ዒንሢኮ ሞርኮ ኩጫፓ ቶሊሲ ዓውሴ፡ ኮሺ ዒንሢ ናንጋንዳጉዲ ኦ ማሄኔ፤ 12 ዒንሢ ጋዓንቲ ዓሞኣኔ ካኣቲ ናሶሌ ዒንሢ ያላኒ ዔቃኣና ዛጋዖ ዒንሢኮ ካኣታሢ ማዔ ናንገና ናንጋ ጎዳ ዒዒ ሃሺ፡- «ኦና ዋይሣንዳ ካኣቲ ኦም ካኣታሌ» ጌይ ታና ያኦጩኔ።

13 «ዓካሪ ሃይሽ ዒንሢ ዶኦሬ ካኣቲ ዒንሢ ያኦጩ ጎይዎና ናንገና ናንጋ ጎዳ ዒንሢም ዒንገኔ፤ 14 ናንገና ናንጋ ጎዳ ማዔ ዒንሢኮ ያኦዛሢ ቦንቲ ዒዛ ዒንሢ ካኣሽኬቲ፡ ዒዚ ኬኤዛ ባኮ ዋይዚ ዓይሢዎ ዒንሢ ዒዛኮ ካፔቲ፡ ዒንሢንታ ዒንሢኮ ካኣታሢንታ ዒ ጋዓ ጎይዎ ሃንቲቲ ቢያ ባኣዚ ዒንሢም ገኢጋንዳኔ፤ 15 ጋዓንቲ ናንገና ናንጋ ጎዳ ጋዓ ባኮ ዒንሢ ዋይዙዋያ፤ ሃሣ ዓይሢዎ ካፒ ኩንሡዋያ ማዔቲ ዒ ፔኤሮ ዒንሢና ዒንሢኮ ካኣታሢያይዳ ሞርኬ ማዒ ዔቃንዳኔ፤ 16 ዬያሮ ሃሣ ዒንሢ ዓኣ ቤዘማካ ዔቆዋቲ፤ ናንገና ናንጋ ጎዳ ዒንሢኮ ቤርታ ፔ ዋልቄና ማዳ ዓኪ ባኣዚ ማዳሢ ዒንሢ ዛጋንዳኔ፤ 17 ሃሣ ዒንሢ ዔራሢሃጉዲ ሳዓ ያጎሢኬ፤ ጋዓንቲ ታኣኒ ናንገና ናንጋ ጎዳ ሺኢቃንዳኔ፤ ዒዚ ሳዖ ጉጉንሢሲ ዒርዚ ዋርቂሳንዳኔ፤ ዬይ ያዲ ማዓዛ ካኣቲ ዒንሢ ካኣታሳንዳጉዲ ያኦጩ ዳቢንቲ፡ ናንገና ናንጋ ጎዳ ያዩሴያ ማዔሢ ዒንሢ ጎናሲ ዔራንዳኔ» ጌዔኔ።

18 ዬማ ጋዓዖ ሳሙዔኤሌ ሺኢቃኣ ናንገና ናንጋ ጎዳ ዒማ ኬሎና ጉጉንሢሲ ዒርዚ ዋርቂሴኔ፤ ዬያሮ ዴራ ናንገና ናንጋ ጎዳንታ ሳሙዔኤሌያኣ ኮሺ ዒጊጩ፤ 19 ሳሙዔኤሌ ኮራ፡- «ኦ

12:8 12:8 ኬሲ. ማፃ 2:23። 12:9 12:9 ሱኦጎ. ማፃ 3:12፤ 4:2፤ 13:1።
 12:10 12:10 ሱኦጎ. ማፃ 10:10-15። 12:11 12:11 1 ሳሙ. 3:20፤ ሱኦጎ.
 ማፃ 4:6፤ 7:1፤ 11:29። 12:12 12:12 1 ሳሙ. 8:19።

ሃይቁዋጉዲ ሃደራ ናንገና ናንጋ ጎዳ ማዕኔ ኔኤኮ ጾኦዛሂ ኑሞ ሸኢቁ፤ ማሌ ጎሞ ቢያ ኑ ማዳሂ ሳኦጎቴ ካኦጎቴ ኑሞ ካኦጎጎንዳጉዲ ጾኦጎጎና ኑ ዳቤሂ ሳካሪ ኑኡሞ ዔርቴኔ» ጌዔኔ።

20 ሳሙዔኤል ዔያቶሞ፡- «ደዲዋቴ፣ ዒጊጩገጉቴ፤ ዬያጉዴ ፑርታ ባኦዚ ዒንሂ ማዳያ ማዔያታቴያ ጉቤ ዒናፓ ዒዛ ካኦጎጎሞቴ፤ ናንገና ናንጋ ጎዳ ሃሺ ማሌ ካኦጎ ባንሂ ዛገጉቴ።

21 ፓሃ ባኦዚባኦ ማሌ ጾኦዛ ካኦጎጎጉጉቴ፤ ዔያታ ዒንሂ ማኦዳኒና ዓውሳኒያ ዳንደዑዋሴ፤ 22 ናንገና ናንጋ ጎዳ ዒዛ ዴሬ ዒንሂ ማዓንዳጉዲ ናሽኬሂር ፔኤኮ ዴኤጉ ሱንፆር ጌይ ዒንሂ፣ ዒዛኮ ዴር ዒ ሃሻዓከ።

23 ታኦኒ ዒንሂ ኮሺና ፒዜ ማዕ ባኦዚና ዔርዛንዳፓዓቴሞ ዒንሂሞ ሸኢቁያ ሃሺ ናንገና ናንጋ ጎዳሞ ጌኤታዲሂ ታኦፓ ሃኮሞ። 24 ዒንሂ ጋዓንቴ ናንገና ናንጋ ጎዳ ዒጊጩዋቴ፤ ጉቤ ዒናፓ ጉሙርቁንቴ ዒዛ ካኦጎጎሞቴ፤ ዒንሂሞ ዒ ማዳ ዴኤጉ ዴኤጉ ባኮ ዋሊጉቴ።

25 ፑርታ ማዲሂና ዒንሂ ደዴቴ ዒንሂንታ ዒንሂኮ ካኦጎጎታ ባይቃንዳኦከ» ጌዔኔ።

13

ሳሙዔኤል ሳኦጎኦ ጎሬሂ

1 ሳኦጎኦ ካኦጎዳኦና ለዓ ዒዛኮ ሃይሂታሚከ፤ ዒዚ ካኦጎዳንቴ ላሞዓሳ ሌያና፣ 2 ሳኦጎኦ ዒሰራዔኤል ዓሶፓ ሃይሂ ሸያ ዓሲ ደኦሪ ከሲ፣ ዬያቶይዳፓ ላሞያ ሸያ ዓሲ ሚክማሴና ቤኤቴኤሌናይዳ ዓኦ ጌሜራዳ ዓጮይዳ ዒዛና ዋላ ማዓንዳጉዲ ማሄኔ፤ ሃንጎ ፔቴ ሺዮ ዓሶ ዒዛኮ ናኦዚ፣ ዮናታኦኔና ዋላ ቢኦኒያሜ ፃጰ ዓጮይዳ ዓኦ ገቢዓ ጌይንታ ጌሜራዳ ዓጮ ዳከኔ፤ ዬካፓ ዓቴ ዓሶ ጋዓንቴ ማኦሪ ማኦሪ ማሂ ዳከኔ።

3 ዮናታኦኔ ዒማና ጌባዒ ጌይንታ ቤዛ ፒሊሰፄኤሜ ዓሶ ያሌኔ፤ ዬያ ፒሊሰፄኤሜ ዓሳ ቢያሂ ዋይዜኔ፤ ዬያር ሳኦጎኦ ከኢታ ዓሲ ዔብሪ ዓሶ ዓጮ ቢያይዳ ዛዬ ዋርቁ ያሎር ዓሶ ዔኤላንጉዲ ዳከኔ።

4 ሳኦጎኦ ፒሊሰፄኤሜ ዓሶ ጌባዒ ያሊ ባሽሂ ዬና ከኢቶ ዓሳ ዒሰራዔኤል ዓሶሞ ከኤዜኔ፤ ዬያር ፒሊሰፄኤሜ ዓሳ ዒሰራዔኤል ዓሶ ዔያሂያ ዔሰራዔኤል ዓሳ ዔሪ፣ ሳኦጎኦና ዋላ ያሎር ከሰካያ ማዕሂ ዔርዛኒ ጌልጌላይዳ ቡከኔ።

5 ዬካፓ ፒሊሰፄኤሜ ዓሳ ዒሰራዔኤል ዓሶ ያላኒ ዋላ ቡከኔ፤ ዔያቶኮ ሃይሂታሚ ሸያ ሳርጌላ ያይታ፤ ላሆ ሸያ ፓራሂና ያላ ዓሲ ዓኦያ ማዓዛ ዔያቶኮ ሚርጉማ ባዚ ዓቺ ማኦሻላጉዴያከ፤ ዔያታ ዒማና ዴንዲ ቤትዓዌኔ ጌይንታ ቤዛኮ ዓሳ ከሰካ ዛሎና ሚክማሴ

ጌይንታ ቤዘይዳ ዋርዲ ዴዔኔ። 6 ዲሰራዔኤል ዓሳ ዔባ ዲጊቻያ ማዕዒ ዴንቁኔ፤ ሃሃ ዔያቶኮ ያሎ ዓሳኣ ዲቃቲሂ ዔራዶ፡- ዴኔ ባኣካ፣ ዓንገሂ ዓኣ ካይካ፣ ላሎ ሹዋ ባኣካ፣ ዬያጉዲ ሃሃ ዛሬና ዴኔ ዔቲናይዳ ጌሊ ጌሊ ዓኣሽንቲኔ፤ 7 ዓቲ ዓሳ ዮርዳኖሴ ዋርና ፒንቁ ጋኣዴና ጌሌዓዴና ዓጮ ዴንዴኔ።

ሳኣዶኦሌ ጋዓንቲ ዓሳ ዬያይዳኣና ጌልጌላይዳ ዴዴዔኔ፤ ዒዛና ዋላ ዓኣ ያሎ ዓሳ ዲጊጩ ዲማና ጎጎይቃኔ። 8 ሳኣዶኦሌ ሳሙዔኤል ዒዛ ዓይሂ ጎይዖማ ላንካይ ኬሊ ሄላንዳኣና ሳሙዔኤል ካፒ ካፒ ዒኢካ ዴዔኔ፤ ሳሙዔኤል ጋዓንቲ ዬያ ሄላንዳኣና ጌልጌላ ሙኪባኣሴ፤ ዬያር ሳኣዶኦሌና ዓኣ ዓሳ ዒዛ ሃሺ ሃሺ ዴንዲሂ ዓርቁኔ። 9 ያዲ ማዕዒሂር ሳኣዶኦሌ ዴር፡- «ሚቺ ዒንጎ ዲንጊዶንታ ፔቱዋና ዒንጎ ዲንጊዶዋ ዔኪ ዬዑዋቲ» ጌይ ዓይሂ ዔኪ ሸኢሻዎ ሚቺ ዒንጎ ዲንጊዶ ናንጊና ናንጋ ጎዳም ሸኢሹኔ። 10 ዬያ ዲንጊዶ ዳምቦ ዒ ማዲ ኩኩንሃማና ሳሙዔኤል ሙካዛ፣ ሳኣዶኦሌ ኬሰኪ ጎይሃ ዒዛ ዔኬኔ። 11 ሳሙዔኤል ጋዓንቲ፡- «ኔ ዓይጎ ማዳይ?» ጌይ ያኦጮኔ።

ሳኣዶኦሌ ማሃዶ፡- «ኔኤኒ ጌዔ ዎዶና ሙኪባኣሴ፤ ዴራኣ ታ ኮይላፓ ታና ሃሺ ሃሺ ዴንዲ ጋፓሂር ሃሃ ፒሊሰጻኤማ ዓሳ ሙኪ ሚክማሴይዳ ዋርዲ ዴዔሂር፤ 12 ታኣኒ፡- «ፒሊሰጻኤማ ዓሳ ሃጊ ታ ጌልጌላይዳ ዓኣንቲ ታና ያላኒኮ፣ ታኣኒ ናንጊና ናንጋ ጎዳ ታና ማኣዳንዳጉዲ ዒዛ ሸኢቁባኣሴ» ጌይ ማሊኬ፤ ናንጊና ናንጋ ጎዳም ዲንጎ ባኮዋ ዲንጋኒ ታና ኮይሳሂ ታ ዔሬኔ» ጌዔኔ።

13 ሳሙዔኤል ዒዛም፡- «ዬይ ቦኦዙዋ ማዳኬ፤ ናንጊና ናንጋ ጎዳ ማዔ ኔኤኮ ያኣዛሂ ኔኤም ዓይሂ ዓይሂዎ ኔ ኩንሂባኣሴ፤ ዓይሂዎ ኔ ማዲ ኩንሄያ ማዔቲ ኔኤና ኔ ዜርዮና ዲሰራዔኤል ዓሳ ዑፃ ናንጊና ካኣታዳንዳጉዲ ሃኖ ኔኤኮ ካኣቱዋ ናንጊና ናንጋ ጎዳ ዶዲሻንዳያታንቲኬ፤ 14 ሃሂ ጋዓንቲ ሃይፓ ሴካ ኔ ካኣታዲ ዴዓዓኬ፤ ናንጊና ናንጋ ጎዳ ዒ ናሽኬ ዓሲ ዶኦሬኔ፤ ናንጊና ናንጋ ጎዳ ኔና ዓይሂ ዓይሂዎ ኔኤኒ ካፒባኣሂር ዬያ ዓሂ ዒዚ ፔ ዴርኮ ሱኡጌ ማዓንዳጉዲ ቲሽኪ ዶኦማኔ» ጌዔኔ።

ዲሰራዔኤል ዓሳ ያሎር ጌኢጊንቲሂ

15 ዲማና ሳሙዔኤል ጌልጌላፓ ዴንዴኔ፤ ሳኣዶኦሌያ ፔኤኮ ያሎ ያላ ዓሳ ባኣኮ ዴንዳዛ ዓቲ ዓሳ ዒዛ ጊንጎ ዓኣዳኔ፤ ዔያታ ጌልጌላፓ ዔቁ ቢኢኒያማ ዓጮይዳ ዓኣ ጊቢዓ ዴንዴኔ፤ ዒኢካ ሳኣዶኦሌ ፔኤኮ ፖኦሊሶ ፓይዳንቲ ሚርጉማ ላሆ ጻኤታ ማዔኔ፤

16 ሳኦኦኦኦኦኦኦ ኢዛኮ ናኣዚ ዮናታኣኦኦኦኦኦ ያሎ ያላ ዓሶንታ ቢኢኢያሜ ዓጫ ገባዒይዳ ዋርዲ ዴዔኔ፤ ጋዓንቴ ፒሊሰጻኤሜ ዓሶኮ ያሎ ዓሳ ዋርዲ ዓኣሢ ሚክማሴይዳኩ። 17 ዲማና ፒሊሰጻኤሜ ዓሶኮ ያሎ ዓሳ ሃይሣ ቤሲ ፓቂንቴ ያሎ ዓርቃኒ ዋርዲዮ ቤዛፓ ኬሰከኔ፤ ዩያቶፓ ፔቴ ቤዛ ፓቆና ዓሳ ሹዓሌ ዓጮይዳ ዓኣ ያፕራ ባንሢ ዴንዴኔ፤ 18 ላምዓሳ ቤዛ ፓቆና ዓሳ ቤትሆሮኔ ዴንዳዛ፣ ሃይሣሲ ፓቆና ዓሳ ጭባሚ ደኦጮና ዓሲ ናንጉዋ ዳውሎኮ ሆታ ዓኣ ዛጶ ባንሢ ዴንዴኔ።

19 ዔብሬ ዓሳ ጨንቻ ዓፓሮንታ ዋርሢንታ ዲውዋጉዲ ፒሊሰጻኤሜ ዓሳ ዔያቶ ላኣጋሢሮ ዩኖ ዋዶና ዒሰራዔኤሌ ዓሶ ባኣካ ዓንጊ ዲዓ ጊታ ባኣሲ፤ 20 ዩያሮ ዒሰራዔኤሌ ዓሳ ፔኤኮ ማራሻ፣ ባላሻ፣ ሄርጋንታ ባኣቺንታ ፃንፂሳኒ ፒሊሰጻኤሜ ዓሶ ኮይላ ዴንዳኔ፤ 21 ዩኖ ዋዶና ሄርጋንታ ጌማቶ ዲቃሢ ዲቃሢ ጎሽኮ ዓጮ ዓንጎዋ ፃንፂሳኒ ጨጎሢ ያይዶ ገራኣሜ ማዓ ዳካ ሹቺ ቢራከ፤ ማራሻና ባላሻና ፃንፂሳኒ ጨጎሢ ዩይፓ ጳንጨጃ ማዓያኩ። 22 ዩያሮ ያሎ ኬሎና ሳኦኦኦኦኦኦኦ ኢዛኮ ናኣዚ ዮናታኣኦኦኦኦኦ ዓታዛ ዒሰራዔኤሌኮ ፖኦሊሶ ባኣካ ጨንቻ ዓፓሮና ዋርሢና ዓርቁ ዓሲ ባኣሲ።

23 ፒሊሰጻኤሜ ዓሳ ሚክማሴ ዴንዳ ጎይዖም ቲቃንዳጉዲ ዔያቶኮ ያሎሮ ፔቴይዳ ፓቆና ዓሶ ዳከኔ።

14

ዮናታኣኦኦኦኦኦ ጉሙርቁ ማዳ ማዳ

1 ፔቴ ኬሊ ዮናታኣኦኦኦኦኦ ኢዛኮ ያሎ ዓንጋሞ ኬዳ፣ ዳጌሰኬያ ኮራ፡- «ፒሊሰጻኤሜ ዓሶኮ ያሎ ዓሳ ዴንኪ ዴዔ ቤዛ ኑ ፒንቆም» ጌዔኔ። ጋዓንቴ ዮናታኣኦኦኦኦኦ ዩያዳንዳሢ ዓዶምታዖ ኬኤዚባኣሲ፤ 2 ዲማና ሳኦኦኦኦኦ ገቢዓይዳፓ ማርጌ ሃኪ ዴንዳዋዖ ማፓርኔይዳ ፔቴ ሮኦማኣኔ ጌይንታ ማሢኮ ዴማ ዴንኪ ዴዔኔ፤ ዒዛና ዋላ ላሆ ጻኤታ ያልዚ ዓሲ ዓኣኔ፤ 3 ቁኤሳ ማኣዓ፣ ዔፑዶ ማኣዒ ዒዛና ዋላ ዒካቦዴኮ ጌርሲ ዓሃፀቤ ናኣዚ፣ ቁኤሳሢ ዓኪያ ዓኣኔ። ዓኪያ ፒንሃሴ ናይ፤ ሰኤሎይዳ ናንጊና ናንጋ ጎዳም ማዳ ዔኤሊኮ ናኣዚ ናይኩ። ሳኦኦኦኦኦኦኦኦ ዋላ ዓኣ ያሎ ዓሳ ዮናታኣኦኦኦኦኦ ዓንኮ ዴንዴቴያ ዔሪባኣሲ።

4 ዮናታኣኦኦኦኦኦ ፒሊሰጻኤሜ ዓሳ ዴንኪ ዴዔ ቤዛ ሄላኒ ሚክማሴ ፒንቆ ካሮማና ፒንቃንዳያ ኮይሳኔ፤ ዩኖ ፒንቆ ካሬሎኮ ሻውሎና ሚዛቆናይዳ ላምዖ ዴኤፒ ፔቴ ዛላ ሶልት ጌዔ ላሌ ዓኣኔ፤ ፔቴ ላላሢኮ ሱንፃ ቦጻጻ ጌይንታዛ ላምዓሳሢኮ ሱንፃ ሴኔ ጌይንታኔ፤

5 ላሎንሢካ፣ ፔቴዛ ፒንቆ ካሬሎኮ ኬዶ ዛላ ሚክማሴኮ ሆታ ማዓዛ ለምዓሳዛ ደኦሎ ዛሎና ጌባዒኮ ቤርቶ ዛላ ዓኣያኬ።

6 ዮናታኣኔ ዒዛኮ ያሎ ዓንጋሞ ኬዲ ዓኣ ደጌሢ ኮይሉ፡- «ሃኒ ሙኬ፣ ኩኦኒ ዓቲንቶ ቤርታ ቲቁንቲባኣ ፒሊሰጻኤሜ ዓሳ ያሎሮ ዲንኪ ዴዔ ቤዛ ፒንቆም ጎዖንቲ ናንጊና ናንጋ ጎዳ ኑና ማኣዳንዳኣናንዳኔ፤ ናንጊና ናንጋ ጎዳ ዲቦ ፖኦሊሶ ማኣዳሢጉዲ ኑና ዳኮንሢ ማኣዲ ባሺሳኒ ዳንዳዓኔ» ጌዔኔ።

7 ዒማና ዒዛኮ ያሎ ዓንጋሞ ኬዲ ዓኣ ደጌሢ፡- «ኔ ናሽኬ ባኣዚ ቢያ ማማዳ፤ ታ ኔኤፓ ዲማዳዓኬ፤ ታ ኔኤና ዋላ ጉቤ ዒናፓ ዔቄኔ» ጌዔኔ።

8 ዮናታኣኔ ዒዛሞ፡- «ቃራኬ፤ ያዲታቲ ሃሴኬያ ሱኮ ፒንቁ ፒሊሰጻኤሜ ዓሶ ቤርታ ኑ ጴዶም፤ 9 ዔያታ ኑና ዴንቃያ፡- ሱ ዒንሢ ኮይላ ሙኩም ዬካ ኑና ካፑዋቲ» ጌዔኔ ኑና ዓኣ ቤዛማካ ዴዓንዳኔ፤ 10 ጋዓንቲ፡- «ሃኒ ኑ ኮይላ ሙኩዋቲ» ዔያታ ጌዔቲ፣ ዔያቶ ባንሢ ኑና ዓኣዳንዳኔ፤ ናንጊና ናንጋ ጎዳ ኑና ፒሊሰጻኤሜ ዓሶ ያሎና ባሺሳንዳሢኮ ዬይ ማላታ ማዓንዳኔ» ጌዔኔ።

11 ዔያታ ፒሊሰጻኤሜ ዓሶም ጴዳዛ፣ ፒሊሰጻኤሜ ዓሳ፡- «ሃሶ ዛጉዋቲ! ፔቴ ፔቴ ዔብሬ ዓሳ ዓኣሺንቲ ዔታፓ ኬሰኪ ኬሰኪኬ!» ዋሊ ኮይላ ጌዔኔ፤ 12 ዬካፓ ፒሊሰጻኤሜ ዓሳ ዮናታኣኔንታ ዒዛኮ ያሎ ዓንጋሞ ኬዲ ዓኣ ደጌሢንታ፡- «ኑ ዒንሢም ኬኤዛንዳ ባኣዚ ዓኣሢሮ ሃኒ ኑ ኮይላ ሙኩዋቲ!» ጌይ ዔኤሌኔ።

ዬያሮ ዮናታኣኔ ዒዛኮ ያሎ ዓንጋሞ ኬዲ ዓኣሢ ኮይሉ፡- «ዓካሪ ታ ጊንዖ ሙኬ፤ ናንጊና ናንጋ ጎዳ ፒሊሰጻኤሜ ዓሶ ዒሰራዔኤሌ ዓሳ ያሎና ባሻንዳጉዲ ማሃናኣኮኬ» ጌዔኔ፤ 13 ዮናታኣኔ ዒማና ባኣዚ ባኣዚ ባኣኮ ኬሰኪኔ፤ ዒዛኮ ያሎ ዓንጋሞ ኬዴሢያ ዒዛ ጊንዖ ኬሰኪኔ፤ ዬያይዲ ዮናታኣኔ ፒሊሰጻኤሜ ዓሶይዳ ዔርቲባኣንቲ ያልዚ ቡሊ ጳርቁ ጳርቁ ኬኤራዛ፣ ዒዛኮ ያሎ ዓንጋሞ ኬዳሢ ዓሶ ዋዲ ዋዲ ጊንዖ ሙኬኔ። 14 ቤርቲ ቤርታ ዋዲ ዔያታ ዓርቃዖ ፔቴ ጎሺዳ ለማታሚ ማዓ ዓሲ ዋዳኔ፤ 15 ዬያሮ ካታሞኮ ዙላ ዓኣ ፒሊሰጻኤሜ ዓሳ ዲቃቲ ካራ ባይዜኔ፤ ዒማና ያሎሮ ቤርታ ኬሰኪ ዓሶንታ ጊንዖ ሙካ ዓሶንታ ዒጊጩ ጎጋይቄኔ፤ ናንጊና ናንጋ ጎዳ ዔያቶም ዳኬ፣ ዬያ ካሮ ባይዜ ባኮ ዛሎና ሳዓ ዓጊጻኔ።

ፒሊሰጻኤሜ ዓሶኮ ባሻንቶ

16 ሳኣዖኦሌኮ ያሎ ዓሳ ቢኢኒያሚ ዓጫ ጊቢዓይዳ ዋርዲ ዴዒ ካፒ ዓኣዖ ዲቃቲ ጳሽካ ፒሊሰጻኤሜ ዓሶ ዴንቄኔ። 17 ዬያሮ ሳኣዖኦሌ ዒዛና ዋላ ዓኣ ዓሶ፡- «ሂንዳ ኩኦኮ ፖኦሊሶ ፓይዲ ኑና ባኣካፓ ፓጩ ዓሲ ዓኣቲ ዛጉዋቲ» ጌይ ዓይሣዛ፣ ዔያታ

ፓይዳንቴ ዮናታኦስንታ ዒዛኮ ያሎ ዓንጋሞ ኬዳሢንታ ባኣያ ማዕኔ።
 18 ሳኦኦሌ ዒማና ቁኤሳሢ፣ ዓኪያ ኮይላ፡- «ኔኤኮ ዒፑደ ዒኪ
 ሙኩ» ጌዔኔ። ዒዛ ኬሎ ዓኪያ ዒፑደ ማኣዒ ዒሰራዔኤሌ
 ዓሶ ባኣካ ማዶ ማዳኔ፤ 19 ሳኦኦሌ ቁኤሳሢና ዋላ ጌሰታንቴ፣
 ፒሊሰጻኤሜ ዓሶኮ ካራ ባይዚ ጳዛ ሚርጌኔ፤ ዬያሮ ሳኦኦሌ
 ቁኤሳሢ ኮይላ፡- «ናንገና ናንጋ ጎዳ ያኦጮንዶ ዋዴ ባኣሴ፤ ሃሺ!»
 ጌዔኔ። 20 ዩካፓ ሳኦኦሌንታ ዒዛኮ ፖኦሊሶንታ ዓኣ ቤዛፓ ዒቁ
 ያሎሮ ዴንዲ ዒኢካ ሙካንቴ ፒሊሰጻኤሜ ዓሳ ካራ ባይዚ ዋሊ
 ጨንቻና ዋዲ ኩርሳኔ። 21 ዬያኮ ቤርታ ፒሊሰጻኤሜ ዓሶ ባኣኮ
 ዴንዴ ፔቴ ፔቴ ዔብሬ ዓሳ ፒሊሰጻኤሜ ዓሶፓ ኬሰኪ ሳኦኦሌና
 ዮናታኦስና ኮራ ሙኩኔ። 22 ዔፕሬኤሜ ዓጫ ጌሚራ ጌሚራ ፑጊንቴ
 ዓኣ፣ ሃንጎ ዒሰራዔኤሌ ዓሳ ፒሊሰጻኤሜ ዓሳ ባሺንቴ ጳሺዳ ዓኣሢ
 ዋይዜኔ፤ ዬያሮ ዒያቶኮ ፖኦሊሶና ዋላ ማዒ ፒሊሰጻኤሜ ዓሶ
 ዳውሲሢ ዓርቁኔ፤ 23 ዴንዲ ቤትዓዌኔ ካታሞኮ ሱካ ዓኣ ጎይዖ
 ሄላንዳኣና ዳኪ ዳኪ ያሌኔ፤ ናንገና ናንጋ ጎዳ ዬዮ ኬሎ ዒሰራዔኤሌ
 ዓሶ ማኣዲ ዓውሴኔ።

ያሎኮ ጊንፃፓ ማዳንቴ ባኮ

24 ዒዛ ኬሎ ዒሰራዔኤሌ ዓሳ ናይዚና ላቤኔ፤ ዓይጎሮ ጌዔቴ
 ሳኦኦሌ፡- «ታ ሞርኮ ታኣኒ ያሊ ኮሞ ማሃንዲያ ሄላንዳኣና ካሣ
 ሙዒ ዋኣሢያ ዑሽኬ ዓይጎ ዓሲያ ጋዳንቁንቴያ ማዖም!» ጌይ ዴሮ
 ጫኣቁሲ ዓይጎ ዓሲያ ካሣና ዋኣሢና ካኣሙዋጉዲ ላኣጌኔ። ዬያሮ
 ዓሳ ጉቤ ካሣ ሙዒ ዋኣሢያ ዑሽኩዋዖ ዬዮ ኬሎ ፔኤቁኔ። 25 ዒዛ
 ኬሎ ዒያታ ዴኤፒ ካይዚ ዓኣ ቤሲ ሙካዖ ዑቶ ዔኤሲ ዴንቁኔ፤
 26 ዒማና ሚዖ ቢያይዳ ዔኤሲ ኩሚ ዓኣንቴ ሳኦኦሌኮ ጋዳሞ
 ዒጊጩ ዔኤዞ ካኣሚ ዓሲ ባኣሴ፤ 27 ጋዓንቴ ዮናታኦስ ዒዛኮ ዓዴ
 ዓሶ ጫኣቁሴሢ ዋይዚ ባኣሢሮ ዒዚ ኩጫ ዔኪ ዓኣ ኮኦሎና ያሎሎ
 ዔኤዛፓ ቦኦኪ ዳካ ዔኤሲ ሙዓዖ ቤዞማና ዋልቁ ዴንቁ ደዴም
 ዓኣፓኣ ዒዛኮ ቡሊንቴኔ። 28 ያሎ ያላ ዓሶፓ ፔቴሰኬይ ዒማና፡- «ኔ
 ዓዴ ሃሮ ካሣ ሙዔ ዓይጎ ዓሲያ ጋዳንቁንቴያ ማዖም!» ጌይ ኦና
 ጫኣቁሴኔ፤ ዓሳ ቢያ ላቤሢ ዬያሮኩ» ጌዔኔ። 29 ዮናታኦስ ማሃዖ፡-
 «ታ ዓዴ ኦ ዴሮም ዴኤፒ ሜቶ ማገፍኔ! ሃሢ ታ ዳካ ዔኤሲ ሙዓዖ
 ዋልቁ ዴንቁም ዓኣፓ ታኣኮ ቡሊንቴሢ ዛጌ! 30 ሂንዳ ሃሮ ኦኤኮ ዴራ
 ሞርኮ ባሺ ዳዒ ዴንቅ ሙዖ ሙዔያታቴ ዋዚናንዳዖ ዓቴይ? ዋኣዴ
 ፒሊሰጻኤሜ ዓሲ ዋዳንዳዖ ዓቴቴያ ሂንዳ ማሌ!» ጌዔኔ።

31 ዬዮ ኬሎ ዒሰራዔኤሌ ዓሳ ሚክማሴፓ ዴንዲ ዓያሎኔይዳ
 ዓኣ ጎይዖ ሄላንዳኣና ዳኪ ዳኪ ፒሊሰጻኤሜ ዓሶ ያሊ ዋዲ ባሺኔ፤
 ጋዓንቴ ዒሰራዔኤሌ ዓሳ ናይዴሢሮ ጎይዖ ሚርጌ ላቤኔ። 32 ዬያሮ

ሞርኮሮ ዔያታ ዲዒ ዔኬ ማራቶንታ ባኣቶንታ ዳንቄ ቤዛ ቢያ ሹኪ ዓሽኮ ሱጉያና ዋላ ቡርቲ ቡርቲ ሙይሢ ዓርቄኔ፤ 33 ሳኣዎኦሌም ዒማና፡- «ዳራ ሱጉሢና ዓኣ ዓሽኪ ሙይ ናንገና ናንጋ ጎዳም ዋይዞ ዒዲ ዳቤኔ» ጋዓ ሃይሴ ዋይዘንቴኔ።

ዬያሮ ሳኣዎኦሌ፡- «ዒንሢ ዋጎ ዳቢ ዣኣሌኔ! ሃሢ ዳኤፒ ሹቸኹ ኮላሲ ዔኪ ዬዑዋቴ» ጌይ ዒላቴኔ። 34 ዬካፓ ሃሢ፡- «ዳሮ ባኣኮ ዳንዲ ሳኣንሢኮ ባኣቶንታ ማራቶንታ ቢያ ዔኪ ዬዑዋቴ፤ ዬያቶ ሹኪ ሃይካ ዒንሢ ሙዓንዳያ ኮይሳኔ፤ ዓሽኮ ሱጉያና ዋላ ሙዒ ናንገና ናንጋ ጎዳም ዋይዞ ዒዲ ጎሜ ማዲፖቴ» ጌይ ኬኤዙዋቴ» ጌዒ ዓይሣኔ። ዬያሮ ዳራ ቢያሢ ዬኖ ኬሎ ዋንቶ ፔኤኮ ባኣቶና ማራቶና ዔኪ ሙኪ ዒኢካ ሹኬኔ፤ 35 ሳኣዎኦሌያኣ ዒኢካ ናንገና ናንጋ ጎዳም ዒንጎ ባኮ ዒንጎ ቤሲ ኮሼኔ፤ ዒዚ ናንገና ናንጋ ጎዳም ዒንጎ ቤሲ ኮሺ ቤቁባኣዎ ዬኖ ኮሼኔ።

36 ሳኣዎኦሌ ፔኤኮ ያሎ ያላ ዓሶ ኮይላ፡- «ሂንዳ ኑ ኬዲ ፒሊሰጻኤሜ ዓሶ ዲማ ያሊ ሳዓ ካራንዲያ ሄላንዳኣና ዔያቶኮ ዓኣ ባኮ ቢያ ቡሪ፡ ዋዲያ ኑ ዔያቶ ጋፒሶም» ጌዔኔ።

ዔያታ ዒዛም፡- «ኔ ናሽኬ ባኣዚ ቢያ ማማዴ» ጌዔኔ።
ቄኤሳሢ ጋዓንቴ፡- «ቤርታዲ ናንገና ናንጋ ጎዳ ዋዚ ጋዓቴያ ኑ ያኣጮም» ጌዔኔ።

37 ሳኣዎኦሌ ዒማና፡- «ፒሊሰጻኤሜ ዓሶ ኑ ያሌቴ ኔ ኑና ባሺሳንዳ?» ጌይ ያኣሲ ያኣጮኔ፤ ጋዓንቴ ያኣሲ ዒዞ ኬሎ ማሂ ኬኤዙ ባኣዚ ባኣሴ። 38 ዬካፓ ሳኣዎኦሌ ዳሮኮ ሱኡጎም፡- «ሃኒ ሙኪ ዓይጎ ጎሜ ማዲንቴቴያ ያኣጮ ዳንቁዋቴ፤ 39 ዳቢንቴ ጸዴሢ ታ ናዎ ዮናታኣኔታቴያ ሳዲንታንዳያ ኮይሳኔ» ጌዒ ዒሰራዔኤሌ ዓሶም ባሺሢ ዒንጋ ናንገና ናንጋ ጎዳ ሱንያና ታ ጮኣቃኔ» ጌዔኔ። ጋዓንቴ ፔቴ ዓሲታዎ ዔኤቢ ጌይባኣሴ። 40 ዬካፓ ሳኣዎኦሌ፡- «ዒንሢ ቢያሢ ዬካ ዔቁዋቴ፤ ታኣና ታ ናዓሢ ዮናታኣኔና ሃይካ ኑ ዔቃንዳኔ» ጌዔኔ።

ዔያታ ዒማና፡- «ኔ ናሽኬ ባኣዚ ማማዴ» ጌዔኔ።

41 ሳኣዎኦሌ ናንገና ናንጋ ጎዳ ማዔ ዒሰራዔኤሌኮ ያኣዛሢ፡- «ናንገና ናንጋ ጎዳሢዮ! ሃኖ ኔ ታኣም ዓይጎሮ ኬኤዞ ዒጻይ? ዒሰራዔኤሌ ያኣዛሢዮ! ሃንሢ፡ ኔኤም ዲማዴ ሹጮንሢ ዛሎና ማሂ ታኣም ኬኤዙ፤ ሃያ ዳቢንቶ ማዴሢ ዮናታኣኔታቶ፡ ሃንጎ ታናታቶ ኔ ማሊያ ዲማሲ ዔርዛ ባኮ ዛሎና ዲማሲ ዔርዜ፤ ሃያ ጎም ማዴሢ ኔ ዳሮ፡ ዒሰራዔኤሌ ማዔቴ ኔ ማሊያ ዲማሲ ዔርዛ ባኮ ዛሎና

14:33 14:33 ማገሩ ማፃ 9:4፤ ሌዊ. ዓከ 7:26-27፤ 17:10-14፤ 19:26፤ ሳሚ. ዎማ 12:16፤ 23፤ 15:23።

ዲማሲ ታኣም ከኤዜ» ጌይ ሺኢቁም ናንጊና ናንጋ ጎዳ ዮናታኣኔና ሳኣዎኦሌና ባንሢ ዳቄሢሮ ዴራ ጌኤሺ ማዔኔ፤ 42 ዬካፓ ሳኣዎኦሌ:- «ታ ናኣዚ፣ ዮናታኣኔና ታኣናም ዒፃ ባጉዋቲ» ጋባዛ፣ ዬና ዮናታኣኔም ከሰከኔ፤ 43 ዬካፓ ሳኣዎኦሌ ዮናታኣኔ ኮራ:- «ዓይጎ ኔ ማዳይ?» ጌራ ዎኦጮኔ።

ዮናታኣኔ ማሃዎ:- «ታኣኮ ኮኦሎኮ ቤርቶና ዳካ ዔኤሲ ቦኦኪ ዔኪ ታ ሙዔኔ፤ ማይ ሃይቆቲያ ታ ሃይቃጎዳኔ» ጌዔኔ።

44 ሳኣዎኦሌ ዒማና:- «ታ ኔና ዎዲሹዋ ሃሽቲ ዎኦሲ ታና ባይዘም!» ጌዔኔ።

45 ዴራ ጋባንቲ ሳኣዎኦሌ ኮይላ:- «ሃያይዲ ዒሰራዔኤሌ ዓሶ ባሺሴሢ፣ ዮናታኣኔ ዎይቲ ሃይቃጎዳይ? ፔቲታዎ ዎዲንታዓኪ! ሃይባ ዓታዛ ዒዛኮ ቶኣኮ ጋፓናፓ ፔቲ ጋፓኔታዎ ከዲንዲዋኣሢ ናንጊና ናንጋ ጎዳሢ ሱንፖና ኦጫኣቃኔ፤ ሃሮ ዒ ማዳ ባካ ቢያ ዎኦሲ ማኣዴም ማዲንቲያኪ» ጌዔኔ፤ ዬያይዲ ዴራ ዮናታኣኔ ሃይባፓ ቶሊሴኔ።

46 ዬካፓ ሳኣዎኦሌ ፒሊሰፄኤሜ ዓሶ ዳውሲያ ሃሺ፣ ዔያታ ፔ ዓጮ ማዒ ዴንዴኔ።

ሳኣዎኦሌኮ ካኣታቶ ዎደንታ ዒዛኮ ማኣሮ ዓሶ ዘላ

47 ሳኣዎኦሌ ዒሰራዔኤሌ ዓሶ ዑፃ ካኣታዴሰካፓ ቢያ ቤዛ ዓኣ ዒዛኮ ሞርኮ ዎሌኔ፤ ዬያታ:- ሞዓኣቤንታ ዓሞኦኔንታ ዔይኦሜ ዓሶንታ፣ ዬያጉዲ ዎባ ካኣቶንታ ፒሊሰፄኤሜ ዓሶንታኪ፤ ዒ ዎሌ ዓሶ ቢያ ባባሼኔ፤ 48 ዒ ደዲ ዎሊ ዓማሌቄ ዴርዋ ባሼኔ፤ ዬያይዲ ዎሊ ዒሰራዔኤሌ ዓሶ ሞርኮ ኩጫፓ ዓውሴኔ።

49 ሳኣዎኦሌኮ ዓቲንቆ ናኣታ:- ዮናታኣኔንታ ዪሺዊንታ ማልኪሹዓንታኪ፤ ዒዛኮ ናኣ ቶይዴላ ሜራቤ፣ ጌኤዴላ ሜልኮኦሎ ጌይንታኔ። 50 ማቾ ሱንፃ ዒዛኮ ዓሃሮዓሞ ጌይንታያ ዓሃማዓፄ ናይኪ፤ ሃሃ ዒዛኮ ፖኦሊሶ ዓይሃ፣ ሱኡጋሢ ዓቤኔሬ ጌይንታያ ዒዛኮ ማዎ ኔሪ ናይኪ። 51 ዬያሮ ሳኣዎኦሌኮ ዓዶ ቂኢሴንታ ዓቤኔሬኮ ዓዶ ኔሪንታ ዓቢዔኤሌ ናይኪ።

52 ሳኣዎኦሌ ካኣታዲ ናንጌ ዎደ ቢያይዳ ፒሊሰፄኤሜ ዓሶና ዎላ ሞርኪ ማዒ ደዲ ዎልቲ ዎልቲ ዴዔኔ፤ ዬያሮ ዒዚ ደዲ ዎልዚ ዎላ ዓሲ ዴንቄ ዎደና ፃኣፒ ፃኣፒ ፖኦሊሶ ባኣኮ ጌልዛኔ።

15

ሳኣዎኦሌ ዓማሌቄ ዓሶ ዎሌ ዎሎ

1 ፔቴ ኬሊ ሳሙዔኤል ሳኦኦኦኦ ኮይሉ፡- «ናገረና ናገጋ ጎዳ ፔ ደር ዲሰራዔኤል ዑፃ ኔና ቲሽኪ ካኦታሞሞ ዲማና ታና ዳኬኔ፤ ሃሢ ሲያ ባኮ ዳንዳዓ ጎዳሢ ጋዓ ባኮ ዋይዜ፤ 2 ዲሰራዔኤል ዓሳ ገብጻፓ ኬሰኪ ሙካእና ዓማሌቄ ዓሳ ጎይያይዳ ዔያቶ ያሊ ያሊ ሜታሴሢሮ ናገረና ናገጋ ጎዳ ዓማሌቄ ዓሳይዳ ፑርታ ዓገረ ኮሞ ዔካኒ ገዔኔ። 3 ሃሢ ዳንዲ ዓማሌቄ ዓሳ ያሊ ዔያቶኮ ዓኣ ባኮ ሲያ ባይዜ፤ ፔቴ ባኣዚታሞ ዓይሲፖ፤ ዓቲንቆ፣ ላኣሎ፣ ዳኮንታ ዓኣሎ ናኣቶንታ፣ ባኣቶ፣ ማራቶ፣ ጋኣላሢንታ ሃርንታ ሲያ ዎዴ» ገዔኔ።

4 ዬያር ሳኦኦኦኦ ፔኤኮ ፖኦሊሶ ዔኤሊ ጃሌሜ ገይንታ ቤሰካ ቡኩሲ ፓይዴኔ፤ ዲማና ዲሰራዔኤልፓ ሙኬ ያሎ ዓሳ ላምዎ ጃኤታ ሺያ፣ ዪሁዳፓ ሙኬ ዓሳ ታጾ ሺያ ማዔኔ፤ 5 ዬካፓ ዲዛንታ ፖኦሊሶንታ ዓማሌቄ ዓሳ ካታሞ ዳንዲ ፔቴ ዛሮ ካርካ ካቲ ዳዔኔ፤ 6 ዲሰራዔኤል ዓሳ ገብጻፓ ኬሰካእና ቄና ዓሳ ኮሺ ባኣዚ ዔያቶሞ ማዴሢሮ ሳኦኦኦኦ፡- «ታ ዲንሢ ዓማሌቄ ዓሳና ዎላ ኩርሱዎጉዲ ዔያቶ ባኣካፓ ኬሰኪ ዳንዲዎቴ» ገይ ኪኢታ ዳካዛ፣ ቄና ዓሳ ዓማሌቄ ዓሳ ሃሺ ዳንዴኔ።

7 ሳኦኦኦኦ ሃዋላፓ ዓርቃዎ ዳንዲ ገብጻ ዓጮኮ ዓባ ኬሰካ ዛላ ዓኣ፣ ሹኡራ ዔኪ ዳንዳ ጎይያ ሄላንዳኣና ሲያ ያሊ ዓማሌቄ ዓሳ ባሽኔ። 8 ዲማና ዲዚ ዓማሌቄ ዓሳኮ ካኣቲ፣ ዓጋጌ ዲዲ ዔካዎ ደር ሲያ ጩንቾ ዓፓርና ዎዲ ኩርሴኔ፤ 9 ጋዓንቲ ሳኦኦኦኦና ዲዛኮ ፖኦሊሶና ካኣታሢ፣ ዓጋጌ ዎዲዎ ሃሽኔ፤ ዬያ ሌሊቲዎንቲ ቃራ ቃራ ማዔ ማራቶንታ ባኣቶንታ፣ ማሎ ማሎ ቡዎንታ ማራ ናኣቶንታ፤ ዬያ ዬያጉዳ ኮዢ ባኮ ሲያ ዎዲ ባይዚባኣሴ፤ ዔያታ ዲማና ዎዲ ባይዜሢ ዔኤቢ ማኣዳ ባኣዚባኣ ባኮ ሌሊኩ።

ሳኦኦኦኦ ካኣታዲ ዳይንዲዎያ ማዒፃ ኬኤዚንቲሢ

10 ናገረና ናገጋ ጎዳ ሳሙዔኤሌም፡- 11 «ሳኦኦኦኦ ታና ሃሽኔ፤ ዲዚ ታኣኮ ዓይሢያ ካፒባኣሢሮ ዲዛ ታ ካኣታሢያና ዲና ታኣኮ ያዬኔ» ጋዓዛ፣ ሳሙዔኤሌ ዬያር ዳጋዲ ዬኤኪ ዬኤኪ ያኦሲ ሺኢቄ ጎይሣ ዬኖ ዎንቶ ዎርቄኔ፤ 12 ዬካፓ ዲዚ ጉቴ ዓማ ዔቄ ሳኦኦኦኦ ዳንቃኒ ኮይ ዳንዴኔ፤ ዲዛ ኬሎ ሳኦኦኦኦ ዲዚ ፔኤኮ ያሎና ባሺያ ዔርዛኒ ዳኣሶ ዳኣቤ፣ ቄርሜሎሴ ካታሞ ሄላዎ ማዒ ገንሣ ጌልጌላ ዳንዴሢ ዋይዜኔ፤ 13 ዬያ ዎይዛዎ ዲዚ ሳኦኦኦኦ ኮራ ሙካዛ፣ ሳኦኦኦኦ፡- «ሳሙዔኤሌ! ናገረና ናገጋ ጎዳ ኔና ዓንጅንጎ፤ ታኣኒ ናገረና ናገጋ ጎዳኮ ዓይሢያ ማዲ ኩንሣኔ» ገዔኔ።

15:1 15:1 1ሳሙ. 10:1። 15:2 15:2 ኬሲ. ማጻ 17:8-14፤ ላሚ. ዎማ 25:17-19።

14 ሳሙዔኤል ዲማና:- «ሂዳዎ ሃይ ታ ሃሢ ዋይዛ፣ ባኣቶንታ ማራቶ ዲቦንታኮ ቡኡዛ ዓይጎዳዎ?» ጌይ ሳኣዎኦል ያኑጩኑ።

15 ሳኣዎኦል ማሃዎ:- «ዬይ ታኣኮ ያሎ ዓሳ ዓማሌቄ ዓሶፓ ዲዒ ዔኬሢኬ፤ ዔይታ ቃሮ ቃሮ ባኣቶንታ ማራቶንታ ናንገና ናንጋ ጎዳ ማዔ ኔኤኮ ያኣዛሢ ማቺ ዒንጎ ዒንገሢ ማሂ ሺኣሻኒ ዔከ ሙኩኔ፤ ሃንጎ ባኮ ቢያ ጋዓንቴ ቢያ ኑ ዋዲ ባይዜኔ» ጌዔኔ።

16 ዬያሮ ሳሙዔኤል:- «ሃሺ ጊዳንዳኔ፤ ናንገና ናንጋ ጎዳ ታኣም ሂና ዋንቴ ፔጋሲ ኬኤዜ ባኣዚ ታ ኔኤም ኬኤዘም» ጌዔኔ።

ሳኣዎኦል:- «ዔኤዔ፣ ኬኤዜ» ጌዔኔ።

17 ዬካፓ ሳሙዔኤል ዲዛም:- «ኔ ኔና ሩካ ዓሲኬ» ጌይ ማሌቲያ ዒሰራዔኤል ፃጸኮ ሱኡጌ ኔ ማዒባኣዓዳ? ናንገና ናንጋ ጎዳ ኔና ደኣሚ ዒሰራዔኤል ዓሶ ቡፃ ካኣታሢኔ፤ 18 ሃሢ ዬያቶ ጎማዔ፣ ዓማሌቄ ዓሶ ዋዲ ኔ ባይዘንዳጉዲ ኔና ዒ ዳኬኔ፤ ኔ ዔይቶ ጋፕዲ ኩርሳንዳጉዲ ኔና ዒ ዓይሢኔ። 19 ሂዳዎ ዋይታዛ ኔ ዒዛኮ ዓይሢያ ኩንሢባኣይ? ዳዒንቴ ዔውቴ ባኮ ማጩንቴ ጎይቄ ናንገና ናንጋ ጎዳ ዋዘሱዋ ማዶ ኔ ዓይጎሮ ማዶይ?» ጌዔኔ።

20 ሳኣዎኦል ማሃዎ:- «ናንገና ናንጋ ታ ጎዳሢኮ ዓይሢያ ታ ኩንሢ ማዶኔ፤ ዒ ታና ዓይሢ ጎይያና ኬሰኪ ታ ያሌኔ፤ ካኣታሢ ዓጋጌ ሌሊ ታኣኒ ዓይሲ ዲዒ ዔከ ዬዓዎ ሃንጎ ዓማሌቄ ዓሶ ቢያ ታ ዋዶኔ፤ 21 ጋዓንቴ ታኣኮ ያሎ ዓሳ ዲዒ ዔኬ፣ ቃሮ ቃሮ ማራቶንታ ባኣቶንታ ዋዲባኣሴ፤ ዬያይዲያ ኩኡኒ ሃሺ ዔከ ሙኩሢ ናንገና ናንጋ ጎዳ ማዔ ኔ ያኣዛሢ ጌልጌላይዳ ማቺ ዒንጎ ዒንገሢ ማሂ ሺኣሻኒኬ» ጌዔኔ።

22 ዬማና ሳሙዔኤል:- «ናንገና ናንጋ ጎዳ ናሽካሢ ዓይጎ ኔኤም ማላይ? ዓይሢንቴሢ ማሌ ዒንጎ ባኮና ማቺ ዒንጎ ባኮናዳይ? ዒዛም ዓይሢንቴ፣ ቃራ ማራይ ሹኪ ማቺ ሺኣሽ ዒንገፃፓ ባሽኬ፤ 23 ያኦሲም ዋይዚ ዒዲሢ:- ማርሻ ማርሻሢጉዲኬ፤ ያቶርቄ ጌኤታዲሢ:- ማሌ ያኣዘ ካኣሽኪ ጎሜ ማዲሢጉዴያኬ፤ ኔኤኒ ናንገና ናንጋ ጎዳኮ ዓይሢያ ሃሽሢሮ ማይ ካኣታዲ ዴቡዋጉዲ ዒዚያ ኔና ሃሽኔ» ጌዔኔ።

24 ዬያሮ ሳኣዎኦል:- «ሂዮ ጎኔኬ፤ ታ ጎሜ ማዶኔ፤ ናንገና ናንጋ ጎዳ ዓይሢ ዓይሢያንታ ኔ ታኣም ኬኤዜ ባኮዋ ካፒ ታ ኩንሢባኣሴ፤ ታኣኒ ታኣኮ ፖኦሊሶ ዒጊጩ ዔይታ ኮዔ ጎይያ ቢያ ታ ማዶኔ፤ 25 ጋዓንቴ ሃሢ ታ ኔና ሺኣቃኔ ዬያ ጎም ታኣኮ ዓቶም ጌዔ፤ ታኣኒ ጌልጌላይዳ ናንገና ናንጋ ጎዳ ዚጊ ካኣሽኮም ታኣና ዋላ ማዒ ዒኣካ ቢሬ» ጌዔኔ።

26 ሳሙዔኤል ዲማና:- «ታኢ ኔኔና ዋላ ዴንዳባኩ፤ ኔኔኒ ናንጊና ናንጋ ጎዳኮ ዓይሢያ ማዲ ኩንሦ ሃሼኔ፤ ማይ ኔኔኒ ዲሰራዔኤሌኮ ካኣቲ ማዲ ዴቡዋጉዲ ዲዚ ኔና ሃሼኔ» ጌዔኔ።

27 ያዲ ጋዓዖ ሳሙዔኤል ዲዛ ኮይላፓ ዴንዳኒ ሺሬኔ፤ ሳኦኦሌ ጋዓንቲ ሳሙዔኤል ዴንዳዋጉዲ ዲ ማኣዲ ዓኣ ዴኤፖ ኮኦቶኮ ዓጮ ዓርቁም ኮኦታ ዳርዓዛ። 28 ሳሙዔኤል ሳኦኦሌ ኮራ:- «ናንጊና ናንጋ ጎዳ ዲሰራዔኤሌይዳ ኔ ካኣታዴ ካኣቲሞ ኔ ኩጫፓ ሃኖ ዳርዚ ዔኪ ሜሌ ቃራ ዓሰም ዲንጌኔ፤

29 ዲሰራዔኤሌኮ ቦንቾ ማዔ ያኦዛሢ:- ሉኡቃያቱዋሴ፤ ሃሣ ዓይጋ ታ ዩያይዴይ? ጋዓያቱዋሴ፤ ዲዚ ዓሰጉዲቱዋሢር ፔኤኮ ማሊያ ጊንሣ ሺርሹዋሴ» ጌዔኔ።

30 ዩያር ሳኦኦሌ:- «ጎኔኬ ታ ዳቤኔ፤ ያዲ ማዔቲያ ሜሌ ባካ ዓቶንጎ ታ ዴሮኮ ሱኡጎና ዲሰራዔኤሌ ዴሮና ቤርቶይዳ ታና ቦርሲሲፖ፤ ናንጊና ናንጋ ጎዳ ማዔ ኔኤኮ ያኦዛሢ ታ ዘጊ ካኣሽካንዳጉዲ ታኣና ዋላ ዴንዴቲራ» ጌይ ሺኢቁኔ። 31 ያዲ ጌይ ዲ ሺኢቃዛ ሳሙዔኤል ዲዛና ዋላ ጌልጌላ ዴንዴኔ፤ ሳኦኦሌያ ናንጊና ናንጋ ጎዳ ዘጊ ካኣሽኬኔ።

32 ዩካፓ ሳሙዔኤል:- «ካኣታሢ፡ ዓጋጌ ታኣም ሃኒ ዔኪ ዩዔ!» ጌይ ዓይሣዛ፡ ዓጋጌ ዓጊቹሞና ጎጋይቂ ጎጋይቂ ዲዛ ኮይላ ሙከኔ፤ ዓጋጌ ዲማና:- «ሃይቢ ሃያጉዴ ፑርታ ባኣዚዳ!» ጌይ ፔ ዲኖና ማሌኔ። 33 ሳሙዔኤል ዲዛ ኮይላ:- «ኔኤኮ ጨንቾ ዓፓራ ሚርጌ ናኣቶ ዲንዶ ናይ ባኣያ ማሃሢጉዲ ኔ ዲንዳኣ ናይ ባኣያ ማዲ ዓታንዳኔ» ጌዔኔ። ጌልጌላይዳ፡ ናንጊና ናንጋ ጎዳም ዲንጎ ባኮ ዲንጎ ቤዘኮ ቤርቶ ዘላ ዲዛ ቲቂ ቲቂ ኬኤሬኔ።

34 ያዲ ዴሰካፓ ሳሙዔኤል ራኣማ ዴንዴኔ፤ ካኣታሢ፡ ሳኦኦሌያ ጊቢዓ ማዲ ዴንዴኔ። 35 ዩማፓ ዓርቃዖ ሳሙዔኤል ናንጌ ዎዶ ቢያይዳ ካኣታሢ፡ ሳኦኦሌ ዘጊ ቤቂባኣሴ፤ ጋዓንቲ ናንጊና ናንጋ ጎዳ ዲሰራዔኤሌ ዓሶ ዑፃ ሳኦኦሌ ካኣታሲያና ያዩሢር ሳሙዔኤል ዩያ ዘሎ ያዩ ያዩ ዩኤካኔ።

16

ዳውቲ ቲሽቲ ካኣታቶ ዶኦሚንቲሢ

1 ፔቲ ኬሊ ናንጊና ናንጋ ጎዳ ሳሙዔኤሌም:- «ካኣቲሞፓ ታኣኒ ኬይሴ፡ ሳኦኦሌ ዘሎ ኔ ዎማ ሄላንዳኣና ዩኤኪ ዩኤኪ ዴዓኒ ጋዓይ? ዲዚ ዲሰራዔኤሌኮ ካኣቲ ማዲ ናንጋዳጉዲ ታኣኒ ኮቡዋሴ። ሃሢ ኔ ዎዳንዳይ ጌዔቲ ሪሚቶ ዘይቶ ጉራኖይዳ

15:28 15:28 1ሳሙ. 28:17፤ 1ካኣቶ. ማ 11:30-31።

ኩንሢ ዔኪጋፓ ቤኤቴሌኤሜይዳ ናንጋ፡ ዒሴዬ ጌይንታ ዓሢ ኮይላ ዴንዴ፤ ታኣኒ ዒዛኮ ናኣቶ ባኣካፓ ፔቴይ ካኣቲ ማዓንዳጉዲ ደኣሜኔ» ጌዔኔ።

2 ሳሙዔኤል ዒማና፡- «ዬያ ታ ዋዲ ማዳንዳይ? ሳኣዖኦሌ ዬያ ዋዋይዜቴ ታና ዋዴኔ!» ጌይ ናንገና ናንጋ ጎዳ ዖኦጮኔ።

ናንገና ናንጋ ጎዳ ዒዛሞ ማሃዖ፡- «ናንገና ናንጋ ጎዳሞ ሚቸዩ ዒንጎ ዒንገሢ ዒንጋኒ ታ ሙኩኔ» ጌይ ፔቴ ማሮ ዔኪ ዴንዴ፤ 3 ኔኤኒ ዬኖ ዒንጋ ቤዜሎ ዒሴዬ ሙካንዳጉዲ ዔኤሌ፤ ኔኤኒ ማዳንዳ ባኮ ታ ኬኤዛንዳኔ፤ ዒማና ታ ኔኤሞ ኬኤዛ ዓሢ ቲሽኪ ካኣቲሞም ደኣሜ» ጌዔኔ።

4 ናንገና ናንጋ ጎዳ ዓይሢ ባኮ ማዳኒ ሳሙዔኤል ቤኤቴሌሃሜ ዴንዴኔ፤ ዒኢካ ዒ ሙኪ ሃላኣና ዬኖ ካታሜሎ ዓሳ ዒገቹሞና ጎጋይቂ ጎጋይቂ ሳሙዔኤል ኮይላ ሙካዖ፡- «ኔ ኮሺ ዓኣዖ ሙኪያ?» ጌይ ዖኦጮኔ።

5 ዒዚ ማሃዖ፡- «ሂዮ! ኮሺ ዓኣዖኦ፤ ናንገና ናንጋ ጎዳሞ ሚቸዩ ዒንጎ ዒንገሢ ሸኢሻኒ ታ ሙኩኔ፤ ዒንሢኮ ዑዖ ጌኤሺ ታ ኮይላ ሙኩዋቴ» ጌዔኔ። ዬማና ዒዚ ዒሴዬና ናኣቶና ፔ ዑዖ ጌኤሻንዳጉዲ ኬኤዛዖ ናንገና ናንጋ ጎዳሞ ዒንጎ ባኮ ሸኢሻ ቤዘዋ ሙካንዳጉዲ ዔያቶ ዔኤሌኔ።

6 ዒኢካ ዔያታ ሙካዛ ሳሙዔኤል ዔኤሊያቤ ጌይንታ፡ ዒሴዬኮ ናኣዚ ዴንቃዖ፡- «ሃይ፡ ናንገና ናንጋ ጎዳ ቤርታ ሙኪ ዔቆሃ ጎኔ ካኣቲሞም ደኣሚንቴሢኦ» ጌይ ፔ ዒኖና ማሌኔ። 7 ጋዓንቴ ናንገና ናንጋ ጎዳ፡- «ዔኤሊያቤኮ ዔጶ ዖደሱሞና ማላሢ ሚዛጵሞና ዛገፖ፤ ታ ዒዛ ኮይባኣሴ፤ ታኣኒ ዋጋሢ ዓሲ ዋጋ ጎይሢቲሞኦ፤ ዓሲ ዑሢና ዓሲኮ ማሎ ዛጋኔ፤ ታኣኒ ጋዓንቴ ዓሲኮ ዒኔ ዛጋኔ» ጌዔኔ።

8 ዬካፓ ዒሴዬ ዓቢናዳኣቤ ጌይንታ ናዓሢ ፔኤኮ ዔኪ ሳሙዔኤል ኮይላ ሙኩኔ፤ ሳሙዔኤል ጋዓንቴ፡- «ናንገና ናንጋ ጎዳ ሃያ ደኣሚባኣሴ» ጌዔኔ። 9 ሃሢ ገንሢ ዒሴዬ ሻማ ጎኦ ናዓሢ ፔኤኮ ዔኪ ሙካዛ፡ ሳሙዔኤል፡- «ናንገና ናንጋ ጎዳ ሃያኣ ደኣሚባኣሴ» ጌዔኔ። 10 ዒሴዬ ዬያይዳኣና ፔኤኮ ላንካዋ ናኣቶ ዔኪ ሙኩ ጎይሢ ሳሙዔኤል ቤርታ ዋሊ ቤኤዚ ዔቂሴኔ፤ ጋዓንቴ ሳሙዔኤል ዒሴዬሞ፡- «ሃኣቶ ባኣካፓ ናንገና ናንጋ ጎዳ ፔቴታዖ ካኣቲሞም ደኣሚያ ባኣሴ» ጋዓዖ፡ 11 «ዋይዜ፤ ሜሌ ናይ ኔኤኮ ባኣዓዳ?» ጌይ ዖኦጮኔ።

ዒሴዬ ዒማና፡- «ሃኣቶ ቢያሢኮ ጌኤዚሰኬይ ዓኣኔ፤ ዬይ ሃሢ ማራይ ሄንቃኒ ዓኣዲ ዓኣኔ» ጌዔኔ።

ሳሙዔኤል:- «ሂንዳ ዒዛ ዔኤሊሲ ዔኪ ዩዔ፤ ዒዚ ሙኩዋንቴ ያኑሲም ዒንጎ ባኮ ኑ ሺኢሻዓኬ» ጌዔ። 12 ዩያር ዒሴዩ ዓሲ ዳኪ ዒዛ ዔኤሊሲ ዔኪ ሙኩኔ፤ ዩይ ናዓሢ:- ዘቄ፣ ሚዛጲ ሃሃ ዓኣፓኣ ጌኤሺ ዊሪር ጋዓያ ጳጌኬ፤ ዒማና ናንገና ናንጋ ጎዳ ሳሙዔኤልም:- «ታ ዶኦሚሢ ሃያታሢሮ ዔቄ ሃያ ቲሽኬ!» ጋዓዛ፣ 13 ሳሙዔኤል ሪሚቶ ዘይቶ ኩንሆና ጉራፍ ዔኪ ጌርሲንሢኮ ቤርታ ዳውቲ ቲሽኬ፤ ዩማና ኔኔጉዋዎ ናንገና ናንጋ ጎዳኮ ዓያና ዳውቲ 0-ፃ ኬዴ፤ ዩማፓ ዓርቃዎ ጎዳኮ ዓያና ዒዛፓ ዲማዲባኣሴ፤ ዩካፓ ሳሙዔኤል ራኣማ ማዒ ዴንዴ።

ዳውቲ ሳኣዎኦሌኮ ካኣቱሞ ማኣርይዳ

14 ናንገና ናንጋ ጎዳኮ ዓያና ሳኣዎኦሌይዳፓ ዲማዲሢሮ ናንገና ናንጋ ጎዳ ፑርታ ማዠፍ ዓያና ዳኬም ሳኣዎኦሌ ዴንሣኔ፤ 15 ዒማና ሳኣዎኦሌኮ ዓይላ ዒዛ ኮይላ:- «ሃኣዛጌ ማይ ያኑሲ ዳኬ ማዠፍ ዓያና ኔና ሃያይዳ፤ 16 ዩያር ካኣቲዮ! ኑ ኔኤም ጎኦላ ዋርቂ ዔራ ዓሲ ኮዒ ዔኪ ዩዎም፤ ዩካፓ ፑርቶ ማዠፍሢ ዓያና ኔጊዳ ጌላኣና ዩይ ዓሢ ጎኦሎ ዋርቃንዳ፤ ኔኤኒ ዩማና ዴንሣሢፓ ፖዓንዳ።» ጌዔ።

17 ሳኣዎኦሌ ዔያቶም:- «ጎኦላ ዋርቂ ዔራ ዓሲ ኮዒ ዔኪ ታኣም ዩዑዋቲ» ጌዔ።

18 ዒዛኮ ዓይሎይዳፓ ፔቴሰኬይ:- «ቤኤቲሌሃሜ ካታማ ናንጋ፣ ዒሴዩኮ ጎኦላ ዋርቂ ዔራ ናይ ዓኣንቴ ታ ዛጌ፤ ዩያ ሌሊቱዋንቴ ዒዚ ያልዚና ዔርቲ ዓሲ፣ ማላሢናኣ ሚዛጲ፣ ጌኤሲኮ ፃጲ ዔሪ ጌሰታ ዓሲኬ፤ ናንገና ናንጋ ጎዳ ዒዛና ዋላ ዓኣያኬ» ጌዔ።

19 ዩያር ሳኣዎኦሌ ዒሴዩ ኮይላ ኪኢታ ዓሲ ዳካዎ:- «ኔኤኮ ማራዎ ሄንቃ ናዓሢ፣ ዳውቲ ታኣም ዳኬ» ጌዔ። 20 ዒሴዩ ዒማና ዳውቲ ፔቴ ኮላናይ ጎቲሲ፣ ካሣንታ ሱርባ ኩሙሢ ዋይኔ ዑሺያኣ ፔቴ ሃሬይዳ ጫኣኒሲ ዳኬ። 21 ዩካፓ ዳውቲ ሳኣዎኦሌ ኮይላ ሙካዎ ዒዛም ማዲሢ ዓርቄ፤ ሳኣዎኦሌ ዒዛ ሚርጌና ናሽኬሢሮ ዒዛኮ ያሎ ዓንጋሞ ኬዲ ሃንታንዳጉዲ ማሄ። 22 ዩያይዴሰካፓ ሳኣዎኦሌ ዒሴዩም:- «ታኣኒ ዳውቲ ናሽኬ፤ ዩያር ዒዚ ሃይካ ዴዒ ታኣም ማዶንጎ» ጌዒ ኪኢታ ዳኬ። 23 ዩማፓ ዓርቃዎ ያኑሲ ዳኬ፣ ፑርቶ ማዠፍሢ ዓያና ሳኣዎኦሌይዳ ሙኪ ጌላማና ጌላማና ዳውቲ ፔኤኮ ጎኦሎ ዔኪ ዋርቃ፤ ፑርቶ ማዠፍሢ ዓያናኣ ዒዛ ሃሺም፣ ሳዎኦሌ ኮሺ ማዓ።

17

ዳውቲና ጎኦሊያዴና

1 ፒሊሰጻኤሜ ዓሳ ዪሁዳ ዓጫ ሶኮ ጌይንታ ካታማ የልዚር ሙኪ ቡኩኔ፤ ዔያታ ዒማና ሶኮና ዓዜቃናኮ ሳዛ ዓፔሰዳሚሚ ጌይንታ ቤዛ ዲንኪ ደዔኔ። 2 ሳኦኦሌና ዒሰራዔኤሌ ዓሶና ፒሊሰጻኤሜ ዓሶ የላኒ ዔኤላ ዛርይዳ ዲንኪ ደዓዖ ቤሲ ቤሲ ዓርቄኔ። 3 ዒማና ፒሊሰጻኤሜ ዓሶና ዒሰራዔኤሌ ዓሶናኮ ባኣካ ፔቴ ዛሬ ዓኣኔ፤ ዬኖ ዛሬሎኮ ፔቴ ዛሎ ጎኑቦይዳ ፒሊሰጻኤሜ ዓሳ፤ ባጎ ዛሎና ዒሰራዔኤሌ ዓሳ ዔቄኔ።

4 ኃኣቴ ካታማፓ ሙኩ፥ የልዚና ዔርቴ ጎኦሊያዴ ጌይንታያ ዔጳ ላሆ ዋዳ ማዔ ፔቴ ዓሲ ፒሊሰጻኤሜ ዓሶ ባኣካፓ ኬሰኬኔ፤ 5 ዒዚ ሞኦና ዓንገና ዲይንቴያ ዴኤሠማ ደንገታሚ ላንካይ ኪሎ ማዔያ የሎሮ ዳዳ ማኦየ ባኮንታ ቶኦካ ዓጎ ባኮዋ ዓጊ ዓኣኔ። 6 ሃሣ ዒዚ ቶኮ ጉቤ ሞኦና ዓንጎፓ ዲዎና ባኣዚና ዔኤሣ ዓኣኔ፤ ዬያጉዲ ሃሣ ሞኦና ዓንገና ዲዎና ዎርሢያ ዙላ ባሲ ዓኣኔ፤ 7 ዬያ ዎርዎኮ ዘየ ዓንዲርሙማ ደርዘኮ ዓንዲራሾ ሚያጉዴያ ማዓዛ፥ ዎርዎኮ ዴኤሠማ ላንካይ ኪሎ ማዓያኬ፤ ዒዛኮ ጊቴሞ ፔቴ የልዚ ዓሲ ዒዛሞ ኬዲ ቤርታ ቤርታ ዓኣዳኔ። 8 ጎኦሊያዴ ዒማና ፔጎ ኬሰኪ ኬሰኪ ዒሰራዔኤሌ ዓሶ 0-9፡- «ሃሣ ዒንሣ ሃይካ የሎሮ ኬሰኪሣ ዓይጎ ዎኦታኒዳይ? ታኣኒ ፒሊሰጻኤሜ ዓሲኬ፤ ዒንሣ ሳኦኦሌ ካራሞኬ፤ ሂንዳ ዓካሪ ታኣና የልታንዳ ዓሲ ዒንሣኮ ፖኦሊሶ ባኣካፓ ደኦሩዎቴ፤ 9 ዒዚ ታና ባሺ ዎዴቴ ኦኦኒ ዒንሣኮ ካራሚ ማዓንዳኔ፤ ኃዓንቴ ታኣኒ ዒዛ ባሺ ዎዴያ ማዔቴ ዒንሣ ኦኦኮ ካራሚ ማዓንዳኔ። 10 ታኣኒ ሃኖ ዒሰራዔኤሌ ዓሶኮ ፖኦሊሶ ዛጋንዳኔ! ታኣና ዎላ የልታንዳ ፔቴ ዓሲ ኬሱዎቴ!» ጌይ ጌይ ሄርሺንቴ ጌሰቴሣ ዓርቄኔ። 11 ሳኦኦሌና ዒዛኮ ፖኦሊሶና ዬያ ዎይዘየ ዒጊጩ ጎጋይቄኔ።

ሳኦኦሌኮ የሎ ዓሳ ዓኣ ቤዘ ዳውቴ ዴንዴሣ

12 ዳውቴ ዪሁዳይዳ ዓኣ ቤኤቴሌኤሜ ካታማ ናንጋ ዔፕራታ ዓሣ ዒሴዬ ናይኬ፤ ዒሴዬኮ ሳሊ ናይ ዓኣያ ማዓዛ ሳኦኦሌ ካኣታዲ ዓኣ ዎደና ዒዚ ጋርቹኬ። 13 ዒዛኮ ደደ ናኣቶፓ ሃይሣ ናይ ሳኦኦሌና ዎላ የሎሮ ዴንዴኔ፤ ዬያታ፡- ቶይዳሣ ዔኤሊያቤ፥ ላምዓሳሣ ዓቢናዳኣቤ፥ ሃይሣሳሣ ሻማ ጌይንታሣኬ። 14 ዳውቴ ጉቤ ናኣቶፓ ጌኤዛሣኬ፤ ዒዛኮ ሃይሣ ዒሻንሣ ሳኦኦሌና ዎላ የሎሮ ዴንዲ ዓኣኔ። 15 ዳውቴ ዒማና ሳኦኦሌ ኮይላፓ ቤኤቴሌኤሜ ዴንዲ ዴንዲ ዓደኮ ማራቶ ሄንቃኔ።

16 ፒሊሰጻኤሜ ዓሣ፥ ጎኦሊያዴ ዒሰራዔኤሌ ዓሶ ቤርቶ ጉቶንታ ዓሶጌሎንታ ኬሰኪ ኬሰኪ የይዲታሚ ኬሊ ቢያ ሄርሺንቴ ሄርሺንቴ ሚታሴኔ።

17 ፔቴ ኬሊ ዒሴዬ ዳውቴ፡- «ሚቸና ቲሾ ታጾ ኪሎ ማዓያና ታጾ ላጮና ዔኪጋፓ ዑኩና ዴንዲ ሶሎ ቤዛ ዓኣ ኔ ዒሾንሢም ዒንገ። 18 ሃንሢ ታጾ ሙሹኩንሢ ዔኪ ዴንዲ ፖኦሊሶ ዓይሣሢም ዒንገ። ኔኤኮ ገርሲንሢ ዎዚ ዓኣቴያ ዛገ ሙኪ ታኣም ኬኤዜ። 19 ካኣቲ ሳኣዎኦሌንታ ኔኤኮ ገርሲንሢንታ ሃሣ ዒሰራዔኤሌ ዓሶንታ ዔኤላ ዶኦጮይዳ ፒሊሰጻኤሜ ዓሶና ዎላ ያልቲ ያልቲ ዓኣኔ» ጌይ ዓይሣኔ።

20 ዬያር ዳውቴ ዚሬሎ ጉቴ ሚኢሪ ዔቁ፣ ማሌ ዓሲ ማራቶ ሃንቃንዳጉዲ ዒንገ ዒሴዬ ዓይሣ ጎይያና ገኢገነቲ ካሃ ዔኪ ዴንዴ፤ ዒማና ዒሰራዔኤሌ ዓሳ ሶሎ ዓርቃኒ ዒላቲ ኬሰካማና ዒዚ ዒኢካ ሃሌ። 21 ፒሊሰጻኤሜኮ ፖኦሊሶና ዒሰራዔኤሌ ዓሶና ዎሊ ሶሎ ገኢገ ዔቁ ዓኣኔ። 22 ዬካፓ ዳውቴ ዔኪ ሙኬ ካሃ ሙዎ ባኮ ካፓሢ ኮይላ ገሢ ሶሎ ዓሳ ዓኣ ቤዛ ጳሽኪ ገርሲንሢ ኮይላ ዴንዲ ዔያታ ዎዚ ዓኣቴያ ሶኦጮ። 23 ዬያይዲ ዒ ፔ ገርሲንሢና ዎላ ገሰታንቲ ሶሎና ዔርቲ ጎኦሊያዴ ቤርታ ማዳ ጎይያ ዒሰራዔኤሌ ዓሳ ባንሢ ቤርቲም ኬሰኪ ዒሰራዔኤሌ ዓሶ ዑፃ ሃርሽንቲ ገሰታንቲ ዓርቄ፤ ዳውቴ ዬያ ዒ ጋዓሢ ዎይዜ። 24 ዒሰራዔኤሌ ዓሳ ጎኦሊያዴ ዛገ ዎዶና ዒገጪ ጳሽኪ። 25 ዎሊ ኮይላኣ ዔያታ፡- «ሃኣሶ ዛጉዎቲ! ዒ ሃርሽንቲ ጋዓ ባኮ ዎይዎቲ፤ ካኣቲ፣ ሳኣዎኦሌ ዒዛ ዎዴ ዓሲም ሚርገ ባኣዚ ዒንጋንዳሢ ጫኣቄ፤ ዬያ ሌላቲዎንቲ ፔኤኮ ናዎ ዒንጋንዳሢንታ ዬያ ዓሢኮ ማኣር ዓሳ ገኢራ ገኢራንዳዎኣሢ ኬኤዜ» ጌዔ።

26 ዳውቴ ዒማና ዒዛ ኮይላ ዔቁ ዓኣ ዓሶ ኮራ፡- «ሃያ ፒሊሰጻኤሜ ዓሢ ዎዲ ዒሰራዔኤሌ ዓሶ ሃያጉዴ ዳውሲንቶፓ ዓውሴ ዓሢም ዓይጌ ማዲንታይ? ዔዛታ! ናንገና ናንጋ ሶኦዛሢኮ ሶሎ ዓሶ ዑፃ ሃያይዲ ሃርሽንቲ ገሰታ፣ ዓቲንቶ ቤርቶ ቲቂዎ ካኣኦ ካሽቲባኣሢ ዒ ዓይጎ ዓሲዳይ?» ጌይ ሶኦጮ። 27 ጎኦሊያዴ ዎዴ ዓሢም ማዲንታንዳ ባኮ ዔያታ ዒዛም ኬኤዜ።

28 ዒማና ዳውቴኮ ቶይዲ፣ ዔኤሊያቤ ዒዚ ዓሶና ዎላ ገሰታሢ ዎይዛዎ፣ ሚርገና ዳጋዲ፡- «ሃይካ ኔ ዓይጎ ዎዳይ? ማራቶ ዳውሎ ቦኦሎይዳ ሶኦም ኔ ሃሾይ? ታኣኒ ኔኤኮ ሶቶርሙዎና ዒኖ ፑርቲዎ ዔራ፤ ሃሢ ኔ ሙኬሢ ሃኤዶ ሶሎ ዛጋኒ ናንዳኣኬ!» ጌዔ።

29 ዳውቴ ማሃዎ፡- «ታ ሃሢ ዓይጎ ዎዳይ? ዔኤቢ ሶኦጫታዎ ታ ዴንዳዑዎዳ?» ጋዓዎ፣ 30 ማሌ ዓሲ ባንሢ ሽሪ ሃሣ ዒማ ጎይያ ሶኦጮ፤ ዒ ሶኦጫማና ሶኦጫማና ዓሳ ዒዛም ኬኤዛማ ዒማኬ።

31 ፔቴ ፔቴ ዓሲ ዳውቴ ጌዔ ባኮ ዎይዜሢር ዴንዲ ሳኣዎኦሌም ኬኤዛዛ፣ ሳኣዎኦሌ ዳውቴ ዔኤሊሲ ዔኪ ዬዔ። 32 ዳውቴ

ሳአዎኦሌ ኮይላ፡- «ካአቲዮ! ሃያ ፒሊሰጫሜ ዓሢር ያኒኒያ ጎጲ ዋኣግንዲያ ኮይሱዋሴ! ኔኤኮ ዓይላሢ፣ ታኣኒ ዴንዲ ዒዛ ያላንዳኔ» ጌዔኔ።

33 ሳአዎኦሌ ዒማና፡- «ዬይ ማዑዋ ባአዚኬ፤ ኔኔኒ ዒዛ ዋዲ ያላኒ ዳንዳዓንዲይ? ኔ ናይኬ፤ ዒዚ ጋዓንቴ ዒ ናንጌ ዋዶ ቢያይዳ ያልዚ ጎይሢ ኮሺ ዔሬያኬ» ጌዔኔ።

34 ዳውቱ ማሃዎ፡- «ካአቲዮ! ታ ኔኤኮ ዓይላሢ ታ ዓዶኮ ማራይ ሄንቃያኬ፤ ዬያ ማራቶ ሙዒኒ ዘቢታቱያ ዲቤ ጌይንታ ቦዓ ሙኪ ዓርቂ ዔኪ ዴንዳ ዋዶና፣ 35 ታኣኒ ጊንፆ ዴንዲ ቶሊሳኔ፤ ዬይ ቦዓ ታ ባንሢ ሙካኣና ሆሎማ ታ ዔያቶኮ ጨኡሊ ዓርቂ ጳርቂ ጳርቂ ዋዋዳኔ። 36 ታኣኒ ኔኤኮ ዓይላሢ ዘቢንታ ዲቤንታ ዋዴ፤ ሃይ ዓቲንቶ ቤርቶ ቲቂንቲባኣ ኮልታሢ ናንጊና ናንጋ ያኣዛሢኮ ፖኦሊሶ ዑፃ ሄርሺንቲ ጌሰቲሢር ዬያቶ ቦፖጉዲ ዒ ማዓንዳኔ። 37 ዬያ ዘቦና ዲቦይዳፓ ታና ዓውሴ ናንጊና ናንጋ ጎዳሢ ሃያ ፒሊሰጫሜ ዓሢ ኩጫፓ ታና ዓውሳንዳኔ» ጌዔኔ።

ዬያር ሳአዎኦሌ፡- «ኮሺኬ! ዴንዳ፤ ናንጊና ናንጋ ጎዳ ኔኤና ማዎንጎ!» ጌዔኔ። 38 ዬካፓ ሳአዎኦሌ ፔኤኮ ያሎ ማኣዓሢ ዳውቱ ማይሴኔ፤ ዋኦኖ ዓንጎፓ ዲዋና ቶኦካ ዓጎ ባኮ ዓጊ ዳዳ ማይንቶሢያ ዒዛ ማይሴኔ፤ 39 ዳውቱ ዬያጉዴ ማኣዓሢ ማይንቲ ቤቂባኣሢር ጨንቶ ዓፓርዋ ማኣዓሢ ዑፃ ቲኪ ዴንዳኒ ዔቃዎ ሃንቶ ባሺንቲኔ፤ ዬያር ዳውቱ ሳአዎኦሌ ኮራ፡- «ሃይ ታኣሞ ዔርቲባኣ ባአዚታሢር ሃያ ዓፒሎ ቢያ ማኣዒ ታ ያልታኒ ዳንዳዑሴ» ጋዓዎ፣ ዬያ ቢያ ጉሲ ጌሢኔ፤ 40 ዬካፓ ፔኤኮ ኮኦሎማ ዔካዎ፣ ዋርዚ ዓቺፓ ደንጎ ሙላሢ ሹቺ ዶኦሪ ዔኪ ዒ ማራቶ ሄንቃዎ ቲኪ ሃንታ ቡራሾይዳ ዓጊ፣ ዋርማኣ ፔኤኮ ዔኪ ጎኦሊያዴ ባንሢ ዴንዳኔ።

ዳውቱ ጎኦሊያዴ ያሊ ባሾሢ

41 ዬካፓ ፒሊሰጫሜ ዓሢ ጎኦሊያዴ ሃንጋ ዳውቱ ባንሢ ሙኪሢ ዓርቂኔ፤ ዒማና ዒዛኮ ጊቲሞ ኬዳሢ ዒዛኮ ቤርታ ቤርታ ሙካኔ፤ 42 ዳውቱ ዒ ኮሺ ዛጋዎ ቦሄኔ፤ ዓይጎር ጌዔቲ ዳውቱ ዘቆ፣ ሚዛጲ፣ ዳካ ናይታሢርኬ፤ 43 ዬያር ጎኦሊያዴ ዳውቱ ኮራ፡- «ኔኔኒ ታ ባንሢ ኮኦሎ ዔኪ ሙካሢ ታ ኔኤኮ ካኒዳ?» ጋዓዎ፣ ፔኤኮ ያኦዘ ሱንፆና ዒዛ ጋዳንቄኔ። 44 ዬካፓ፡- «ሂንዳ ሃኒ ዬዔ! ታ ኔና ዋዲ ሃሞፑራሢና ቦዶናሞ ዒንጊባኣቲ!» ጌይ ሄርሺንቲኔ።

45 ዳውቱ ዒማና፡- «ኔኔኒ ታና ያላኒ ጨንቻ ዓፓርንታ ዋርሢንታ ዴኤሚንታ ዔኪ ዬዔኔ፤ ታኣኒ ጋዓንቴ ኔኔኒ ሄርሺንቲ ቦሃ፣ ዒሰራዔኤሌ ያሎ ዓሶኮ ያኦዛሢ፣ ናንጊና ናንጋ ጎዳ ማዔ ቢያ ባኮ ዳንዳዓ ያኦዛሢ ሱንፆና ኔና ያላንዳኔ፤ 46 ናንጊና ናንጋ ጎዳ ኔና

ሃሮ ታኣሞ ዓኣሢ ዲንጋንዳኔ፤ ታ ኔና ባሺ ቶኦኮ ኔኤኮ ቲቃንዳኔ፤ ዩካፓ ፒሊሰጻኤሜ ፖኦሊሶኮ ሌዞ ሃሞፑራሢና ካዮ ቦዖናሞ ታ ዲንጋንዳኔ፤ ታ ያዲዳሰካፓ ዓጫ ቢያ ዲሰራዔኤሌኮ ፆኦሲ ዓኣሢ ዔራንዳኔ። 47 ሃሃሃ ሃይካ ቡኪ ዓኣ ዓሳ ቢያ ናንጊና ናንጋ ጎዳ ፔኤኮ ዴሮ ዓውሳሢ ጩንቻ ዓፓሮና ምርሢናቱሞኣሢ ዔራንዳኔ፤ ሶሎ ናንጊና ናንጋ ጎዳ ሶሊንዳሢሮ ዲንሢ ኑ ባሻንዳጉዲ ዲ ማኣዳንዳኔ» ጌዔኔ።

48 ዩይ ፒሊሰጻኤሜ ዓሢ ዲማና ዳውቲ ባንሢ ሙካዛ፣ ዳውቲ ዲዛና ሞላ ሶልቶንዶ ቤዞ ዑኩና ጳሽኪ ዴንዳኔ። 49 ዩካፓ ፔኤኮ ኩጮ ቡራሾ ጋሮ ዳኪ ፔቲ ሹቺ ዔካፖ ጎኦሊያዴይዳ ሞራዛ፣ ሹጫ ባሊቶ ዑሪ ሶሮ ጋሮ ጌሌኔ፤ ዩያሮ ጎኦሊያዴ ዳዲና ሳዓ ሎኦሜኔ። 50 ዩያይዲ ዳውቲ ጩንቻ ዓፓሮ ባኣያ ጎኦሊያዴ ሞራ ሹቺና ሞዲ ሶሎና ባሼኔ። 51 ዩካፓ ሃሃ ዳውቲ ጳሽኪ ዴንዲ ጎኦሊያዴኮ ሌዞ ዑፃ ጊይ ዔቂ ጎኦሊያዴኮ ጩንቻ ዓፓሮ ቱጊ ዔካፖ ቶኦኮ ዲዛኮ ቲቂኔ።

ዩማና ፒሊሰጻኤሜ ዓሳ ዔያቶኮ ሶሎና ዔርቲሢ፡ ጎኦሊያዴ ሃይቂሢ ዛጋፖ ጳሽኪኔ። 52 ዩካፓ ዲሰራዔኤሌ ዓሶና ዩሁዳ ዓሶና ዑኦዞ ፔኤኮ ዳጊዲ ማርቲ ማርቲ ዔያቶ ዳውሲ ዴንዲ ጋኦቲና ዔቅሮኔናኮ ዲያ ካሮ ሃላንዳኣና ዳኪ ዳኪ ሞዴ፤ ፒሊሰጻኤሜ ዓሶኮ ሌዞ ዴንዲ ጋኦቲና ዔቅሮኔና ሃሃ ዴንዲ ሻዕራይሜ ዔኪ ዴንዳ ጎይፖ ሃላሢዳ ቢያ ሌሲ ሌሊ ማዔኔ። 53 ዲሰራዔኤሌ ዓሳ ፒሊሰጻኤሜ ዓሶ ዳውሲ ዳኬሰካፓ ማዓፖ ዔያቶኮ ጉርዶ ቡራኔ። 54 ዳውቲ ዲማና ጎኦሊያዴኮ ቶኦኮ ዔኪ ዩራሳላሜ ሙኪኔ፤ ጋዓንቲ ጎኦሊያዴኮ ሶሎ ዓንጋሞ ፔኤኮ ዓፒሎና ማኸና ማኣሮይዳ ጌሣኔ።

ዳውቲ ሳኣዎኦሌ ኮራ ሙኪሢሢ

55 ዳውቲ ጎኦሊያዴ ሶሊኒ ዴንዳኣና ሳኣዎኦሌ ዛጋፖ ዲዛኮ ፖኦሊሶ ዓይሢ ዓቤኔሬ ኮይላ፡- «ሃይ ሶናይዳይ?» ጌይ ሶኦጩኔ።

ዓቤኔሬ ማሃዎ፡- «ካኣቲዮ! ዲ ሶናይታቲያ ታ ዔራሞሞይ» ጌዔኔ።

56 ሳኣዎኦሌ ዲማና፡- «ዴንዲ ዲ ሶናይታቲያ ሶኦጩ ዔሬ» ጌይ ዓይሣኔ።

57 ዳውቲ ጎኦሊያዴ ሞዲ ሶሎ ዓሳ ዴንኪ ዴዓ ቤዞ ማዓ ሙካዛ ዓቤኔሬ ዲዛ ዔኪ ሳኣዎኦሌ ቤርቶ ሺኢሼኔ፤ ዲማና ዳውቲ ጎኦሊያዴኮ ቶኦኮ ዔኪ ዓኣ ጎይሢ ዓኣኔ፤ 58 ሳኣዎኦሌ ዳውቲ ኮይላ፡- «ዔኤዛይ ኔ ሶናይዳይ?» ጌይ ሶኦጩኔ።

ደውቲ ማሃዖ፡- «ታኣኒ ቤኤቲሌኤሜይዳ ናገጋ፣ ኔ ዓይላሢ ሲሴዬ ናይኩ» ጌዔኔ።

18

የናታኣኔና ደውቲና ዋላ ሳላጴ ሳሎ

1 ሳኣዖኦሌና ደውቲና ጌሰቲ ጋፔሰካፓ ሳኣዖኦሌኮ ናኣዚ፣ የናታኣኔ ደውቲ ሲናፓ ናሽኮ ላጌ ማሄኔ፤ ዒዛ ዒ ዓዳ ፔናጉዲ ናሽኩኔ፤ 2 ዬማ ከላፓ ዓርቃዖ ሳኣዖኦሌ ደውቲ ፔ ኮይላ ናገጊሹኔ፤ ፔ ማኣሪ ዴንዳገዳጉዲ ደውቲ ዒ ዳኪባኣሴ፤ 3 የናታኣኔ ደውቲ ሚርጌና ናሽኩሢር ዒዛና ዋላ ሳሌ ሳላጴኔ፤ 4 ዒዚ ዒማና ዒ ማኣዔ ጴኔፖ ኮኣቶ ኩሲ ደውቲም ሲገጌኔ፤ ዬያጉዲ ሃሃ ዖሎ ማኣዓሢ፣ ጩንቾ ዓፓር፣ ዓኣዘንታ ቃልሾዋ ሲገጌኔ። 5 ሳኣዖኦሌ ዳኪ ዒዛ ዖሊሳ ቤዛ ቢያ ደውቲም ዔባ ኮሽካያ ማዓኔ፤ ዬያር ሳኣዖኦሌ ፖኦሊሶኮ ሱኡጌ ማሃ ዒዛ ደኦሬኔ፤ ሳኣዖኦሌኮ ዖሎ ዖላ ዓሶ ቢያሢ ዬይ ዋዛሴኔ።

ሳኣዖኦሌ ደውቲኮ ዋርኬ ማዔሢ

6 ደውቲ ገኦሊያዴ ዋዲ ማዓንቲ፣ ዖሎ ዓሳኣ ፔ ማኣሪ ማኣሪ ዴንዳገቲ ዒሰራዔኤሌይዳ ዓኣ ካታማ ካታማ ቢያ ናገጋ ላኣላ ሳኣዖኦሌ ጎይሢ ዔካኒ ኬሰካዖ ዒላሺ ኮርጊ ኮርጊ ጎኦሎዋ ዋርቂ ዋርቂ ሃሃ ካራቤያ ባዓኔ። 7 ዒማና ላኣላ፡- «ሳኣዖኦሌ ሺያ ዋዴኔ! ደውቲ ጋዓንቲ ታጶ ሺያ ዋዴኔ!» ጌይ ጌይ ኮርጌኔ። 8 ሳኣዖኦሌ ዬይ ዋዛሰባኣሢር ኮሺ ዳጋዲ፡- «ደውቲ ታጶ ሺያ ዋዴኔ ጌይ ሄርሺ ታና ሺያ ሌሊ ዋዴኔ ጋዓ! ያዲ ማዔቲ ዒ ካኣታዳገዳኔ ጌይሢኩ!» ጌዔኔ። 9 ዬማ ከላፓ ዓርቃዖ ሳኣዖኦሌ ደውቲ ቂኢሩዋና ዓልቲሢና ዓርቂኔ።

10 ዬማፓ ዚር ጉቲሎ ዖኦሲዳፓ ዳኪንቲ ፑርታ ዓያና ሳኣዖኦሌይዳ ጌሌኔ፤ ዬያር ዒዚ ኬኤዖይዳ ዣኣኦጉዲ ጉሪ ጌሰቲሢ ዓርቂኔ፤ ዒማና ደውቲ ቢያ ኬሊ ማዳ ጎይዖ ሳኣዖኦሌም ጎኦሎ ዋርቂኔ፤ ሳኣዖኦሌ ዬማና ኩጫ ዋርሢ ዔኪ ዓኣኔ።

11 ሳኣዖኦሌ፡- «ደውቲ ታኣኒ ኮጮና ጫርጊ ዓይሢኔ!» ጋዓዖ፣ ዋርዖና ላሚ ላሚ ደርባዛ፣ ደውቲ ዬያ ቢያ ዓኣሢኔ።

12 ናገጊና ናገጋ ጎዳ ዒዛ ሃሺ ደውቲና ዋላ ማዔሢር ሳኣዖኦሌ ዒዛ ዒጊጩኔ፤ 13 ዬያር ሳኣዖኦሌ ደውቲ ዘጎ ዒዒዖሎ ዖላ ሺያ ዓሲ ዓይሣገዳጉዲ ደኦሪ ዳኬም፣ ደውቲ ዖሎ ዖላ ዓሶ ዔኪ ዴገዴኔ።

14 ናገጊና ናገጋ ጎዳ ደውቲና ዋላ ዓኣሢር ዒ ማዳ ባኮ ቢያ

18:7 18:7 1ሳሙ. 21:11፤ 29:5።

ዲዛም ገኢገሻኔ። 15 ሳኦኦኦኦ ዳውቴም ዬያ ኮሽካ ባኮ ዛገ ባሽ
ዲዛ ዲገጠህ ዳርቄኔ፤ 16 ጋዓንቴ ዲ ዳንዲ ያለ ቤዛ ቢያ ባሽሳ
ሱኦገ ማዔህረ ዲሰራዔኤሌይዳኦ ማፖም ዪሁዳይዳ ዓኦ ዳራ ቢያ
ዳውቴ ናሽካኔ፤

ዳውቴ ሳኦኦኦኦ ናዎ ዔኮህ

17 ዬካፓ ሳኦኦኦኦ ዳውቴ ኮራ፡- «ናገገና ናገጋ ጎዳኮ ያሎ
ዓተንቁ ማዔ ኔ ያሌቴ ታናዎ ቶይዳሎ፡ ማራቤ ኔኤም ታ ዲጎጋንዳኔ»
ጌዔኔ፤ ዲዚ ዬያ ጌዔህ፡- ዲ ፔኤሮ ዲዛ ዎዳኒ ኮይባኣህረ፡
ፒሊሰጻኤማ ዓሳ ዲዛ ዎዳም ጌይኮ።

18 ዳውቴ ዲማና፡- «ታኦ ካኣተኮ ባይሲ ማዓኒ ታናህህ ዓይጎ
ዓሲዳይ? ታ ማኦሮ ዓሳ ዲሰራዔኤሌ ዓሶ ባኣካ ኮሺ ዳካቱዳዳ?»
ጌዔኔ። 19 ጋዓንቴ ማራቤ ዳውቴም ዲጎጎንዶ ዎዳ ሄላዛ ማሆላ
ካታማፓ ሙኮ፡ ዓድሪዔኤሌ ጌይንታ፡ ፔቴ ዓሲሰኮይም ዲዛ
ዲጎገንቴኔ።

20 ያዲ ማዔቴያ ማልኮኦ ጌይንታ፡ ሳኦኦኦኦኦ ናኦ ዳውቴ
ናሽኮኔ፤ ዬያ ሳኦኦኦኦ ዎይዛዎ ኮሺ ዎዛዳኔ፤ 21 ፔ ዲኖና ዲዚ፡-
«ማልኮኦ ዳውቴም ታ ዲጎጋንዳኔ፤ ዲዛ ታኦም ዳውቴ ፒሪ
ዓይህንዳጉዲ ታ ማህንዳኔ፤ ዬካፓ ዲዚ ፒሊሰጻኤማ ዓሶ ኩጫ
ሃይቃንዳኔ» ጌይ ማሌኔ። ዬያሮ ሳኦኦኦኦ ላሚ ዳውቴ ዔኤሊሳዎ፡-
«ኔ ታኦኮ ባይሲ ማዓንዳኔ» ጌዔኔ። 22 ሳኦኦኦኦ ዲዛኮ ደንዘዎ
ዔኤላዎ፡- «ኔ ማዳ ባኮና ካኣተ ኮሺ ዎዛዳኔ፤ ዲዛኮ ደንዘ ማዔ
ቢታንታ ዓኦ ዓሳኦ ኔና ናሽኮኔ፤ ዬያሮ ዲዛኮ ኔ ናዎ ዔካንዳ ዎደማ
ሃይማኮ» ጌይ ዳውቴም ዳሚና ኬኤዛንዳጉዲ ዓይህ ዳኮኔ።

23 ዬያሮ ዔያታ ዬያ ቢያ ዳውቴም ኬኤዛዛ፡ ዲዚ፡- «ታናጉዴ
ሃያ ማንቆ ዓህም ካኣተኮ ባይሳተ ማዔያ ኮይሳያ ዲንህም ማላ?»
ጌዔኔ።

24 ደንዘንህ ዳውቴ ጌዔ ባኮ ሳኦኦኦኦም ኬኤዘኔ፤ 25 ሳኦኦኦኦ
ላሚ ሃህ «ካኣተ ፔ ናዎ ዛሎ ኔገዲፓ ኮዓ ማጋጫ ፔቴ ጻኤታ
ፒሊሰጻኤማ ዓሲ ኔ ዎዲ ዓተንቶ ቤርቶ ተቂ ዔኪ ሙካንዳጉዲ
ሌሊኮ» ጌይ ኬኤዘዎቴ ጌይ ዓይህ ዳኮኔ። ዬያ ሳኦኦኦኦ
ማዳህ፡- ፒሊሰጻኤማ ዓሳ ዳውቴ ዎዳንዳጉዲኮ። 26 ሳኦኦኦኦኮ
ደንዘ ዬያ ዳውቴም ኬኤዘኔ፤ ዳውቴያ ካኣተኮ ባይሲ ማዓንዳጉዲ
ጌይንቴህረ ዎዛዳኔ። ዲማና ዔፖ ኬሎኮ ቤርታ፡ 27 ዳውቴና ዲዛኮ
ፖኦሊሶና ዳንዲ ፒሊሰጻኤማ ዓሶ ያሊ ላምፖ ጻኤታ ዓሲ ዎዳኔ፤
ዳውቴ ካኣተኮ ባይሲ ማዓንዳጉዲ ዬና ዓሶኮ ዓተንቶ ቤርቶ ተቂዎ
ዔኪ ዳንዲ ፓይዲ ፓይዲ ካኣተም ዲንጌኔ፤ ዬያሮ ሳኦኦኦኦ ዲዛኮ
ናዎ፡ ማልኮኦኦ ዳውቴም ዲንጌኔ።

28 ናንጊና ናንጋ ጎዳ ዳውቴና ዋላ ማዕሚንታ ዒዛኮ ናኣ ማልኮኦላኣ ዳውቴ ናሽኬሢ ሳኣዎኦሌ ዔሬኔ። 29 ዬያሮ ሳኣዎኦሌ ዳውቴ ዑሣ ዓኣጳ ዒጊጨሢሢሮ ዒ ናንጋ ዋደይዳ ቢያ ዳውቴኮ ሞርኬ ማዕኔ።

30 ዬኖ ዋደና ፒሊሰጻኤሜ ዓሶኮ ዎሎ ዓሳ ቢያ ዋደ ሙኪ ሙኪ ዒሰራዔኤሌ ዓሶ ዎላኔ፤ ያዲ ማዕቴያ ዎሊንታ ዎሎ ቢያና ሳኣዎኦሌኮ ፖኦሊሶ ዓይሣ ዓሶይዳፓ ዳውቴ ዓይሣ ዓሳ ዎሎና ባሻኔ፤ ዬያሮ ዳውቴ ዎልዚና ኮሺ ዔርቴ ዓሲ ማዕኔ።

19

ሳኣዎኦሌ ዳውቴ ዎዳኒ ዳውሴሢ

1 ሳኣዎኦሌ ዳውቴ ዎዳኒ ማሌሢ ፔኤኮ ናኣዚ ዮናታኣኔንታ ዒዛኮ ደንዞ ማዕ ቢታንታ ዓኣ ዓሶንታም ቢያ ኬኤዜኔ፤ ጋዓንቴ ዮናታኣኔ ዳውቴ ኮሺ ናሽካያኬ። 2 ዬያሮ ዳውቴም ዒዚ፡- «ታ ዓዳ ኔና ዎዳኒ ማሌሢሮ ዚሮ ጉቴ ኔና ባዳዔ፤ ሺሬ ቤሲዳ ዳንዲ ዓኣሺንቴ ዳዔ፤ 3 ኔኤኒ ዬኖ ዳንዲ ዓኣሺንቴ ጎፔሎይዳታ ዓደ ኮራታ ሙኪ ጌሰቴ፤ ዎይዜ ባኮዎ ኔኤም ኬኤዛንዳኔ» ጌዔኔ።

4 ዬካፓ ዮናታኣኔ ዳውቴ ሄርሺ ሄርሺ ሳኣዎኦሌም፡- «ካኣቴዮ፡ ኔ ዓይላሢ ዳውቴይዳ ፑርታ ባኣዚ ማዲፖ፤ ዒዚ ኔኤም ፔቴታዎ ፑርቴሴ ባኣዚ ባኣሴ፤ ዒዚ ማዳ ባካ ቢያ ሚርጌ ካራና ኔና ማኣዳኔ፤ 5 ዒዚ ፔ ሺምፓሢ ሚጨንቴዎዎ ጎኦሊያዳና ዎልቴ ጎኦሊያዳ ዎዳኔ፤ ናንጊና ናንጋ ጎዳ ዒሰራዔኤሌ ዓሶም ዳኤፒ ባሺሢ ዒንጌኔ፤ ኔኤኒያ ዬያ ዛጋዎ ዒማና ዎዛጳኔ፤ ዓካሪ ሃሢ ኔኤኒ ጌኤኸ ዓሢ ዑፃ ፑርታ ባኣዚ ማዳኒ ዓይጎሮ ማላይ? ዔኤቢ ማዳ ባኣዚባኣ፡ ዳውቴ ጉሪ ኔ ዎዳኒ ዓይጎሮ ኮዔይ?» ጌዔኔ።

6 ዮናታኣኔ ዬያ ጌዔሢ ሳኣዎኦሌ ዎይዛዎ ዳውቴ ዎዲንዲዎያ ማዒያ ናንጊና ናንጋ ጎዳ ሱንዎና ጨኣቄኔ፤ 7 ዬያሮ ዮናታኣኔ ዳውቴ ዔኤሊ ዬያ ቢያ ኬኤዜሰካፓ ሳኣዎኦሌ ኮይላ ዔኪ ዬዓዛ፡ ዳውቴ ዬያኮ ቤርታ ማዳ ጎይዎ ካኣቴም ማዳ ዓርቄኔ።

8 ዬካፓ ፒሊሰጻኤሜ ዓሶኮ ዎላ ጊንሣ ዲኡቄኔ፤ ያዲ ማዕቴያ ዳውቴ ዔያዳዎ ዎላ ዎዳ ኩርሳኣ ጌዔም ፒሊሰጻኤሜ ዓሳ ጳሽኬኔ፤

9 ፔቴ ኬሊ ናንጊና ናንጋ ጎዳይዳፓ ዳኪንቴ ፑርታ ዓያና ሳኣዎኦሌይዳ ጌሌኔ፤ ዒዚ ዒማና ፔኤኮ ዎርዎ ኩጫ ዓርቄ ጋራ ዳዒ ዓኣኔ፤ ዳውቴያ ዒኣካ ጎኦሎ ዎርቃንቴ፤ 10 ሳኣዎኦሌ ዳውቴ ኮጮና ዓይሢ ጨርጋንዳኔ ጌይ ዎርዎና ደርባዛ፡ ዳውቴ ዓኣሢም ዎርዓ ኮጮይዳ ደቂንቴኔ፤ ዳውቴ ዒማና ጳሽኪ ቶሌኔ።

11 ዬኖ ዋንቴሎ ዳውቴኮ ማኣሮ ማንገ ጉቴና ዒዛ ዎዳንዳጉዲ ሳኣዎኦሌ ዓሲ ዳኬኔ፤ ጋዓንቴ ዳውቴኮ ማቻ፣ ማልኮኦላ ዳውቴም፡- «ሃኖ ዒባኒ ሃይፓ ኔ ከሰኪ ፑኒባኣቴ ዚሮ ጉቴ ኔና ዎዳንዳኔ» ጌይ ኬኤዜኔ፤ 12 ዬካፓ ዒዛ ማኣሮኮ ፑልቶ ካሮና ዳውቴ ኬይሲ ዳኬም ዒዚ ፑኒ ቶሌኔ፤ 13 ዬያይዲ ዒዛ ዳኬሰካፓ ማኣራ ዔያታ ካኣሽካ ዎኦዘኮ ማላሢ ዔኪ ዒ ላሃ ሻኣሎይዳ ላይሢ፣ ዋኣሪ ጋፓኔና ኮሺንቴ ኬሬ ቶኣካ ጌሢ፣ ዓፒላና ካንቄኔ። 14 ዬማና ሳኣዎኦሌኮ ያሎ ዓሳ ዳውቴ ዓርቃኒ ሙካዛ ማልኮኦላ፡- «ዒዚ ሃርጊ ላሃ ዓኣኔ» ዔያቶም ጌዔኔ። 15 ጋዓንቴ ሳኣዎኦሌ ዬይ ጎኔታቴ ፔ ዓኣፒና ዛጋንዳጉዲ ዓሶ ማሃ ገንሣ ዳኬኔ፤ ዒዚ ዔያቶም፡- «ዒ ላሃ ዓርሶና ዎላ ኬዲ ዔኪ ዬዑዋቴ፣ ታ ታኣሮ ዒዛ ዎዳንዳኔ» ጌዔኔ። 16 ዬካፓ ዓሳ ዳንዲ ማኣሮ ጌላንቴ ካኣሽኮ ዎኦዘ ማላሢና ኬሮይዳ ዋኣሮ ጋፓኖ ኬሮማና ሌሊ ዓኣኔ። 17 ዬያሮ ሳኣዎኦሌ ማልኮኦሎ ኮይላ፡- «ታኣኮ ሞርካሢ ቶላንዳጉዲ ማዲ ሃያይዲ ኔ ታና ዓይጋ ጌሼይ?» ጌይ ያኦጮኔ።

ዒዛ፡- «ታ ዎዳንጎ ኔ ጋዓይ? ኦ ታና ቶሊሲ ዓይሲባኣቴ ታ ኔና ዎዳንዳኔ» ዒ ጌዔንቴም» ጌይ ማህኔ። 18 ዬያይዲ ዳውቴ ቶሊ ሳሙዔኤሌ ኮራ ራኣማ ዳንዲ፣ ሳኣዎኦሌ ማዳ ባኮ ቢያ ዒዛም ኬኤዜኔ፤ ዬካፓ ሳሙዔኤሌና ዳውቴና ራኣማይዳ ዓኣ፣ ናዮቴ ዳንዲ ዒኣካ ዳዔኔ፤ 19 ዳውቴ ራኣማይዳ ዓኣ፣ ናዮቴይዳ ዓኣሢ ሳኣዎኦሌ ዎይዜሢ፣ 20 ዳውቴ ዓርቃንዳጉዲ ዓሲ ዳኬኔ፤ ዓሶንሢ ዒኣካ ሄላዎ ሳሙዔኤሌ ቡኩሴም ያኦሲ ማሊዎ ኬኤዛ ዓሳ ቡኪንቴ ዑኡዘ ፔኤኮ ዳጊዲ ያኦሲ ማሊሢ ኬኤዛንቴ ዳንቄኔ፤ ዬማና ያኦሲኮ ዓያና ዬንሢ ሳኣዎኦሌ ዳኬ ዓሶንሢዳኣ ኬይሢሮ ዬያታኣ ዑኡዘ ዳጊዲ ያኦሲ ማሊሢ ኬኤዚ ዓርቄኔ። 21 ሳኣዎኦሌ ዬያ ዎይዘዎ ላሚ ሃሣ ከኢታ ዓሲ ዳካዛ፣ ዬያታኣ ዬኖ ጎይዎ ያኦሲ ማሊሢ ኬኤዚ ዓርቄኔ፤ ዬያሮ ሃሣ ሳኣዎኦሌ ማሌ ከኢታ ዓሲ ሃይሣሲ ዳካዛ ዬያቶይዳኣ ዒማጉዴ ባኣዚ ማዲንቴኔ፤ 22 ዬካፓ ሳኣዎኦሌ ፔኤሮ ራኣማ ዳንዳኒ ከሰኪ ሙኪ ሴኩ ጌይንጋ ቤዛ ዓኣ፣ ፔቴ ዳኤፐ ፑኣሢ ዓቴ ቤሲ ሄላዎ፡- «ሳሙዔኤሌና ዳውቴና ዓንካ ዓኣይ?» ጌይ ያኦጮኣ፣ ናዮቴይዳ ዓኣሢ ዒዛም ዓሳ ኬኤዜኔ። 23 ዒዚ ዬኖ ቤዘ ዳንዳንቴ ያኦሲኮ ዓያና ዒዛ ዑፃኣ ኬዳኔ፤ ዬካፓ ዳንዲ ናዮቴ ሄላንዳኣና ጎይዎይዳ ቢያ ዑኡዘ ዳጊዲ ዒዚያ ያኦሲ ማሊሢ ኬኤዚ ዓርቄኔ፤ 24 ዒማና ዒዚ ሳሙዔኤሌ ቤርቶ ሙካዎ ማኣዓሢ ፔኤኮ ከሲ ኬኤሪ ያኦሲ ማሊሢ ኬኤዚ ዓርቄኔ፤ ዬካፓ ሮኦሮንታ ዋንቶንታ ቢያ ዑሢ ካሎ ዒኣካ ላሃ ዎርቄ ፔኤቄኔ፤ «ሳኣዎኦሌያ ያኦሲ ማሊዎ ኬኤዛ ዓሶ ማዒያ?» ጌይንጋ ሃይሳ

ጌሰቲንቴህ ዬያይዳፓ ዔቁኩ።

20

የናታኣኔ ዳውቲ ማኣዳ ማኣዲያ

1 ዬካፓ ዳውቲ ራኣማይዳ ዓኣ፡ ናዮቲይዳፓ ዓኣሽንቲ የናታኣኔ ኮራዴንዲ፡- «ታ ዓይጎ ዎይይ? ዓይጎ ፑርታ ባኣዚ ታ ማዳይ? ኔ ዓዳ ታና ዎዳኒ ኮዓህ ታ ዒዛም ዓይጎ ፑርቲሴምዳይ?» ጌይ ያኦጩኔ።

2 የናታኣኔ ማሃያ፡- «ዬይ ኔና ሄሎፓ! ኔ ሃይቃዓኩ፤ ታ ዓዳ ማዳ ባኮ ኮሺ ማዔቲያ ፑርታ ባኣዚ ቢያ ታኣም ከኤዛኔ፤ ዬያ ባኮ ዓዳ ታኣም ዓይጋ ዓኣቻንዳይ? ዬይ ፔቲታዎ ማዓ ባኣዚቱዋሴ!» ጌዔኔ።

3 ዳውቲ ጋዓንቴ፡- «ኔኤኒ ታና ናሽካህ ኔ ዓዳ ጋፒ ዔራያኩ፤ ዬያር ዒዛኮ ማሊያ ኔ ዔራዋንቴ ዒ ማዳኒ ጌዔ ባኣዚ ዓኣኔ፤ ዓይጎር ጌዔቲ ኔ ዬያ ዔራቲ ያንዳህ ዒ ዔሪኩ፤ ያኣሲ ሃይቆ፡ ኔ ሃይቆ! ማይ ዓካሪ ታ ሃይቃኒ ዓቲማ ፔቲ ታኣኪህ ለሊኩ!» ጌይ ጫኣቆኔ።

4 የናታኣኔ ዒማና፡- «ኔ ኮዓ ባኮ ቢያ ታ ኔኤም ማዳንዳኔ» ጌዔኔ።

5 ዳውቲ ዒዛኮ፡- «ዚር ዓገር ጻኤር ቦንቾ ከሎኩ፤ ዬያር ታኣኒ ካኣቲና ዎላ ሙዓንዳያ ኮይሳኔ፤ ጋዓንቴ ታኣኒ ሂንቶ ዒባኒ ሄለንዳኣና ዴንዲ ፑናም፤ 6 ጎዖንቴ ኔ ዓዳ ሙዖ ቤዛ ታና ኮዔቲ ራዛ ማኣር ዓሳ ቢያ ለዖ ቦንቾር ዒንጎ ባኮ ዒንጋህር ቤኤቲሌኤማ ዒ ዴንዳኒ ዳውቲ ታና ኮሺ ሜታሲ ያኦጩኔ» ጌይ ከኤዜ። 7 ዬማና ካኣታህ ቃራኩ» ጌዔቲ፡ ታ ኔኤኮ ዓይላህ ሂርጋ ባኣያ ናንጋንዳህ ዔራንዳኔ፤ ካኣቲ ጎሪንቴቲ ዒ ታና ፑርታ ባኣዚ ማዳኒ ማሌህ ኔ ዔራንዳኔ፤ 8 ናንገና ናንጋ ጎዳ ቤርታ ኦኡኒ ዎላ ጫኣቁሂር ኔ ታኣም ጫኣቁ፡ ዳማዴ ጫኣቁም ካፒ ሃዳራ ኮሺ ባኣዚ ታኣም ማዳ፤ ታ ፑርታ ባኣዚ ማዳያ ማዔቲ ኔ ታና ኔኤር ዎዳ፤ ኔ ዓዳ ታና ዎዳንዳጉዲ ኔ ዓዳ ኮራ ዓይጋ ኔ ዔኪ ዴንዳይ?» ጌዔኔ።

9 የናታኣኔ ጋዓንቴ፡- «ዬያጉዴ ባኣዚ ፔቲታዎ ማሊፖ! ታ ዓዳ ኔጊዳ ፑርታ ባኣዚ ማዳኒ ማሌያታቲ፡ ታ ኔኤም ከኤዛዓዳ?» ጌዔኔ።

10 ዳውቲ ዒማና፡- «ኔ ዓዳ ታ ዛሎ ፑርታ ባኣዚ ጌይ ኔኤም ማሄያታቲ ያ ታኣም ከኤዛንዳይ?» ጌይ ያኦጩኔ።

11 ዬያር የናታኣኔ፡- «ሃኒ ዬዔ! ኦ ፔቲ ቤሲ ዴንደም!» ጌዒ ዎላ ዴንዳዮ፡ 12 የናታኣኔ ዳውቲ ኮራ፡- «ናንገና ናንጋ ጎዳ ማዔ ዒሰራዔኤሌ ያኣዛህ ኦኡኮ ማርካ ማዖም! ዚር ሃይማ ዎዶ ሃንጎ ሂንታኣ ከሎይዳ ዓዶ ታ ያኦጩንዳኔ፤ ዒዚ ኔ ዛሎ ማላ ማሊያ

ኮሺ ማዕቲ ታ ኔኤም ኪኢታ ዳካንዳኔ፤ 13 ኔኤም ዒ ፑርታ ባአዚ ማዳኒ ማላያታቲ ዩያኣ ታ ኔኤም ኬኤዚባአቲ፤ ሃሃ ኔኤኒያ ኮሺና ቶላንዳጉዲ ታ ማሃባአቲ ናንገና ናንጋ ጎዳ ታና ምዕደንጎ። ናንገና ናንጋ ጎዳ ታ ዓደና ምላ ማዕሚጉዲ ኔኤና ምላኣ ማዕንጎ፤ 14 ታኣኒ ሹምፔና ዓቲ ዓኣያ ማዕቲ ኔ ታኣም ጫአቁ፣ ዲማዴ ጫአቁም ካፒ ታኣም ጉሙርቁንታያ ማዕ፤ ታ ሃይቄቲ ጋዓንቲ፣ 15 ናንገና ናንጋ ጎዳ ኔኤኮ ሞርኮ ቢያ ኔ ቤርታፓ ዳውሲ ባይዛኣና ዩያ ኔኤኮ ጉሙርቁንታያ ማዕዲ ሃሹዋዎ ታ ማኣሮ ዓሰም ኮሺ ባአዚ ማዴ፤ 16 ታ ኔኤም፤ ኔኤኒያ ታኣም ጫአቁ ጫአቁማ ሃሺንቲዋዎ ዴዴዎንጎ፤ ዩያ ጫአቁም ኔ ሃሹቲ ጋዓንቲ ናንገና ናንጋ ጎዳ ኔገዲ ፑርታ ባአዚ ባጋንዳኔ» ጌዔ።

17 ዮናታኣኔ ዓዲ ፔናጉዲ ዳውቲ ናሽካሢሮ፡- «ጎኔ ኔ ታና ናሽካያ ማዕሚ ዔርዘኒ ላሚ ታኣም ጫአቁ» ጌዔ።። 18 ዩካፓ ዮናታኣኔ፡- «ዘሮ ዓገሮ ጭሮ ቦንቾ ኬሎኮ፤ ኔኤኒ ዒኢካ ባኣያ ማዕዲ ዔርታንዳኔ፤ 19 ሃሃ ሂንቶ ዒባኒ ዒኢካ ኔኤኮ ባኣያ ማዕዲ ባሹና ዔርታንዳኔ፤ ዩያሮ ቢሪ ኔ ዓኣሺንቲ ቤዜሎ ዴንዲጋፓ ዔጭሎ ሹዋ ዙላ ዓኣሺንቲ፤ 20 ታኣኒ ዩያ ሹዋ ዴካያ ማሊሲ ሃይሃ ዓኣዛ ዲካንዳኔ፤ 21 ዩካፓ ዓኣዛ ዔካንዳጉዲ ፔቲ ናይ ታ ዳካንዳኔ፤ ላኣዛ ኔኤኮ ሃንጌናኮ፣ ዔኪ ዩዔ!» ታ ጌዔቲ ኔና ሄላንዳ ፑርታ ባአዚ ባኣያ ማዕዲ ዔርዘያታሢሮ ኔ ዓኣሺንቲ ቤዛፓ ኬሰካኒ ዳንዳዓኔ፤ ኔና ሄላንዳ ባአዚ ባኣሢ ናንገና ናንጋ ያኦዛሢ ሱንዖና ታ ጫአቁ።። 22 ጋዓንቲ ታኣኒ ናዓሢ ኮይላ፡- ላኣዛ ኔኤኮ ዑሃ ሰንጌኮ፣ ሃኒ ዔኪ ዩዔ!» ታ ጌዔቲ ናንገና ናንጋ ጎዳ ኔና ሃይፓ ዴንዳጎዳጉዲ ጌዔሢሮ ዴዴንዴ።። 23 ኦኡኒ ምላ ጫአቁ ጫአቁም ናንገና ኦ ካፓንዳያ ማዕሢኮ ያኦሲ ኦኡኮ ማርካኮ» ጌዔ።።

24 ዩያሮ ዳውቲ ካዮ ባኣካ ዓኣሺንቲ ዴዔ፤ ዩካፓ ዓገሮ ጭሮ ቦንቾ ኬሎና ሳኦዶኦሎ ሙዎ ሙዓኒ ዴዔ፤። 25 ዒማና ካኣቲ ኮጮ ሄሊ ዒ ዴዓ ቦንቾ ቤዘይዳ ዴዓዛ፣ ዒዛ ሄሊ ዓቤኔሬ ዴዔ፤። ዮናታኣኔያ ካኣቲኮ ቤርቶ ዛላ ዴዔ፤። ዳውቲ ቤዛ ጋዓንቲ ጉሪኮ፤ 26 ያዲ ማዕቲያ ሳኦዶኦሎ ዩሮ ዓቦ ዓይጎዋ ጌይባኣሴ፤ ዩያ ዒ ጌይባኣሢ፡- «ዳውቲ ሜቲ ባኣዚ ጎኣንቲ ናንዳኔ፤ ሃንጎ ዒ ዳምቦ ጎይዖና ፔና ጌኤሺባኣያ ናንዳኔ» ጌይ ማሌሢሮኮ፤ 27 ዩና ዓገሮ ጭሮ ቦንቾላ ጋፔሰካፓ ሄሊሴ ኬሎዋ ዳውቲ ዴዓ ቤዛ ጉሪ ማዕ፤። ዩያሮ ሳኦዶኦሎ ዮናታኣኔ ኮይላ፡- «ዒሴዩ ናኣዚ ዳውቲ ዘገሮንታ ሃሮንታ ሙዎ ቤዘ ሙኪባኣሢ ዓይጎሮዳይ?» ጌይ ያኦጩ።።

20:15 20:15 2ጳሙ. 9:1።

28 ዮናታኦስ ዲማና፡- «ዳውቴ ብኤቴሌኤሜ ዓኣዳንዳኔ፤ ጌይ ታና ማርገና ሸኢቁኔ፤ 29 ዲዚ፡- ኑ ማኣር ዓሳ ካታሞይዳ ያኦሲም ዲንጎ ባኮ ዲንጋሚሮ፤ ሃሣ ታ ዲሼ ዲኣካ ታ ሙካንዳጉዲ ኪኣቴሢሮ ኔ ታና ቦንቻያ ማዕቴ ሃዳራ ታ ገርሲንሢ ዛጋኒ ታ ዲኣካ ዴንዶም፤ ጌይ ታና ሸኢቁኔ፤ ሃያ ሙዖ ቤዘ ሙኩሞዖ ዲ ዓቴሢ ዩያርኬ» ጌዔኔ።

30 ሳኦዶኦሌ ዲማና ዮናታኦስይዳ ኮሺ ዳጋዲ፡- «ኔኤኒ ሃኖ ዓይሢንቶ ዲፃ፡ ፑርቴሎ ናዓሢ ሃይ! ኔ ኔና ዳውሲሳኒ፤ ሃሣ ኔ ዲንዶም ዳውሲሳኒ ዲሴዬ ናዓሢ፤ ዳውቴና ሞላ ላጋቴሢ ታ ጋፒሲ ዔራኔ! 31 ዲሴዬ ናኣዚ፤ ዳውቴ ሃይቁባኣንቴ ኔኤና ኔ ካኣቴሞናኮ ቤሲባኣሢ ኔ ዔራዓዳ? ሃሢ ዲዛ ዴንዲ ዔኪ ሙኩ! ዲዚ ሞዲንታንዳያ ኮይሳኔ!» ጌዔኔ።

32 ዮናታኦስ ዓዶ ኮይላ፡- «ዓይጎር ዲዛ ሞዶይ? ዲ ዓይጎ ፑርታ ባኣዚ ማዳይ?» ጌዔኔ።

33 ዩያር ሳኦዶኦሌ ዮናታኦስ ሞዳኒ ኩጫ ዲ ዔኪ ዓኣ ሞርዖና ደርቤኔ፤ ዩካፓ ዮናታኦስ ዲዛኮ ዓዳ፤ ሳኦዶኦሌ ዳውቴ ሞዳኒ ማሊ ዔቁሢ ዔሬኔ፤ 34 ዲማና ዮናታኦስ ዳጋዲ ሙዖ ቤዛፓ ዔቁ ዴንዴኔ፤ ዩኖ ኬሎ ጌይፃ፡- ዓጊኖ ጸኤር ቦንቻ ኬሎኮ ላምዓሳ ኬሎና ፔቴታዖ ዲ ዔኤቢ ሙይባኣሴ፤ ዲዚ ዩያ ሙዖ ዲፃሢ ሳኦዶኦሌ ዳውቴ ጫሽኪ ቶኣኪ ባይዚሢሮ ዖዩከ። 35 ዚሮ ጉቴሎ ዔያታ ሞላ ጌሰቴ ጎይዖና ዮናታኦስ ዳውቴና ካኣማኒ ዳውቴ ዓኣ ቤዘ ዴንዴኔ፤ ዲዚ ዴንዳዖ ፔቴ ዳካ ናይሰኬያ ዔኪ ዓኣዳኔ፤ 36 ዲዚ ናዓሢ፡- «ሩኡሪና ዴንዲ ታኣኒ ዲካ ዓኣዘ ኮይ ታኣም ዔኪ ዩዔ» ጌይ ዓይሢኔ፤ ናዓሢ ጳሽካዛ ዮናታኦስ ዩያ ናዓሢኮ ዑሣ ሴካ ቤርቴም ፔቴ ዓኣዘ ዲኤኔ፤ 37 ዩይ ናዓሢ ዓኣዘ ኬዴ ቤዘ ሃላዛ ዮናታኦስ፡- «ዓኣዘ ፔቶ ሶኦከ! 38 ዩካ ጉሪ ዔቁፖ! ዑከ ዴንዴ!» ጌይ ዲላቴኔ፤ ናዓሢ ዲማና ዓኣዘ ዮናታኦስም ዔኪ ሙኩኔ፤ 39 ዩያ ዔያታ ዓኣቺ ማዳ ባኮ ዔራዘንሢ ዮናታኦስና ዳውቴና ሌሊከ፤ ናዓሢ ዔራ ባኣዚ ባኣሴ። 40 ዮናታኦስ ናዓሢ፡- «ሃያ ዓኣዘ ዔኪ ካታሞ ዴንዴ» ጌዔኔ።

41 ናዓሢ ዴንዴሰካፓ ሹጮ ኩሎ ዙላ ዓኣሺንቴ ቤዛፓ ዳውቴ ኬሰኪ ጉምዓታዖ ሃይሢ ማይንቴ ዮናታኦስም ዚጌኔ፤ ዲዛና ዮናታኦስና ሞላ ሄርቃዖ ላምዓሢ ቢያ ዩኤከኔ፤ ዮናታኦስፓ ባሼ ዩኤከሢሢ ዳውቴከ። 42 ዩካፓ ዮናታኦስ ዳውቴ ኮራ፡- «ናገና ናገን ጎዳ ኔኤና ሞላ ማዖንጎ፤ ኮሺ ዴንዴ፤ ኔኤና ታኣናና ባኣካ፤ ገንሣ ሃሣ ታ ከርዖና ኔ ዘርዖና ባኣካ ናገና ናገን ጎዳ ማርካ ማዒ ዴዖም፤ ጌይ ኑ ሞላ ጫኣቁኔ» ጌዔሰካፓ ዳውቴ ዴንዴኔ፤ ዮናታኦስፓ ካታሞ ማዒ ዴንዴኔ።

21

ዳውቴ ሳኦጎሌ ኮራፓ ዓኣሺንተ ደንዳሚ

1 ዳውቴ ኖኑቤይዳ ዓኣ፡ ቁኔሳህሂ ዓቤሜሌኬ ኮይላ ደንዳኔ፤ ዓቤሜሌኬ ዒማና ዒጊቹሞና ጎጋይቁ ጎጋይቁ ዳውቴ ጎይህ ዔካኒ ኬሰካዖ፡- «ዓሲ ኔ ኮራ ባኣያ ኔኤሮ ሌሊ ዓይጌ ኔና ዔኪ ዩዔይ?» ጌዔ ኦኣጩኔ።

2 ዳውቴ ማሃዖ፡- «ታ ሃይካ ሙኬህሂ ካኣቲ፡ ሳኦጎሌ ታና ዓይህህ ባኣዚ ማዳኒኬ፤ ታና ሃይካ ዳኮና ባኮ ዛሎ ዓይጎ ዓሲማኣ ታ ኬኤዙዋጉዲ ካኣቲ ታና ለኣጌኔ፤ ታኣና ዋላ ዓኣ ዓሲም ኑ ካኣማንዳ ቤሲ ታ ኬኤዙኔ፤³ ዩያር ሃህሂ ኔ ታኣም ሙዋ ባኣዚ ዒንጎንዳ? ዶንጎ ካህታቴያ ሜሌ ኔ ኮራ ዓይጌ ዓኣቴያ ታኣም ዒንጌ» ጌዔኔ።

4 ቁኔሳህሂ ዒማና፡- «ዖኦሲም ዲማዳ ካሃይዳፓ ዓታዛ ሃንጎ ዓሲ ሙዓ ካህ ባኣሴ፤ ኔኤና ዋላ ዓኣ ዓሳ ለኣለና ለሃባኣያ ማዒ ፔና ካፒ ዓኣያታቴ ሃያ ካሃ ዔያታ ሙዓኒ ዳንዳዓኔ» ጌዔኔ።

5 ዳውቴ ቁኔሳህሂም፡- «ታ ዓሲና ኑ ዋላ ማዶም ዳከንታ ዋዶና ለኣለና ኑ ለሀዋሴ፤ ሸሌዔ ባኣዚርታዎ ኑና ዳኮዛ ታኣኮ ዓሳ ፔ ዑዖ ጌኤሺ ማሂ ካፓኔ፤ ሃናንህሂ ዋዚ ዔያታ ፔና ጌኤሺ ካፓንዳይ?» ጌዔኔ።

6 ዩያር ቁኔሳህሂ ዖኦሲም ዲማዳ ካሃ ዔኪ ዳውቴም ዒንጌኔ፤ ዩያ ዒ ማዳህሂ ዒዛኮ ዓኣ ካህ ናንጊና ናንጎ ጎዶም ዒንጎ ባኣዚ ማሂ ዒንጎናያ ሌሊታህሂርኬ፤ ዩይ ካህ ዖኦሲም ዲማዳ ደጌ ሎኦኮ ዖይቶይዳ ዓኣያታንቴ ሜሌ ዖይዲ ካህ ቤዛ ጌህ ሺኢሸናያኬ።

7 ሳኦጎሌኮ ቆልሞ ሄንቃ ዓሲኮ ሱኡጌ ማዔ ዔደኣሜ ዓሲሰኬይ፡ ዶይቁ ዩና ኬሎ ናንጊና ናንጎ ጎዳ ካኣሸካኒ ዒኢካ ሙኪ ዓኣኔ።

8 ዒማና ዳውቴ ዓቤሜሌኬ ኮይላ፡- «ኔኤኮ ዋርህታቴያ ጩንቻ ዓፓር ዓኣቴ ኔ ታኣም ዒንጎንዳ? ታ ኬሰካኣና ካኣቲኮ ዓይህዓ ታና ሩኡሪሸህሂር ዋርህታቴያ ሜሌ ባኣዚ ዔካኒ ዳንዳዒባኣሴ» ጌዔኔ።

9 ዩያር ዓቤሜሌኬ፡- «ዔኤላ ዶኦጩይዳ ኔ ዋዳ፡ ፒሊሰጻኤሜ ዓህ፡ ጎኡሊያዳኮ ጩንቻ ዓፓራ ታ ኮይላ ዓኣኔ፤ ዩይ ዔፑዶኮ ጊንዖ ዛላ ቱርጫና ማሪንተ ዓኣኔ፡ ዔካኒ ጌዔቴ ዔኬ፤ ሃይካ ዓኣ ዖልዚ ዓንጎሞማ ዒማ ሌሊኬ» ጌዔኔ።

ዳውቴ ዒማና፡- «ታኣም ዒንጌ! ዩያይዳፓ ባሽ ጩንቻ ዓፓር ዓንካፓ ጴዳንዳኔ ኔ ጋዓይ?» ጌዔኔ።

21:1 21:1 ማጉ. 12:3-4፤ ማር. 2:25-26፤ ሉቃ. 6:3። 21:6 21:6 ሉዊ. ዓኬ 24:5-9። 21:9 21:9 1ሳሙ. 17:51።

10 ይያይዱ ዳውቴ ሳኦጎሎ ኮራፓ ዓኣሺንቲ ዓከሼ ጌይንታ ጋኦቲ ካታሞ ካኦታህህ ኮራ ዴንዴኔ፤ 11 ዲማና ይያ ካኦታህህ ደንዞ ማዔ ቢታንታ ዓኣ ዓሳ፡- «ሃይ ፔ ዓጮይዳ ካኦታዳ ዳውቴቱዓዳ? ሳኦጎሎ ሺያ ዎዴኔ! ዳውቴ ታጾ ሺያ ዎዴኔ!» ጌይ ጌይ ላኣላ ሄርሺ ኮርጌህ ዲዛቱዓዳ?» ጌይ ዓከሼ ጾኦጮኔ።

12 ዔያታ ይያ ጋዓህ ዎይዚ ዳውቴ ዒኔ ዲዴኔ፤ ካኦታህህ ዓከሼያ ኮሺ ዒጊጮኔ። 13 ይያር ዔያታ ዓኣ ቤዛ ቢያ ዳውቴ ፔና ዣኣሽካያ ማሊሳኔ፤ ዔያታ ዒዛ ዓርቃዛ ዣኣዣጉዲ ካታሞ ጌሎ ካር ዎኣጪ ዎኣጪ፣ ፔኤኮ ቡኤጮይዳኣ ሳኣሶ ኬይሲህህ ዓርቄኔ። 14 ዲማና ዓከሼ ዒዛኮ ደንዞ ማዔ ቢታንታ ዓኣ ዓሶ ኮራ፡- «ሃይ ዣኣዣ ሳሲታንቲዎ! ዒንህህ ታኣሞ ዓይጋ ሃያ ዔኪ ይዔይ? 15 ዣኣዣ ባይቁሞዳ? ሃያ ዣኣዣህ ዒንህህ ታኣሞ ዔኪ ይዔይ? ሃያጉዳ ዓሲ ታማኣሪ ጌላኒ ኮይሳያዳ?» ጌዔኔ።

22

ቄኤሶ ዎድናህ

1 ዳውቴ ጋኦቲ ካታማፓ ዓኣሺንቲ ዓደላላማ ካታሞ ኮይላ ዓኣ፣ ፔቴ ዴኔ ባኣካይዳ ዔቴ ጌሌኔ፤ ይያ ዒዛኮ ጌርሲንህህና ሃንጎ ማኣር ዓሶና ዎይዘፓ ዒኣካካ ዴንዲ ዒዛና ዎላ ዴዔኔ፤ 2 ይያጉዲ ዴማዳማ ባኣዚና ማታዳ ዓሲ፣ ጋሌ ዓኣ ዓሲ፣ ዓሲና ፑርቴ ዓሲ ዒዛ ኮራ ዴንዴህረ ይያቶኮ ማርጉማ ጎይዶ ዌኤታ ማዔኔ፤ ዳውቴ ይያቶኮ ሱኣጌ ማዔኔ።

3 ይካፓ ዳውቴ ዔቂ ሞዓኣቤይዳ ዓኣ፣ ማደጳ ዴንዲ ሞዓኣቤ ካኣቲ ኮራ፡- «ጾኣሲ ታኣሞ ዓይጎ ባኣዚ ማዳንዳቲያ ታ ዔርንዳያ ሄላንዳኣና ሃዳራ ታኣኮ ዓደና ዒንደና ኔ ኮራ ታ ዔኪ ሙኪ ጌሃሞ» ጌይ ጾኦጮኔ። 4 ይያይዱ ዳውቴ ፔኤኮ ዓደና ዒንደና ሞዓኣቤ ካኣቲ ኮይላ ጌህኔ፤ ዳውቴ ካያ ፑኒ ፑኒ ናንጌ ዎደይዳ ቢያ ዔያታ ዒኣካ ዴዔኔ።

5 ይካፓ ጾኣሲ ማሊያ ኬኤዛ ጋኣዴ ዳውቴ ኮራ ሙካዖ፡- «ሃይ ካ ዴይፖ፣ ሃህህ ዑኩ ዪሁዳ ዴንዴ» ጌይ ኬኤዜህረ፣ ዳውቴ ይካፓ ዔቂ ሄራቴ ካኮ ጌሌኔ።

6 ፔቴ ኬሊ ሳኦጎሎ ፔኤኮ ኩጫ ዎርያ ዔኪ ጊቢዓይዳ ዓኣ ጌማራ ታማሪሰኬ ማያ ዴማ ዴዒ፣ ዒዛኮ ደንዞ ማዔ ቢታንታ ዓኣ ዓሳኣ ዒዛኮ ዓጮ ጎንጂ ዔቂ ዓኣንቲ ዳውቴና ዳውቴ ዓሶ ማዔ ዓሶና ፔቴ ቤሰካ ዓኣህህ ዒ ዎይዜኔ፤ 7 ዲማና ሳኦጎሎ ዒዛኮ ደንዞ

21:11 21:11 1ሳሙ. 18:7፤ 29:5። 21:12 21:12 ዓይኑ. 56። 21:13 21:13 ዓይኑ. 34። 22:1 22:1 ዓይኑ. 57፤ 142።

ኮራ:- «ዲንሢ ሃይ ቢኢኒያሜ ዓሳ ዋይዙዋቴ! ጎኔ ሃሢ ዒሴዬ ናኣዚ፥ ዳውቴ ዒንሢ ቢያሢም ጎሽንታ ዋይኖ ቱኮንዶ ቤሲንታ ዒንጋንዳያ፤ ሃሢ ዒዛ ፖኦሊሶኮዋ ሺያ ዓሲ ዓይሣያና ጻኤታ ዓሲ ዓይሣያ ማሃ ዒንሢ ዶኦራንዳያ ዒንሢም ማላ? 8 ዒንሢ ታና ባይዛኒ ዘርቴሢ ዬያሮዳ? ታ ሾዔ ናዓ ዳውቴና ዋላ ፔቴ ማዔሢ ታኣም ዒንሢዳፓ ፔቴ ዓሲታዎ ኬኤዚባኣሴ፤ ታ ዛሎ ማላ ዓሲ ፔቴታዎ ባኣሴ፤ ሃሢ ሃኖዋ ዒ ማዳ ጎይፆ ታ ዓይላሢ ታና ካቴ ካቴ ሺራንዳጉዲ ታ ናዓ ዒዛ ዘራሢ ታኣም ዒንሢዳፓ ኬኤዜ ዓሲ ባኣሴ» ጌዔ።

9 ዒማና ቢታገታ ዓኣ ዓሶና ዋላ ዔዶኦሜ ዓሢ ዶይቄ ዒኢካ ዔቄ ዓኣዎ:- «ናኦቤይዳ ዓኣ፥ ዓሂፀቤ ናኣዚ፥ ዓቤሜሌኬ ኮይላ ዒሴዬ ናኣዚ ሙኩንቴ ታኣኒ ዴንቄ፤ 10 ዳውቴ ዓይጎ ማዳንዳያ ኮይሳቴያ ዓቤሜሌኬ ዒዛ ዛሎ ናንገና ናንጋ ጎዳ ያኦጩኔ፤ ዬካፓ ዳውቴም ዳካ ሙኡዚና ፒሊሰጻኤሜ ዓሢ ጎኦሊያዳኮ ጨንቾ ዓፓሮና ዒዛም ዒ ዒንጌ።» ጌይ ኬኤዜ።

11 ዬያሮ ካኣቴ ሳኣዎኦሊ ዓሂፀቤ ናኣዚ ቄኤሳሢ፥ ዓቤሜሌኬና ኖኦቤይዳ ዓኣ ዒዛኮ ዒገኖ ማዔ ቄኤሶናም ቢያ ከኢታ ዳካዛ ዒያታ ሙኩኔ፤ 12 ሳኣዎኦሊ ዒማና:- «ዓሂፀቤ ናዓሃ! ዋይዜ» ጌዔ።

ዓቤሜሌኬያ:- «ዮ፥ ጎዳ!» ጌዔ።

13 ሳኣዎኦሊ:- «ኔኤና ዒሴዬ ናኣዚ፥ ዳውቴና ታና ባይዛኒ ጌሰቴሢ ዓይጎሮዳይ? ሙዎና ጨንቾ ዓፓሮና ኔ ዒዛም ዒንገ ናንገና ናንጋ ጎዳኣ ኔ ዒዛ ዛሎ ያኦጩሢ ዓይጎሮዳይ? ሃኣዛጌ ሃሢ ዒዚ ታ 0-ፀ ዔቄ ታና ዋዳኒ ካቴ ካቴ ሺራ።» ጌዔ።

14 ዓቤሜሌኬ ማሃዎ:- «ዳውቴ ኔኤም ጉሙርቁንታያ፥ ኔኤኮ ፖኦሊሶ ዓይሣሢኬ፤ ሃሢ ኔኤኮ ባይሲያ ባይሲ፤ ዬያ ሌሊቱዋንቴ ኔና ካፓ ዓሶዋ ዒ ዓይሣያኬ፤ ኔኤኮ ካኣቴም ማኣሮይዳ ዓሳ ቡካ ቤዛ ዓሲ ቢያ ዒዛ ቦንቻ። 15 ጎኔኬ፥ ታኣኒ ናንገና ናንጋ ጎዳ ዒዛ ዛሎ ያኦጩኔ፤ ዬያ ታ ዒማ ኬሎ ሌሊ ያኦጩያቴዋሴ! ካኣቴዮ! ኔና ባይዛኒ ዋላ ጌሰቴዎ ዛሎኮታቴ ታናንታ ታ ማኣሮ ዓሶንታፓ ፔቴ ዓሲታዎ ያዲ ኔ ጋዓንዳያ ኮይሱዋሴ፤ ዓይጎሮ ጌዔቴ ዬያ ዛሎ ማሊ ኑ ፔቴታዎ ዔራ ባኣዚ ባኣሴ» ጌዔ።

16 ካኣቴ ዒማና:- «ዓቤሜሌኬ! ኔኤና ኔ ዒገኖና ቢያ ሃይቃንዳያ ኮይሳኔ!» ጌዔ። 17 ዬካፓ ሳኣዎኦሊ ዒዛኮ ኮይላ ዔቄ ዓኣ፥ ዒዛ ካፓ ዓሶ ባንሢ ሺራዎ:- «ሃንሢ ናንገና ናንጋ ጎዳኮ ቄኤሶንሢ ዋዳጋቴ፤ ዓይጎሮ ጌዔቴ ዔያታ ዳውቴና ዋላ ታኣም ዋይዚ ዒዳ

ታገዳ ዔቄኔ፤ ዬያ ሌሊቱዋንቴ ቢያ ባኣዚ ዔራያታዎ ዳውቴ ፑኒ ደንዳሢ ታኣሞ ኬኤዚባኣሴ» ጌዔኔ፤ ዒዛ ካፓዘንሢ ጋዓንቴ፡- «ናገረና ናንጋ ጎዳኮ ቄኤሶ ኑ ዋዳዓ» ጌዔኔ። 18 ዬያሮ ሳኣዎኦሌ ደይቄ፡- «ኔ ዔያቶ ዋዳ!» ጋዓዛ፡ ዔደኣሜ ዓሢ ደይቄ ዔቄ ቢያሢ ዋዳኔ፤ ዬኖ ኬሎና ዒ ዋዳ ዔፑደ ማኣዓ ቄኤሶኮ ሚርጉማ ሳሊታሚ ደንጎከ፤ 19 ዬካፓ ሳኣዎኦሌ ቄኤሶ ካታሞ ማዔ ኖኦቤ ካታሞይዳ ናንጋ ዓቲንቆንታ ላኣሎንታ፡ ናኣቶንታ ዳንቃ ዓኣሎንታ፡ ባኣቶንታ ሃሮንታ፤ ዬያጉዲ ማራቶዋ ቢያ ዋዲሹኔ።

20 ጋዓንቴ ዓቢያታሪ ጌይንታ፡ ዓቤሜሌኬ ናኣቶፓ ፔቴ ዓቲንቄ ናይሰኬይ ሌሊ ቶሊ ዳውቴ ኮይላ ዳንዳኔ፤ 21 ዒማና ዒዚ ናንገና ናንጋ ጎዳኮ ቄኤሶ ዋሚይዲ ሳኣዎኦሌ ዋዲ ጋፒሴቴያ ዳውቴሞ ኬኤዘኔ፤ 22 ዬያሮ ዳውቴ ዓቢያታሪ ኮይላ፡- «ታኣኒ ዬኖ ዓቦ ዔደኣሜ ዓሢ ደይቄ ዒኣካ ዛጋዎ ቢያ ባኮ ሳኣዎኦሌሞ ዒ ኬኤዛንዳሢ ዔራያዋይ፤ ሃሢ ኔ ዒጊኖ ዋዲ ጋፒሶናሢኮ ደቢንታ ታገዳዋይ፤ 23 ኔ ጋዓንቴ ታ ኮራ ዳዔ፤ ዒጊጨጊፖ፤ ጎኔከ፡ ሳኣዎኦሌ ኔናንታ ታናንታ ዋዲ ኮዓኔ፤ ጋዓንቴ ሜታ ባኣሴ ኔ ታኣና ዋላ ኮሺ ናንጋንዳኔ» ጌዔኔ።

23

ዳውቴ ቄዒላ ካታሞ ባይሲንታፓ ዓውሴሢ

1 ፒሊሰጻኤሜ ዓሳ ቄዒላ ካታሞ ያሊ፡ ሃጊ ዓዓርሦና ሃኣኮዋ ቡሪ ዔኪ ዳንዳሢ ዳውቴ ዋይዘኔ፤ 2 ዬያሮ ዳውቴ፡- «ታ ዳንዲ ፒሊሰጻኤሜ ዓሶ ያሎንደ?» ጌይ ናንገና ናንጋ ጎዳ ያኦጨኔ።

ናንገና ናንጋ ጎዳ ማሃዎ፡- «ሂዮ! ፒሊሰጻኤሜ ዓሶ ያሊ ቄዒላ ባይሲንታፓ ዓውሴ» ጌዔኔ።

3 ጋዓንቴ ዳውቴና ዓኣ ዓሳ፡- «ኦኦኒ ሃይካ ዪሁዳይዳ ናንጋኣና ሚርጌ ኦና ዒጊቻ ባኣዚ ዓኣኔ፤ ሃሢ ኑ ዬያይዳ ቄዒላ ዳንዲ ፒሊሰጻኤሜ ዓሶ ያሌቴ ባሺ ሜታ ኦና ሄላንዳኔ!» ጌዔኔ። 4 ዬያሮ ዳውቴ ላሚ ሃሃ ናንገና ናንጋ ጎዳ ያኦጨዛ፡ ናንገና ናንጋ ጎዳ፡- «ታ ኔና ፒሊሰጻኤሜ ዓሶ ያሎና ባሺ ሳንዳሢሮ ዳንዲ ቄዒላ ያሌ» ጌዔኔ። 5 ዬካፓ ዳውቴና ዒዛ ዓሶና ቄዒላ ዳንዲ ፒሊሰጻኤሜ ዓሶ ያሌኔ፤ ዬያቶይዳፓ ሚርጌሢ ዋዲ ባኣቶንታ ማራቶንታ ቡሪ ዔኬኔ፤ ዬያይዲ ዳውቴ ካታሜሎ ባይሲንታፓ ዓውሴኔ።

6 ዓቤሜሌኬ ናኣዚ ዓቢያታሪ ቶሊ ዳውቴ ኮይላ ቄዒላ ሙኬያና ዔፑደ ዔኪኬ ሙኬሢ።

7 ሳኣዎኦሌሞ ዒማና ዳውቴ ቄዒላ ሙኬሢ ኬኤዘንታዛ፡- «ያኦሲ ዒዛ ታኣሞ ዓኣሢ ዒንጋኒከ፤ ሹጮና ዙላ ዲርቂንቴ ካታሞ

ዳውቴ ጌሌሢሮ ፔና ፒሮይዳ ጌልዜኔ» ጌዔኔ። 8 ዬያሮ ሳኦኦኦሌ ፔኤኮ ፖኦሊሶ ዔኤሌ ቁዒላ ዳንዲ ዳውቴና ዳውቴኮ ዓሶና ማንጋንዳጉዲ ዓይሣኔ።

9 ዳውቴ ሳኦኦኦሌ ዒዛዖላኒ ማሌሣ ዋይዛዖ ቁኤሳሣ፣ ዓቢያታሬ ኮራ፡- «ዔፑደ ዔኪ ሃኒ ዬዔ!» ጌዔኔ። 10 ዬካፓ ዳውቴ፡- «ናንገና ናንጋ ጎዳ ማዔ ዒሰራዔኤሌ ዖኦዛሣዮ! ኔኤኮ ዓይላሣ፣ ታና ዋዳኒ ጌዒ ሳኦኦኦሌ ሙኪ ቁዒላ ዖሊ ባይዛኒ ማሌሣ ታ ዋይዜኔ። 11 ሃዳዖ ሃሣ ቁዒላ ካታማ ናንጋ ዓሳ ታና ዓኦሣ ሳኦኦኦሌም ዒንጋንዳ? ታኦኒ ዋይዜሣጉዲ ሳኦኦኦሌ ሃይካ ጎኔ ሙካንዳ? ናንገና ናንጋ ጎዳ ማዔ ዒሰራዔኤሌ ዖኦዛሣዮ! ኔ ታኦም ኬኤካንዳጉዲ ታ ኔና ሺኢቃኔ!» ጌዔኔ።

ናንገና ናንጋ ጎዳ፡- «ሃዮ፤ ሳኦኦኦሌ ጎኔ ሙካንዳኔ» ጌዔኔ።

12 ዳውቴያ፡- «ቁዒላይዳ ናንጋ ዓሳ ታኦና ዋላ ዓኦ ዓሶንታ ታናንታ ሳኦኦኦሌም ዓኦሣ ዒንጋንዳ?» ጌይ ላሚ ዖኦጩኔ።

ናንገና ናንጋ ጎዳ ማሃዖ፡- «ሃዮ፤ ዓኦሣ ዒንሣ ዒንጋንዳኔ» ጌዔኔ።

13 ዬያሮ ዳውቴና ላሆ ጭታ ማዓ፣ ዒዛና ዋላ ዓኦ ዓሳ ቢያ ኔጉዋዖ ቁዒላ ሃሺ ዳንዳኒ ዔቁኔ፤ ሳኦኦኦሌ ዒማና ቁዒላፓ ዳውቴ ቶሊ ኬሰከሣ ዋይዛዖ ማሌ ማሊዖ ሃሺኔ።

ዳውቴ ጌሚራ ሚርጌ ዓኦ ዓጩሎ ፑኒ ዳንዳሣ

14 ዳውቴ ዘፔ ኮይላ ዓኦ ዓሰ ናንጉዋ ዳውሎይዳ ጌሚራዳ ዓጩሰከኖይዳ ፑኒንቲ ዳንዲ ናንጌኔ፤ ሳኦኦኦሌ ዒማና ዒዛ ዓርቃኒ ቢያ ዋዴ ኮዓኔ፤ ዖኦሰ ጋዓንቲ ዳውቴ ሳኦኦኦሌም ዓኦሣ ዒንገባኦ፤ 15 ሳኦኦኦሌ ዒዛ ዋዳኒ ሙከሣ ፔቴና ዳውቴ ዳንቁኔ።

ዳውቴ ዒማና ዘፔ ኮይላ ዓኦ ዓሰ ናንጉዋ ዳውሎ ሆሬሼይዳ ዓኦኔ፤ 16 ሳኦኦኦሌኮ ናኦዚ፣ ዮናታኦኔ ዒኦካ ዳውቴ ኮይላ ዳንዲ ዖኦሰ ዒዛ ጉሙርሳ ጎይሣና ካፓያ ማዔሣ ኬኤዚ፡- 17 «ዒገጩፖ፤ ታ ዓዴ ፔቴታዖ ኔና ዖኦታንዳ ባኦዚ ባኦ፤ ኔኤኒ ዒሰራዔኤሌኮ ካኦቲ ማዓንዳሣና ታኦኒ ኔኤኮ ዳማ ኔና ሃሌሣ ማዓንዳሣ ታ ዓዴ ጋፒሰ ዔራኔ» ጌይ ደዲሼኔ። 18 ዬያሮ ላምዖንሣ ዋላ ዋሊኮ ላጌ ማዒዖ ዔርዛ ጫኦቁም ጫኦቁኔ፤ ዬካፓ ዳውቴ ሆሬሼይዳ ዳዓዛ ዮናታኦኔ ፔ ማኦሪ ማዒ ዳንዳኔ።

19 ዬኖ ዘፔ ካታዋይዳ ናንጋ ፔቴ ፔቴ ዓሰ ገቢዓይዳ ዓኦ ሳኦኦኦሌ ኮራ ሙከ፡- «ዳውቴ ኦ ዓጫ ዪሁዳይዳ ዓሰ ናንጉዋ ዳውሎኮ ደኦሎ ዛላ ሃኪላ ዲካ ዓኦ ሆሬሼይዳ ዓኦሺንቲ ዓኦኦ።

20 ካአቲዮ! ኔ ዒዛ ዓርቃኒ ኮዔቴ ኑ ኮራ ሙኩ፤ ኑኡኒ ዒዛ ኔኤም ዓርቁ ዒንገንዳኔ» ጌዔኔ።

21 ሳአዖኦሌ ማሃዮ፡- «ታአም ዒንሣ ዩያይዲ ኮሺ ማለሣ ማለሣ ርናንገና ርናንገ ሳዳ ዒንሣ ዓንጀም! 22 ሃሣ ላሚ ዴንዲ ዛጉዋቴ፤ ዒ ዓኣ ቤዞ ዴንቄሣ ዖናታቴያ ዖኦጪ ዔሩዋቴ፤ ዒዚ ኮሺ ጪንጫታሣ ታኣኒ ዋይዜኔ፤ 23 ዒ ዓኣሺንታ ቤዞ ቤዞ ኮሺ ዛጉዋቴ፤ ዒንሣ ዴንቄ፡ ማርካ ማዓ ባኣዚ ባኣዚ ዓኣቴ ዑኩና ታአም ዔኪ ዩዑዋቴ፤ ዩካፓ ታ ዒንሣና ዋላ ዓኣዲ ዒዚ ዒኣካ ርናንገ ጎይሣታቴ ዩሁዳ ዓጮ ቢያ ኮዓንዳያ ኮይሳያ ማዔቴያ ከሚታ ዒዛ ዓርቃንዳኔ» ጌዔኔ።

24 ዩያሮ ዔያታ ሳአዖኦሌ ዴንዳንዳሣኮ ቤርታ ዚፔ ማዒ ዓኣዳኔ፤ ዒማና ዳውቴና ዳውቴ ዓሶና ዩሁዳኮ ዓሲ ርናንጉዋ ዳውሎኮ ድኦሎ ዛላ ዓኣ፡ ዓይጎ ዓሲያ ርናንጉዋ ማዖኔ ቦኦሎዳኬ፤ 25 ሳአዖኦሌና ዒዛኮ ፖኦሊሶና ዳውቴ ዳውሲ ዓርቃኒ ዴንዴኔ፤ ዳውቴ ዩያ ዔሬሣሮ ማዖኔኮ ዓሲ ርናንጉዋ ዳውሎይዳ ላሌ ሹቸ ሚርጌ ዓኣ ፔቴ ጌሜሪ ኬሰኪ ዒኣካ ዴዔኔ፤ ሳአዖኦሌ ዩያ ዋይዚ ዳውቴ ኮይዖ ዓርቄኔ፤ 26 ሳአዖኦሌና ዒዛኮ ፖኦሊሶና ጌሜራሎኮ ፔቴ ዛላ ማዓዛ፡ ዳውቴና ዳውቴ ዓሶና ባጎ ዛላ ማዔኔ፤ ዒማና ዳውቴና ዳውቴ ዓሶና ዔያቶ ዓርቃኒ ዑኩ ሳአዖኦሌና ሳአዖኦሌኮ ፖኦሊሶናፓ ቶላኒ ካራ ኮዓኔ። 27 ዩይ ያዲ ጌይ ዓኣንቴ ፔቴ ከኢታ ዓሲ ሳአዖኦሌ ኮይላ ሙካዮ፡- «ዑኩና ሙኩ! ፒሊሰፄኤሜ ዓሳ ዓጮ ዖሊ ዓርቃኒ ዑኩኔ» ጌዔኔ። 28 ዩያሮ ሳአዖኦሌ ዳውቴ ዳውሲዖ ሃሺ ፒሊሰፄኤሜ ዓሶ ዖላኒ ዴንዴኔ፤ ዩና ቤዛ፡- «ዲማዲሣ ላሌ» ጌይንቴሣ ዩያሮከ። 29 ዳውቴ ዩኖ ቤዛፓ ዔቁ ዒ ቤርታ ዓኣሺንቴ ዴዔ፡ ዓንጌዲ ጌይንታ ዳውላዳ ዓጮ ዴንዴኔ።

24

ዳውቴ ሳአዖኦሌ ዋዲዋዖ ሃሺሣ

1 ሳአዖኦሌ ፒሊሰፄኤሜ ዓሶ ዖሊ ማዔሰካፓ ዳውቴ ዔንጌዲ ዓጮኮ ኮይላ ዓኣ ዓሲ ርናንጉዋ ዳውሎይዳ ዓኣሣ ዋይዜኔ፤ 2 ዩያሮ ዒዚ ዒሰራዔኤሌ ዓሶ ባኣካፓ ጎኦባ ጎኦባ ማዔ ሃይሃ ሺያ ዖልዚ ዓሲ ፔኤና ዋላ ዔኪ «ዋይሎ ላሎ» ጌይንታ ቤዞኮ ዓባ ኬሰካ ባንዖና ዳውቴ ዳውሲ ዴንዴኔ፤ 3 ዒዚ ዴንዲቤቃ ጎይዖ ዓጮይዳ ማራይ ዋርቃ ቤሲሰከኖኮ ኮይላ ዓኣ ፔቴ ዴኔ ዔቴ ሺኤሺር ጌሌኔ፤ ዒማና ዳውቴ ፔ ዓሶና ዋላ ዩኖ ዔቴሎ ጋራ ፑኒ ዴዒ ዓኣኔ። 4 ዒማና ዳውቴና ዋላ ዓኣ ዓሳ ዳውቴ ኮይላ፡- «ዋይዜ፡ ሃይ ኔኦኮ

24:3 24:3 ዓይኑ. 57፤ 142።

ዓይኅ ያኑሲዳይ! ናንጊና ናንጋ ጎዳ ኔኤኮ ሞርካሣ ኔ ኩጮ ጋር ጌልዛንዳሢ ኔኤም ኬኤዜኔ፤ ሃይሾ ሃሢ ኔ ሞርካሣዳ ኮይሴ ባአዚ ኔ ማዳኒ ዳንዳዓኔ!» ጌዔኔ፤ ዩካፓ ዳውቴ ዳዲና ጎቸንገቴ ቃአዲ ቃአዲ ሳአዖኦሌ ዓአ ቤዞ ሙካዖ ዒዚ ዔሩዋንገቴ ዒ ማአዔ ማአዓሢኮ ዓጫፓ ተቂ ዔኬኔ፤ 5 ጋዓንገቴ ዳውቴ «ዓይጋ ታ ዩያይዳይ?» ጌይ ማሊ ማታዳኔ፤ 6 ዩያር ዒዛና ዋላ ዓአ ዓሶ ኮይላ፡- «ናንጊና ናንጋ ጎዳ ዶኦሚ ካአታሢ ታ ዓዳሢ ታ ዎዲዋጉዲ ያኑሲ ታኣኮ ኩጮ ዓርቆንጎ! ዒዚ ናንጊና ናንጋ ጎዳ ዒዛ ዶኦሪ ካአተታሢር ታ ዒዛ ፔቴታዖ ዔኤቢ ዎኦታንዳያ ኮይሱዋሴ!» ጌዔኔ። 7 ሂዚ ጌይያና ዒዛ ዓሳ ሳአዖኦሌ ዎዲዋጉዲ ዳውቴ ዓሶ ላአጌኔ።

ዩካፓ ሳአዖኦሌ ዔቂ ዩኖ ዴኖ ዔቴሎፓ ኬሰኪ ዴንዳኔ፤ 8 ዒማና ዳውቴያ ዒኢካፓ ኬሰኪ ሳአዖኦሌ ጊንዖ ዴንዲ ሙኪ ዑካዖ፡- «ካአተዮ!» ጋዓዛ፣ ሳአዖኦሌ ሺሪ ዛጋንገቴ ዳውቴ ሳዖይዳ ላሂ ቦንቾ ዔኤለሢ ዒዛ ዔኤሌኔ። 9 ዩካፓ ዳውቴ፡- «ታኢ ኔና ዎዳንዳኔ ጌይ ጌይ ጌሰታ ዓሶ ሃይሶ ኔ ዓይጎር ዋይዛይ? 10 ሃኖ ሃሢ ዴኖ ዔቶ ባአኮይዳ ኔ ዓአንገቴ ናንጊና ናንጋ ጎዳ ኔና ታ ኩጮ ጋር ጌልዜንገቴ ኔ ዓቴሢ ኔ ኔ ቶኦኪና ዛጋኒ ዳንዳዓኔ፤ ፔቴ ፔቴ ዓሳ ኔና ታኢ ዎዳንዳጉዲ ዘሬኔ፤ ጋዓንገቴ ታኢ ኔና ሚጫንገቴ <ፔቴታዖ ዔኤቢ ዎኦቲንዳዎሴ> ጌይ ዩኖ ዓሶም ኬኤዜኔ፤ ዩያ ታ ማዳሢ ኔኤኒ ናንጊና ናንጋ ጎዳ ኔና ዶኦሪ ካአተታሢርኬ፤ 11 ታ ዓዳሢ! ኔ ማአዒ ዓአ ማአዓሢዳፓ ታ ተቂ ዔኬሢ ሃአዛጌ! ዒማና ታ ኔና ዎዳኒ ዳዳንዳዓኔ፤ ጋዓንገቴ ታኢ ዩያይዲዖ ሃሺ ኔኤኮ ማአዓሢ ዓጫፓ ተቂ ዔኬኔ፤ ኔኤም ዓይሢንገቴ ዒፃኒና ኔና ዎዲያ ዎዳኒ ታ ኮዑዋያታሢ ዩያና ኔ ዔራኒ ዳንዳዓኔ፤ ኔኤኒ ጋዓንገቴ ፔቴታዖ ታ ኔና ዔኤቢ ዎኦቲዋንገቴ ዎዳኒ ታና ኮጲሳኔ። 12 ዓካሪ ዳቢንገቴሢ ኑጊዳፓ ዎያታቴያ ናንጊና ናንጋ ጎዳ ዴማሲ ኦም ዎጎንጎ! ታኢ ኔና ፔቴታዖ ዔኤቢ ዎኦታኒ ኮዑዋኣሢር ኔኤኒ ታኣም ማዲ ሃንታ ፑርቶ ባኮ ቢያሢ ዛሎ ናንጊና ናንጋ ጎዳ ፔኤር ኮም ኮዖንጎ። 13 ፑርታ ማዳ ማዳሢ ፑርቶ ዓሶ ሌሊኬ» ጌይንታ ሚናኣ ዓሶ ሃይሶ ኔ ዔዔራኔ፤ ዩያር ታ ኔና ፔቴታዖ ዔኤቢ ዎኦታኒ ኮዑዋሴ። 14 ዓካሪ ሂንዳ ዒሰራዔኤሌኮ ካአታሢ ዖና ዎዳኒ ኮይ ሺራቴ ዛጌ! ዖና ዒ ዳውሳቴያ ማሌ! ታናንሢ ዓይጎ ዓሲዳይ? ሃይቄ ካኒ ሃሃ ሳይዘቱዋዓዳ! 15 ናንጊና ናንጋ ጎዳ ዎጎንጎ፤ ኦና ሳምዖንሢዳፓ ዳቢንገቴሢ ዎያታቴያ ዒዚ ጌሰቲ ኩንሦንጎ፤ ሂንዳ ሃኖ ባኮ ዛሎ ናንጊና ናንጋ ጎዳ ታኣም ሞኦቶንጎ፤ ኔ ኩጫፓ ዒ ታና ዓውሶንጎ» ጌዔኔ።

24:6 24:6 1ሳሙ. 26:11። 24:14 24:14 1ሳሙ. 26:20።

16 ደውቴ ሂዚ ጌይ ጋጋፓማና ሳኣዎኦሌ፡- «ታ ናዓህ፣ ደውቴ! ሃይ ጎኔ ሃህኒ ኔ ዑኡሲዳ?» ጋዓዎ ዩኤፕ ዓርቁኔ፤ 17 ዩካፓ ደውቴም ዒዚ፡- «ኔኤኒ ጎኔ ፒዜ ዓሲኬ! ታናኬ ዳቢንቴህ፤ ዩያጉዳ ፑርታ ባኣዚ ታ ኔኤም ማዳያታንቴ ኔኤኒ ታኣም ኮሺ ማዳ ማዳኔ! 18 ናንጊና ናንጋ ጎዳ ኔ ኩጮ ጋር ታና ጌልዛዛታዎ ኔ ታና ዎዲባኣህረ ታኣም ኔኤኒ ኮሺ ባኣዚ ማዳያታህ ሃኖ ኔ ማርካሴኔ። 19 ዎርኬ ፔ ኩጮ ጋር ጌሌም ዎዲዎዎ ሃሻንዳ ዓሲ ፔቴታዎ ባኣሴ፤ ሃኖ ኔ ታኣም ማዳ ኮዡ ማዳር ናንጊና ናንጋ ጎዳ ኔና ዓንጃንጎ! 20 ዎይዜ፤ ኔኤኒ ዒሰራዔኤሌኮ ካኣቴ ማዓንዳህና ዒሰራዔኤሌይዳ ኔ ካኣታዳንዳ ካኣቴማ ደዑዎዎ ደዲ ናንጋንዳህ ሃኖ ታ ጎናሲ ዔሬኔ። 21 ዩያር ታ ሱንፆና ታ ማኣር ዓሶ ሱንፆና ባይቂ ዋለንቴዋጉዲ፣ ታ ዜርዎ ኔ ዎዲ ባይዚንዲዋኣህ ታኣም ጫኣቁ» ጌዔኔ። 22 ደውቴ ዒማና ያዲዲንዲዎያታህ ጫኣቁ።

ዩካፓ ሳኣዎኦሌ ፔ ማኣሪ ማዒ ዳንዳዛ፣ ደውቴ ፔ ዓሶና ዎላ ዔያታ ፑኒ ናንጋ ቢዞ ዓኣዳኔ።

25

ሳሙዔኤሌኮ ሃይቦ

1 ሳሙዔኤሌ ሃይቁም ዒሰራዔኤሌ ዓሳ ቢያ ፔቴና ሙኪ ዒዛ ዩኤኪ፣ ራኣማይዳ ዓኣ ዒዚ ናንጋ ማኣርኮ ዲር ጋራ ዒዛ ዔያታ ዲኡኤኔ።

ደውቴና ዓቢጋይሎ ጎዎዘና

ዩካፓ ደውቴ ፓኣራኣኔይዳ ዓኣ ዓሲ ናንጉዎ ደውሎ ዳንዳኔ፤ 2-3 ዒኢካ ማኣር ዓሳ ዒዛኮ ካኣሌቤ ቶኦኪ ማዔያ፣ ናኣባኣሌ ጌይንታ ፔቴ ዓሲ ዓኣኔ፤ ዒዚ ማኣዎኔ ዓጮይዳ ሾይንቴያ፣ ቁርሜሎሴ ካታሞኮ ኮይላ ጎሺ ዒዛኮ ዓኣያኬ፤ ዒዚ ሚርጌና ያርጎቺ ዓሲታህረ ሃይሃ ሺያ ማራይና ፔቴ ሺያ ዋኣሪያ ዒዛኮ ዓኣኔ፤ ማቻ ዒዛኮ፣ ዓቢጋይላ ሚርጌ ሚዛጳያ ሃህ ዒናና ዓኣ ላኣሊኬ፤ ዒዚ ጋዓንቴ ዒኔ ዔርቱዋ ፑርታ ዓሲኬ፤

ዒዚ ዒማና ቁርሜሎሴይዳ ፔኤኮ ማራቶ ዑፃፓ ጋፓና ታይዚሳኔ። 4 ደውቴ ዓሲ ናንጉዎ ደውሎ ቦኦሎይዳ ዓኣዎ ዩያ ዎይዜኔ፤ 5 ዩያር ዒዚ ኪኢታ ዓሲ ታጾ ድኦሪ፣ ናኣባኣሌ ኮይላ ቁርሜሎሴ ዩንዲ ዒዚ ዒዛ ሳራህ ሳራህ፣ ኬኤዛንዳጉዲ ዓይህኔ፤ 6 ዔያታ ናኣባኣሌም ኬኤዛንዳጉዲ ሂዚ ጌይ ዓይህ ዒ ዳኬኔ፡- «ኔናንታ ኔ ማኣር ዓሶንታ፤ ሃህ ኔኤኮ ዓኣ ባኮንታም ቢያ ኮሹሞ ማዎንጎ ጌዒ ዒዛ ሳራህዋቴ። 7 ሃህ ኔኤኒ ማራቶኮ ጋፓና

ታይዚሳሣሣ ዲ ዋይዜኔ፤ ኔኤኮ ቆልሞ ሄንቃ ናኣታ ኦኡና ዋላ ናንጋኣና ፔቴታ? ኦ ዔያቶ ዔኤቢ ዋኦቲባኣሣ ኔ ዔራንዳጉዲ ዲ ኮባኔ፤ ዔያታ ቁርሚሎሴይዳ ዓኣ ዋደና ዲንሣኮ ቆልሞይዳ፣ ፔቴታ? ወኡቁንቲባኣሴ፤ 8 ዔያቶ ኔ ያኡጩቴ ዲማ ጎይያ ዔያታ ኔኤም ከኤዛንዳኔ፤ ሃይሾ ሃሣ ኦ ሃና ዋዛሮ ገኢጊሺንቲ ሙኡዚ ከሊዳ ኦ ሙከኔ፤ ኦና ኔ ቦንቺ ዔካንዳጉዲ ዳውቴ ኔና ሺኢቁሣሮ ኦና ኔኤኮ ዓይሎንሣና ኔ ላጋሣ ዳውቴናሮ ጌይ ኔኤም ዳንዳዒንቲ ጎይያ ኦም ኮይሳ ባኣዚ ዲንጌቴራ።»

9 ዳውቴ ዳኬ ዓሶንሣ ዬያ ከኢቶ ዳውቴ ሱንያና ናኣባኣሌም ከኤዛያ፣ ዲ ጋዓ ባኮ ዋይዚኒ ካፔኔ፤ 10 ጋዓንቲ ናኣባኣሌ፡- «ሂንዳ ዋዚ ዋዚ! ዳውጋሣ ያናዳይ? ዲሴይ ናኣዚ ያናይዳ? ታ ዲዛ ዛላ ዋይዚያ ቤቁባኣሴ! ሃሣ ሃይ ዓጫ ፔ ጎዳንሣዳ፣ ጌቲ ጌቲ ሙከ ካራሚና ኩሚያኮ! 11 ታኣኮ ካሦንታ ዋኣያንታ፤ ዬያጉዲ ሃሣ ታኣኮ ማራቶ ጋፓና ታይዚ ዓሶም ታ ሹከ ቆልሞ ዓሽኮ ዓንካፓ ሙከቴያ ታ ዔራቀ ዓሲም ዓይጌ ታና ዲንጊሳይ?» ጌዔኔ።

12 ዬካፓ ከኢቶ ዓሶንሣ ማዒ ሙኪ ናኣባኣሌ ጌዔ ባኮ ዳውቴም ከኤዜኔ፤ 13 ዬያሮ ዳውቴ፡- «ጩንቾ ዓፓሮ ዲንሣኮ ቱኩዋቴ!» ጌዒ ዲዛኮ ዓሶ ዓይሣዛ፣ ዔያታ ዓይሣንቲ ጎይያ ማዳኔ፤ ዳውቴያ ፔኤኮ ጩንቾ ዓፓሮ ቱኡቴኔ፤ ዬካፓ ዔያቶኮ ዓኣ ባኮ ካፓንዳ ላም? ጃኤታ ዓሲ ሃሺ ያይዶ ጃኤታ ዓሲ ዔካየ ዓኣዳኒ ዔቁኔ።

14 ዲማና ናኣባኣሌኮ ማዳ ማዳ ዓሶይዳ፣ ፔቴይ ዲዛኮ ማቾ፣ ዓቢጋይሎ ኮይላ፡- «ሃያ ሃይሶ ኔ ዋይዚያ? ዳውቴ ዲዚ ዓኣ፣ ዓሲ ናንጉዋ ዳውሎይዳ፣ ከኢታ ዓሲ ሳራሥሣና ዋላ ኦ ጎዳሣም ዳከኔ፤ ጋዓንቲ ዲዚ ዔያቶ ጫሽኪ ቶኦኪ ባይዜኔ፤ 15 ዬና ዓሳ ኦም ኮሺ ማዳ ማዳ ዓሲታንቲከ፤ ኦጊዳ ፔቴታ? ሜቶ ዔያታ ማዢባኣሴ፤ ዔያቶና ዋላ ኦ ሞኦፃ ናንጌ ዋደና ኦኡኮ ቆልሞይዳ፣ ፔቴታ? ወሲ ወኡቁባኣሴ፤ 16 ቆልሞ ኦ ዋላ ሄንቁ ናንጌ ዋደይዳ ሮኦርንታ ዋንቶንታ ዔያታ ኦኡኮ ዋርዲያ ማዒ ቃዜኔ። 17 ሃሣ ሃዳራ ዬያ ባኮ ማሊጋ፣ ኔ ማዳኒ ኮይሳ ባኮ ገኢጊሺ፤ ያዲ ማዒባኣያታቴ ኦ ጎዳሣና ዲዛኮ ማኣሮና ኩርሳኒ ማሎናኔ፤ ኔ ዔራሣጉዲ ኦ ጎዳሣ ዓሲ ጋዓ ባኣዚ ዋይዙዋያኮ!» ጌዔኔ።

18 ዬያሮ ዓቢጋይላ ዑከና ላም? ጃኤታ ካሣ፣ ዋይኔ ዑሺ ላም? ሱርባና ኩንሣ፣ ደንጎ ማራይ ዓሽኪ ሚቺ፣ ታጾ ላንካይ ከሎ ማዓንዳ ሻኦቆና ቲቶ፣ ጃኤታ ሶዬ ዋይኔና ላም? ጃኤታ ቤሌሴ ሚያ ዓኣ፣ ዲንቆናያና፤ ዬያ ቢያ ሃራና ጫኣኔ። 19 ዬካፓ ዓይሎ፡- «ቤርታ ቢሩዋቴ፤ ታ ገንጎ ሙከኔ» ጌይ ዳከኔ፤ ዲዛ ፔኤኮ ዓኒም ጋዓንቲ ዬያ ከኤዚባኣሴ።

20 ዲዛ ሃሬ ቶጊ ጌሚሮ ደማ ዓኣ፡ ሺሪ ሺሪ ደንዳ ጎይዖና ኬዳንቴ ደውቴ ፔ ዓሶና ዲዛ ዔሪባኣንቴ ዲዛና ካኣሚኔ፤ 21 ደውቴ ዲዛና ካኣሚንዳሂኮ ቤርታ ፔ ዲኖና፡- «ዬያ ዓሂኮ ቆላ ፔቴታዎ ባይቁዋጉዲ ዓሲ ናንጉዋ ቦኦሎይዳ ጉሪ ታ ካፒ ላቤኔ ጌይሂኬ፤ ታ ዲዛም ኮዠ ማዳሂ ዛሎ ዲ ፑርታ ማዲ ማሂባይ! 22 ሃኖ ሳዓ ካሩዋንቴ ዲዛሮ ማዔ ዓተንቆ ቢያ ታኣኒ ዎዲ ጋፒሲባኣቴ ያኦሲ ታና ባይዘም!» ጌይ ማሌኔ።

23 ዲማና ዓቢጋይላ ደውቴ ደንቃዎ ዑኩና ሃሮ ዑፃፓ ኬዲ ደውቴኮ ቶኮ ደማ ሎኦሚ ቦንቾ ዔኤሊሂ ዔኤሊኔ፤ 24 ዲዛ ሎኦሚ ቤዛ ዓኣዎ፡- «ታ ጎዳሂዮ! ሃዳራ ታኣኒ ኔ ዓይሌላ ጋዓ ባኮ ዎይዜ! ዬይ ዳቢንታ ታ ዑፃ ማዎንጎ፤ 25 ናኣባኣሌ * ባኮ ዔኤቢኬ ጌይፖ! ዲዚ ዲዛኮ ሱንዖ ጎይዖ ዔኤያኬ! ታ ጎዳ፡ ኔኤኮ ዓይላ ኔ ማኣሪ ሙካኣና ታኣኒ ባኣሴ፤ 26 ኔ ሞርኮ ኮሚ ኔ ዎዲዋጉዲ ኔና ላኣጊ ቃዜሂ ናንጊና ናንጋ ጎዳኬ፤ ሃሂ ታ ኔኤም ናንጊና ናንጋ ጎዳሂ ሱንዖና ጫኣቃኔ፤ ኔ ሞርኮንታ ኔና ዎዲኒ ኮዓ ዓሲ ቢያ ናኣባኣሌጉዲ ዔያቶ ኮይሳ ማቶ ዔኮንጎ፤ 27 ታ ጎዳ! ሃዳራ ሃያ ኔ ዓይሌላ፡ ታኣኒ ኔኤም ዲንጋኒ ዔኪ ሙኬ ባኮ ዔኪ ኔ ዓሶም ዲንጌ። 28 ኔኤኒ ናንጊና ናንጋ ጎዳኮ ያሎ ያልታሂሮ ዲዚ ኔኤና ኔ ዜርዖናኮ ካኣቱም ጋፑዎያ ማሃንዳኔ፤ ዬያሮ ታ ጎዳ፡ ታኣኒ ዳቤ ዳቢንቶ ታም ዓቶንጎ ጌዔ፤ ኔኤኒ ናንጋ ዎዶ ቢያይዳ ዓይጎዋ ፑርታ ባኣዚ ማዳያ ማዲፖ። 29 ዓይጎ ዓሲያ ማዎም ኔና ያሊ ዎዳኒ ኮዔቴ ፔቴ ዓሲ ፔኤኮ ዲ ሚጨንታ ባኣዚ ካፓሂጉዲ ናንጊና ናንጋ ጎዳ ማዔ ኔኤኮ ያኦዛሂ ኮሺ ኔና ካፓንዳኔ፤ ኔኤኮ ሞርኮ ጋዓንቴ ፔቴ ዓሲ ሹቸ ዎሪ ዳካሂጉዲ ዲዚ ፔኤሮ ዎሪ ዳካንዳኔ። 30 ናንጊና ናንጋ ጎዳ ኔኤም ሃጊ ማዓንዳ ዎዘ ዲንጌ ጎይዖ ኮሺ ማዔ ባኣዚ ቢያ ኔኤም ማዲ ዲሰራዔኤሌይዳኣ ኔና ዲ ካኣታሴ ዎዶና፤ 31 ፔቴታዎ ኔ ማሊ ሚታዳንዳ ባኣዚ ባኣሴ። ዎይቲ ጌዔቴ ታ ጎዳ! ኔኤኒ ካራ ባኣ ጎይሂና ጊንሃ ሃሃ ኮሚ ዔካኒ ጌይ ኔ ዎዳ ዓሲ ባኣሴ፤ ዬያሮ ታ ጎዳሃ! ናንጊና ናንጋ ጎዳ ኔና ዓንጃ ዎዶና ታና ዋሊፖ» ጌዔኔ።

32 ዲማና ደውቴ ዲዘም፡- «ታኣና ኔ ካኣሚንዳጉዲ ኔና ታ ባንሂ ደኬ ናንጊና ናንጋ ጎዳ ማዔ ዲሰራዔኤሌ ያኦዛሂ ጋላቲንቶንጎ! 33 ሃኖ ታኣኒ ዓሲ ዎዲዋጉዲ፤ ሃሃ ኮሚያ ታ ዔኮዋጉዲ ኔ ማሌ ኮዠ ማሊዖሮ ኔኤኒ ዓንጃንቴያ ማዔ። 34 ታ ኔና ዎዲዋጉዲ ናንጊና ናንጋ ጎዳ ታና ቃዜኔ፤ ኔ ዎንዳ ዑኩና ሙኪባኣያታቴ ናኣባኣሌኮ ዓተንቆ ፔቴታዎ ዓይሱዋዎ ሳዓ ካራንዳሂኮ ቤርታ ቢያሂ

* 25:25 25:25 ናኣባኣሌ ጌይዖ፡- ዔብሪ ዓሶ ሙኤጮና «ዔኤያ» ጌይሂኬ።

ታኦኒ ዋዲኒ ናንገና ናንጋ ጎዳ ማዔ ዒሰራዔኤል ያኦዛሢ ሱንያና ጫኦቁንቴኬ» ጌዔኔ። 35 ዒማና ዳውቴ ዓቢጋይላ ዒዛሞ ዔኪ ሙኩ ባኮ ዔካያ፡- «ኔ ማኦሪ ኮሺ ዓኦዲ፤ ኔ ታና ሺኦቁሢ ታ ዋይዜኔ፤ ኔ ጌዔ ባኮ ቢያ ታ ማዳንዳኔ» ጌዔኔ።

36 ዩካፓ ዓቢጋይላ ካኦቲ ማርካ ገኢጊሸና ሙኦዚጉዲ ሙያ ገኢጊሸ ሙይያይዳ ዓኦ፡ ናኦባኦሌ ኮይላ ማዒ ዴንዴኔ፤ ዒዚ ዒማና ዑሽኪ ማሢንቲ ኮሺ ዋዛዲ ዓኦሢሮ ሳዓ ካራንዳያ ሄላንዳኦና ፔቴታያ ዒዛሞ ዒዛ ዩያ ባኮ ኬኤዚባኦሰ፤ 37 ዚሮ ጉቴ ማሢፃ ዒዛኮ ዓኦፓፓ ዓኦዳዛ ቢያ ባኮ ዒዛሞ ዒዛ ኬኤዜኔ፤ ዩያሮ ዒዚ ዒኔ ዲጲ ዲቃቴሢሮ ሃይቁ ሌሲጉዲ ማዔኔ። 38 ናንገና ናንጋ ጎዳ ዒዛይዳ ፑርታ ሃርጌ ዓጌሢሮ ታጾ ኬሊኮ ጎንፃፓ ዒዚ ሃይቁኔ።

39 ዳውቴ ናኦባኦሌ ሃይቁሢ ዋይዛያ፡- «ታና ዒ ጫሽኬሢሮ ናንገና ናንጋ ጎዳ ናኦባኦሌ ዋዲ ኮሜ ዔኪ፡ ሃሃ ታናኦ ዳቢንቲዳፓ ካፔሢሮ ናንገና ናንጋ ጎዳሢ ጋላቲንቶሞ፤ ናኦባኦሌኮ ፑርቶ ማዶሮ ዒዚ ዒዛ ዋዲኔ» ጌዔኔ።

ዩካፓ ዳውቴ ዓቢጋይሎሞ ኪኢታ ዓሲ ዳኪ ዔካኒ ዒዛ ኮዔሢ ኬኤዜኔ። 40 ዳውቴኮ ዓይላ ዒዛ ዓኦ፡ ቁርሜሎሴ ዴንዳያ፡- «ዳውቴ ኔና ዔካኒ ኮዓሢሮ ኔና ዔኪ ዴንዳኒ ኦ ሙኩኔ» ጌዔኔ።

41 ዓቢጋይላ ዒማና ሳዖ ባንሢ ሂርኪ ጌይ ቦንቾ ዔኤለሢ ዔያቶ ዔኤለያ፡- «ታ ዒዛሞ ማዳ ዓይሌኬ፤ ዒዛኮ ማዳ ማዳ ዓሶኮዋ ቶኮ ማሰካኒ ታ ዔኤዓኔ» ጌዔኔ። 42 ዩካፓ ዒዛ ዑኩና ዔቁ ፔኤኮ ሃሮ ቶጊ ዒዛኮ ዓይሌ ማዒ ማዳ ዶንጎ ላኦሊያ ፔኤና ዋላ ዔኪ ዳውቴኮ ዓይሎና ዋላ ዴንዲ ዳውቴሞ ሎዔኔ።

43 ዳውቴ ዩያኮ ቤርታ ዓሂኖዓሞ ዔኪ ዓኦኔ፤ ዒዛ ዒይዚራዔኤል ካታማ ሸይንቴያኬ። ዩካፓ ሃሃ ለሞዓሲ ላኦሊ ማሂ ዓቢጋይሎ ዔኬኔ፤ 44 ሳኦያኦሌ ዒዛ ናዎ፡ ዳውቴኮ ማቾ፡ ሜልኮኦ ጋለሜ ካታማ ሸይንቴ ላዊሽ ናኦዚ ፓሊፃሞ ዒንገናኦኮኬ።

26

ዳውቴ ሃሃ ሳኦያኦሌ ዋዲዋ ሃሽሢ

1 ዳካ ዓሲ ዚፔይዳፓ ሳኦያኦሌ ዓኦ፡ ገቢዓ ሙካያ፡- «ዳውቴ ሃሃ ዩሴሞኦኮ ሆታ ዓኦ፡ ሃኪላ ጌሜራ ዓኦሽንቲ ዓኦኔ» ጌይ ዒዛሞ ኬኤዜኔ። 2 ዩያሮ ሳኦያኦሌ ዑኩና ዔቁ ዒሰራዔኤለፓ

25:44 25:44 2ሳሙ. 3:14-26። 26:1 26:1 ዓይኦ. 54።

ጎኑባ ጎኑባ ሃይሆ ሺያ የልዚ ዓሲ ዔካዖ ዳውቲ ኮሲ ዚፔይዳ ዓኣ ዓሲ ናንጉዋ ዳውሎ ዳንዴኔ፤ ³ ሳኦኦኤ ዩሴጠንኮ ሆታ፡ ሃኪላ ጌሜርኮ ጎይሢ ዓሸካ ዱንኪ ዳዔኔ፤ ዳውቲ ዒማና ዓሲ ናንጉዋ ዳውሎይዳ ዓኣኔ፤ ዒዚ ሳኦኦኤ ዒዛ ኮሲ ሙኬሢሢ ዋይዛዖ፡ ⁴ ሙሪ ዓሲ ዳኪ ሳኦኦኤ ጎኔ ዒኢካ ሙኬሢሢ ዔሬኔ፤ ⁵ ዩያር ዑኩና ዔቁ ዳንዲ ሳኦኦኤንታ ሳኦኦኤኮ ፖኦሊሶ ዓይሢ፡ ኔሪ ናኣዚ ዓቤኔሪንታ ላሃ ቤዛ ዋካታቲያ ዳማሲ ዔሬኔ፤ ሳኦኦኤ ዒማና ዔያታ ዱንኪ ዳዔ ቤዛ ጊንዔም የሎ ዓሳኣ ዒዛኮ ኮይሎይዳ ቢያ ጊንዒ ዓኣኔ።

⁶ ዒማና ዳውቲ ሂኢታ ዓሢ ዓቢሜሌኩና ፃሩያ ናኣቶይዳፓ ዒዮዓቤ ጌርሲ ዓቢሻዬና ኮይላ፡- «ዒንሢ ለምዖንሢዳፓ ታኣና ዋላ ሳኦኦኤኮ የሎ ዓሳ ዓኣ ቤዛ ዳንዳንዳሢ ዖናዳይ?» ጌይ ያኦጩኔ።

ዓቢሻዬ፡- «ታ ዳንዳንዳኔ» ጌዔኔ። ⁷ ዩያር ዬና ዋንቲሎ ዳውቲና ዓቢሻዬና ሳኦኦኤንሢሢሢ ዱንኪ ዓኣ ቤዛ ጌሌኔ፤ ዒኢካ ዔያታ ሄላዖ ሳኦኦኤ ጊንዒ ዓኣንቲ ዳንቁኔ፤ ዋርፃ ዒዛኮ ቶኦኮ ዛላ ደቁንቲ፡ ዓቤኔሪንታ ሃንጎ የሎ ዓሶንታ ዒዛኮ ኮይሎይዳ ቢያ ላሂ ዓኣኔ፤ ⁸ ዓቢሻዬ ዒማና ዳውቲ ኮይላ፡- «ያኦሲ ሃና ኔ ሞርካሢ ኔ ኩጮ ጋር ጌልዜኔ፤ ዩያር ሃሢ ታኣኒ ዒዛኮ ዋርፃ ዔኪ ጫርጊ ሳዖና ዒዛ ፃጸንዳኔ፤ ላሞ ባኣዚ ባኣያ ፔቲና ታ ጫርጋንዳኔ!» ጌዔኔ።

⁹ ዳውቲ ጋዓንቲ ዓቢሻዬም፡- «ኔ ዒዛ ዋዳንዳያ ኮይሎዋሴ! ናንጊና ናንጋ ጎዳ ደኦሚ ካኣታሢ ካኣቶ ዋዳ ዓሲ ፑርታ ሜታ ሄሊ ዓቱውሴ፤ ¹⁰ ናንጊና ናንጋ ጎዳ ሃይቆ! ዒ ፔኤር ሳኦኦኤ ዋዳንዳኔ፤ ሃይቃ ዋዳ ዒዛኮ ሄሊም ሃንጎ የልዚና ዒ ሃይቁዋዖ ዓታዓኬ፤ ¹¹ ናንጊና ናንጋ ጎዳ ቲሽኪ ካኣታሢ ካኣቲ ዋዳሢ ሃኮ! ኑ ዋዋዳንዳይ ጌዔቲ ዒዛኮ ዋርፃና ዋኣዖ ጎቾና ዔኪ ዳንዳንዳኔ» ጌዔኔ። ¹² ዩያር ዳውቲ ዋርፃንታ ዋኣዖ ጎቾንታ ሳኦኦኤኮ ኬዳፓ ዔካዖ ዓቢሻዬና ዋላ ዳንዴኔ፤ ናንጊና ናንጋ ጎዳ ሃይቁጉዲ ዔያቶ ጊንዒሹሢሢ ዬይ ቢያ ማዲንታኣና ዓይጎ ዓሲያ ዳንቁይ፡ ሃሣ ጰጪ ዔሬይ ባኣሴ።

¹³ ዩካፓ ዳውቲ ዛሬና ሶሱኮ ፒንቃዖ ፓዴ ቤሰካ ዓኣ ዱኬ ቶኦኪ ኬሰከ፤ ¹⁴ ዑኡዞ ፔኤኮ ዳጊዲ ሳኦኦኤኮ የሎ ዓሶንታ ዓቤኔሪንታ ዋይዛንዳጉዲ፡- «ዓቤሬኔ! ኔ ዋይዛ!» ጌዒ ዔኤሊንቲ።

ዓቤኔሬ ዒማና፡- «ሃያይዲ ካኣቲ ጊንዑዋጉዲ ዒላታሢ ዖናዳይ?» ጌዔኔ።

¹⁵ ዳውቲ፡- «ዓቤኔሬ! ኔኤኒ ዒሰራዔኤሌይዳ ዔርቲ ዳኤፒ ዓሲቱዋዓዳ? ሂዳዖ ኔ ጎዳ፤ ኔኤኮ ካኣቲ ዛጊ ካፑዋኣሢ

26:11 26:11 1ሳሙ. 24:6።

ዓይጎርዳይ? ኑጊዳፓ ፔቴ ዓሲ ኔ ጎዳ ዎዳኒ ዒንሢ ዓኣ ቤዞ ጌሌንቴኬ፤ 16 ኔ ማዳ ባካ ቃራ ማድቱዋሴ፤ ዓቤኔሬ፤ ናንጊና ናንጋ ጎዳ ሃይቆ! ናንጊና ናንጋ ጎዳ ተሸኪ ካኣታሢ፤ ዒንሢኮ ጎዳ፤ ዒንሢኮ ካኣቲ ዒንሢ ካፓኒ ዳንዳዒባኣሢሮ ዒንሢ ቢያሢሞ ሃይቢ ኮይሳያኬ! ዒዛኮ ኬሮ ኬዳ ዓኣ ዋርዖንታ ዋኣዖ ጎቾንታ ሃሢ ዋካ ዓኣቲያ ሂንዳ ዛጌ!» ጌዔኔ።

17 ሳኣዖኦሌ ዒማና ዳውቴኮ ዑኡዞ ዲማሲ ዔራዖ፡- «ታ ናዓሢዮ ዳውቴ! ጎኔ ዩይ ሃሢ ኔናዳ?» ጌይ ዖኦጩኔ።

ዳውቴ ማሃዖ፡- «ሂዮ ካኣቲዮ! ታናኬ፤ 18 ታ ጎዳ! ኔኤኮ ዓይላሢ፤ ታና ኔኤኒ ዓይጋ ዳውሳዖ? ታ ዓይጎ ዎኦቲይ? ዓይጎ ፔርታ ባኣዚ ታ ማዳይ? 19 ካኣቲዮ! ታ ኔኤም ጋዓሢ ዋይኬ! ኔና ታ ዑፃ ዔቁሴሢ ዎንዴ ናንጊና ናንጋ ጎዳ ማዔያታቲ ዒንጎ ዒንገሢ ዒንገ ዒዛኮ ዳጎ ሸሚሳኒ ዳንዳዒንታንዳያ ታንቴኬ፤ ዩያ ማዳሢ ዓሲ ማዔቲ ናንጊና ናንጋ ጎዳኮ ጋዳማ ዔያቶ ሄሎንጎ፤ ዓይጎሮ ጌዔቲ ናንጊና ናንጋ ጎዳ ካኣሸኪንታ ዓጮይዳፓ ሜሌ ዖኦዞ ካኣሸኮ ዓጮ ታና ዔያታ ዳኬሢሮኬ። 20 ናንጊና ናንጋ ጎዳይዳፓ ታና ሃኪሲ ሜሌ ካኣሸ ካኣሸኪንታ ዓጪዳ ታና ዎዲሸፖ፤ ሃያጉዴ ዳኤፐ ዒሰራዔኤሌ ካኣቲ ታና ሳይዘጉዲ ማዔሢ ዓይጋ ዳውሲ ሃንታይ? ዓሲ ናንጉዋ ዳውሎይዳ ናንጋ ካርካቾጉዲ ታና ዒ ዓይጎሮ ኬማይ?» ጌዔኔ።

21 ሳኣዖኦሌ ዒማና፡- «ጎኔ ታ ዳቤኔ፤ ታ ናዓሃ፤ ዳውቴ! ማዒ ታ ኮይላ ሙኬ፤ ዋንቴ ኔ ታና ዎዲዋዖ ሃሽሢሮ ማይ ታ ኔና ዎዳኒ ኮዑዋሴ፤ ታ ቦኣዜኔ! ዳኤፐ ዳቢንቲ ታ ዳቤኔ!» ጌዔኔ።

22 ዳውቴ ማሃዖ፡- «ካኣቲዮ! ዋርዖ ኔኤኮ ሃኣዛጌ፤ ኔኤኮ ፖኦሊሶፓ ፔቴ ዓሲ ሙኪ ዔኮንጎ። 23 ጉሙርቁንታያ ማዔ፤ ኮዦ ዓሶም ኮዦ ማዳሢ ዛሎ ኮሺ ባኣዚ ዒንጋሢ ናንጊና ናንጋ ጎዳኬ፤ ሃሢ ሃኖ ናንጊና ናንጋ ጎዳ ኔና ታ ኩጮ ጋሮ ጌልዜንቴ ታኣኒ ዒዚ ደኦሪ ካኣታሢሢ፤ ኔና ዎዳኒ ኮይባኣሴ። 24 ሃኖ ታኣኒ ኔ ሸምፓሢ ቦንቼሢጉዲ ናንጊና ናንጋ ጎዳ ታና ዩያጉዴ ሜቶፓ ኬሲ ካፖንጎ» ጌዔኔ።

25 ሳኣዖኦሌ ዳውቴም፡- «ታ ናዓሃ፤ ዖኦሲ ኔና ዓንጅንጎ! ሚርጌ ዳኤፐ ባኣዚ ኔ ማዳንዳኔ፤ ዩይያኣ ኔኤም ገኢጋንዳኔ» ጌዔኔ።

ዩካፓ ዳውቴ ዒ ኮዔ ቤዞ ዳንዴም፤ ሳኣዖኦሌያ ፔ ማኦሪ ማዒ ዳንዴኔ።

27

ዳውቴ ፒሊሰጻኤሜ ዓሶ ባኣካ ዳንዲ ናንጌሢ

1 ደውቴ ፔ ዲኖና፡- «ፔቴ ዓቢ ሳኦጎኦ ታና ዎዲዎ ባታባኬ፤ ዬያሮ ታኣኒ ማዳንዳያ ኮይሳሢ ቤቲ ፒሊሰጫሜ ዓሳ ዓጮ ዴንዲሢኬ፤ ዬካፓ ሳኦጎኦ ዲሰራዔኤል ዓጮይዳ ታና ኮይዎ ሃሽም ኮሺ ናንጊ ታ ናንጋኒ ዳንዳዓኔ» ጌይ ማሌ። 2 ደውቴ ዲዛና ዎላ ዓኣ፡ ላሆ ጭኦቶ ዓሳ ዔኪ ኔጉዎዎ ጋኣቲ ካታሞ ካኣቲ ማዎኬ ናኣዚ ዓኪሽ ኮይላ ዓኣዳኔ፤ 3 ያኣዳይዲ ደውቴንታ ዲዛ ዓሳንታ ፔ ማኣሮ ዓሳና ዎላ ጋኣቲ ዓጮይዳ ዴዔኔ፤ ዲማና ደውቴኮ ላምዎ ላኣላ ዲዛና ዎላኬ፤ ዔያታ፡- ዲይዚራዔኤል ካታማ ሸይንቴ ዓሢኖ ዓማንታ ቁርሜሎሴ ካታማ ሸይንቴሢ ናኣባኣሌኮ ማቸ፡ ዓቢጋይሎንታኬ፤ 4 ደውቴ ጋኣቲ ቤቲ ዴንዴሢ ሳኦጎኦ ዎይዛዎ ዲዛ ዴንቃኒ ኮይ ሸሮ ሃሽኔ።

5 ካኣቲ ዓኪሽ ኮይላ ደውቴ፡- «ኔኤኒ ታና ናሽካያ ማዔቴ ፔቴ ዳካ ካታማይዳ ናንጋንዳጉዲ ታና ጌሢ፤ ታ ጎዳ፡ ኔኤኒ ካኣታዲ ዴዒ ዓኣ ካታሞይዳ ኔኤና ዎላ ታ ናንጋንዳያ ኮይሎዎሴ» ጌዔኔ።

6 ዬያሮ ካኣቲ ዓኪሽ ጂቅላጌ ካታሞ ደውቴም ዲንጌኔ፤ ዬማፓ ዓርቃዎ ጂቅላጌ ዪሁዳ ካኣቶ ዓጪ ማዒ ዓቲኔ። 7 ዬያይዲ ደውቴ ፒሊሰጫሜ ዓጮይዳ ፔቴ ለዔና ያይዶ ዓጊና ዴዔኔ።

8 ዬኖ ዎዶና ቢያ ደውቴንታ ዲዛ ዓሳንታ ጌሪሹራ ዓሳ፡ ጌሪዛ ዓሳ፡ ዓማሌቁ ዓሳዎ ያሌኔ፤ ዬና ዓሳ ቤርታፓ ዓርቃዎ ዴንዲ ሹሬና ጊብጫ ያላንዳኣና ዲኢካ ናንጋያኬ። 9 ዲዚ ዲማና ዓቲንቆንታ ላኣሎንታ ቢያ ዎዲ ዎዲ ማራታ፡ ባኣታ፡ ሃራ፡ ጋኣላሢንታ ማኣዓሢያ ዓሳኮ ቢያ ዔካኔ፤ ዬካፓ ደውቴ ዓኪሽ ኮይላ ሙካዛ፤ 10 ዓኪሽ፡- «ሃሢ ዲንሢ ዎኖ ዛሎ ዴንዲ ያሊ ሙኬይ?» ጌይ ደውቴ ያኦጫኣና ዲዚ ማሃዎ፡- «ኮኤኒ ያሌሢ ዪሁዳኮ ደኣሎ ዛሎ ዓጮ፤ ሃሢ ዪራህሚዔኤል ፃጶ ዓጮንታ ቁና ዓሳ ናንጋ ዓጮንታኬ» ጋዓኔ። 11 ዲማና ደውቴ ዓቲንቁ ማዔቴያ ላኣሊ ጋኣቲ ዔኪ ሙኩዎዎ ዎዎዳኔ። ዬያ ዲ ማዳሢ፡- «ደውቴ ዬያይዴኔ» ጌይ ከኤዛንዳሢኬ። ደውቴ ፒሊሰጫሜ ዓጫ ናንጌ ዎዶና ቢያ ዬያይዲ፣ ዲዛኮ ዔርቲያኬ። 12 ካኣቲ ዓኪሽ ጋዓንቴ ደውቴ ጉሙርቃሢሮ ፔ ዲኖና፡- «ዒ ፔ ዒጊና ዲዛ ዲፃንዳ ባኣዚ ማዴሢሮ ዲ ናንጋ ዎዶይዳ ቢያ ታኣሞ ማዳያ ማዓንዳኔ» ጌይ ማላኔ።

28

1 ዳካ ዎዴኮ ጊንፃፓ ፒሊሰጫሜ ዓሳ ዲሰራዔኤል ዓሳ ያላኒ ፔኤኮ ፖኦሊሶ ቡኩሴኔ፤ ዓኪሽ ዲማና ደውቴ ኮይላ፡- «ኔኤና ኔ ዓሳና ታ ዛላ ማዒ ያልታንዳያ ኮይሳሢ ኮሺ ዔሬ» ጌዔኔ።

2 ዳውቴ ማሃድ፡- «ታ ኔ ዓይላሢ ዋኑታንዳ ጎይዖ ኔ ዛጋዓዳ!»
ጌዔኔ።

ዓኪሼ፡- «ቃራከ! ታኣኒ ኔና ጋፒንሢ ጉሙርቂ፣ ታና ካፓያ ማሃ
ጌሣኔ!» ጌዔኔ።

ሳኦዶሎ ሃይቄ ዓሶኮ ዔኤዢ ዔኤላ ዢዋ ኮይላ ዳንዴሢ

3 ዩያኮ ቤርታ ሳሙዔኤል ሃይቄዎ፣ ዒሰራዔኤል ዓሳ ቢያ
ዒዛ ዛሎ ዖዪ ዩኤኪ ዒዚ ናንጋ ራኣማ ካታዎይዳ ዒዛ
ዲኡኩኔ፤ ሳኦዶሎያ ዢዋንታ ሃይቄ ዓሶኮ ዔኤዢ ዔኤላ ዓሶንታ
ዒሰራዔኤል ዓጫፓ ዋልቄና ዳውሲ ዳከኔ።

4 ፒሊሰጻኤሜኮ ዖሎ ዓሳ ሙኪ ሹኔሜ ካታዎ ኮይላ ዳንኪ
ዳዔኔ፤ ሳኦዶሎያ ዒሰራዔኤል ዓሶ ዔኪ ገልቦዓ ዳካ ዳንኪ
ዳዔኔ፤ 5 ሳኦዶሎ ዒማና ፒሊሰጻኤሜ ፖኦሊሶኮ ሚርጉዎ ዛጋዖ
ዒገጠፎኔ፤ ካራ ባይዚ ዲቃቲኔ። 6 ዩያር ዒዚ ዎዳንዳቲያ ናንገና
ናንጋ ጎዳ ዖኦጠፎኔ፤ ጎዳ ጋዓንቲ ዓውቲና ማዔቲያ ዒዛ ማሊዖ
ዲማሲ ዔርዛ ባኮናኣማዖዎ፣ ሃሃዖኦሲ ማሊዖ ከኤዛ ዓሶ ዛሎናኣ
ከኤዛኒ ኮይባኣሶ። 7 ዩካፓ ሳኦዶሎ፡- «ሃይቄ ዓሶኮ ዔኤዢ
ዔኤላ፣ ፔቲ ላኣሊ ታኣም ኮዑዋቲ፤ ታ ዳንዲ ዒዛ ኮራ ዖኦጠጎዳኔ»
ጌይ ዒዛኮ ደንዝ ዓይሣኔ።

ዔያታ፡- «ዔንዶሬ ካታማ ሾይንቲ፣ ፔቲ ላኣሊሰከና ዓኣኔ» ጌይ
ከኤዢኔ።

8 ዩካፓ ሳኦዶሎ ፔኤኮ ማኣሣሢ ላኣሚ ማይንቲ፣ ዓሲ ዒዛ
ዔሩዋጉዲ ዲሚና ፔኤና ዋላ ላምዖ ዓሲ ዔኪ ላኣሎኦ ኮራ
ዖኦጠጎ ዳንዴኔ፤ ዒኣካ ሃሃላዖ፡- «ሃይቄ ዓሶኮ ዔኤዢ ኮርካ
ዖኦጠጎ ማዓንዳ ባኣዚ ታኣም ከኤዢ፤ ታኣኒ ኔኤም ከኤዛንዳ ዓሢኮ
ዔኤዢ ታኣም ዔኤሊ ከሴ» ጌዔኔ።

9 ላኣሎላ ዒማና፡- «ካኣቲ ሳኦዶሎ ማዳ ባኮ ቢያ ኔ ዔራኔ፤ ዒዚ
ዢዋና ሃይቄ ዓሶኮ ዔኤዢ ዔኤላ ዓሶ ዒሰራዔኤል ዓጫፓ ዳውሲ
ባይዢኔ፤ ሃሣ ኔኔኒ ታና ፒሪ ዎዲሻኒ ኮዓሢ ዓይጎርዳይ?» ጌዔኔ።

10 ዩካፓ ሳኦዶሎ፡- «ናንገና ናንጋ ጎዳ ሃይቆ! ዩያ ዛሎና ኔና
ሃላንዳ ባኣዚ ባኣሶ» ጌዒ ዒዛም ማሃኔ።

11 «ሂዴቶ ዖና ታ ኔኤም ከሶንዶይ?» ጌይ ላኣሎላ ዒዛ
ዖኦጠጎ።

ዒዚ ማሃድ፡- «ሳሙዔኤል ታኣም ከሴ» ጌዔኔ።

12 ዒዛ ሳሙዔኤል ዳንቃዖ ዒላቲ፣ ሳኦዶሎ ኮይላ፡- «ኔ ካኣቲ
ሳኦዶሎታዖ ዓይጋ ኔ ታና ጌሼይ!» ጌዔኔ።

28:3 28:3 ሊዊ. ዓከ 20:27፤ ላሚ. ዎማ 18:10-11፤ 1ሳሙ. 25:1። **28:6**
28:6 ፓይ. ማፃ 27:21።

13 ዩካፓ ካኣቲ፡- «ዒጊጨጊፕ! ሃሢ ኔኤም ጰዳ ባካ ዓይጎዳይ?»
ጌይ ያኦጩኔ።

ዒዛ ማሃዮ፡- «ዱኡፕፕ ዓኤከፍ ከሰካንቴ ታ ዳንቃኔ» ጌዔኔ።

14 ዒዚ፡- «ማላሢ ዋዚዳዳይ?» ጌይ ዒዛ ያኦጩኔ።

ዒዛ ማሃዮ፡- «ዳኤፕ ኮኣቲ ማኣዔ ጋርቹ ዓሲ ከሰካኔ» ጌዔኔ።

ሳኣዮኦሌ ዒማና ዩይ ሳሙዔኤሌ ማዔሢ ዔራዮ ሂርኪ ጌይ
ቦንቾ ዔኤሊሢ ዔኤሌኔ።

15 ሳሙዔኤሌ ሳኣዮኦሌ ኮይላ፡- «ኔ ታና ሃውሾ ላኣጋሢ
ዓይጎርዳይ? ዱኡፕፕ ዓይጋ ኔ ታና ዔኤሊሲ ከሲሲይ?» ጌዔኔ።

ሳኣዮኦሌ ማሃዮ፡- «ሃኣዛጌ፣ ታኣኒ ዳኤፕ ሜቶይዳ ከዳኔ!
ፒሊሰጻኤሜ ዓሳ ታና ያላኔ፤ ያኦሲ ታና ሃሼኔ፤ ያኦሲ ማሊያ ከኤዛ
ዓሲና ማዮም ዓውቲናኣ ታኣም ከኤዛ ዒጻኔ፤ ዩያር ታ ዋዳንዳቲያ ኔ
ታኣም ከኤዛንዳጉዲ ታ ኔና ዔኤሊሲ ከሴኔ» ጌዔኔ።

16 ሳሙዔኤሌ ሳኣዮኦሌም፡- «ናገገና ናገጋ ጎዳ ኔገዳፕ ዳማዲ
ኔኤኮ ሞርኮኮ ማዔሰካፕ ታና ኔ ዓይጋ ዔኤሊሳይ? 17 ናገገና ናገጋ
ጎዳ ታ ዛሎና ኔኤም ከኤዜ ባኮ ከጎሣኔ፤ ዒዚ ካኣቲሞ ኔገዳፕ
ዔከ ኔ ባጋሢ፣ ዳውቲም ዒንጌኔ፤ 18 ናገገና ናገጋ ጎዳ ከኤዜ ባኮ
ኔኤኒ ዋይዚ ዓይሢንታያ ማዒባኣሴ፤ ዓማሌቄ ዓሶና ዔያቶር ማዔ
ባኮ ቢያ ኔ ባይዚ ኩርሲባኣሴ፤ ናገገና ናገጋ ጎዳ ሃሢ ዩያ ቢያ
ማዳሢ ዩያ ዛሎናከ። 19 ዩያር ዒዚ ኔናገታ ዒሰራዔኤሌ ዓሶንታ
ፒሊሰጻኤሜ ዓሶም ዓኣሢ ዒንጋንዳኔ፤ ዚር ኔኤና ኔ ናኣቶና ታ ዓኣ
ቤዛ ዒንሢ ሙካንዳኔ፤ ናገገና ናገጋ ጎዳ ዒሰራዔኤሌኮ ፖኦሊሶ
ፒሊሰጻኤሜ ዓሶም ዓኣሢ ዒንጋንዳኔ» ጌዔኔ።

20 ሳሙዔኤሌ ዩያ ጌይ ከኤዛዛ ሳኣዮኦሌ ዲቃታዮ ላቢ ሳዓ
ሎኦሜኔ፤ ሮኦርንታ ዋንቶንታ ቢያ ሙኡዚ ሙይባኣሢር ዒ ዋልቄ
ባይቄኔ። 21 ዒማና ላኣሌላ ሳኣዮኦሌ ባንሢ ሙካዮ ዒዚ ዒጊቹሞና
ጎጋይቃንቴ ዛጌ፡- «ታ ጎዳ፣ ኔ ታኣም ጌዔ ባኮ ዋይዚ ዔኤዒ ታ
ሼምፖ ታ ሃይቄዮ ዓቲኔ፤ 22 ዩያር ኔኤኒያ ሃሢ ታ ኔና ያኦጩ ባኮ
ሃዳራ ማዳ፤ ዳካ ሙኡዚ ታ ኔኤም ገኢጊሻዛ ዋልቄ ዳንቄ ዳንዳኒ
ሙዔ» ጌዔኔ።

23 ሳኣዮኦሌ ጋዓንቴ፡- «ፔቲታዮ ታ ሙዓዓ» ጌይ ዒጻኔ፤ ያዲ
ማዔቲያ ዒዛኮ ደንዛ ዒ ሙዓንዳጉዲ ዞሬኔ፤ ዩያር ጋፕንያይዳ
ዒዚ፡- «ዔኤዔ» ጌይ ሎኦሜ ቤዛፕ ዔቄ ሻኣላይዳ ዳዔኔ፤
24 ዒማና ላኣሌላ ዲቹ ናኣሪ ዒዛኮ ዓኣንቴ ዑከና ሹኪ ዳካ
ዲኢሊ ዔከ ዲርካዮ ላኣዳ ላኣዳኔ። 25 ዩያ ሙዮ ሳኣዮኦሌና ዒዛኮ
ደንዘናም ዒዛ ሺኢሼም ዔያታ ሙዒ ዒማ ዋንቶ ዒኢካፕ ዳንዳኔ።

28:17 28:17 1ሳሙ. 15:28። 28:18 28:18 1ሳሙ. 15:3-9።

29

ፕሊሰዌኤል ማጻሕፍት ዓሳ ዳውቴ ዓይህ

1 ዓሳ ማጻሕፍት ዓሳ ዳውቴ ዓይህ ደክሞይዳ ዓልቃ ዋኔፃ ዓሳ ቤዛ ዳንኪ ዓሳንቴ፤ ፕሊሰዌኤል ማጻሕፍት ዓሳ ቡኪንቴ ሙኪ ዓፕቄይዳ ዳንኬ፤ 2 ዳንጎ ፕሊሰዌኤል ማጻሕፍት ካኣታ፡- ዛላ ዌኤታ፡ ዛላ ሺያ ማዒ ፓቁንቴ ያሎሮ ኬሰኬ፤ ዓሳ ማጻሕፍት ፔ ዓሳና ካኣቲ ዓኪሼኮ ፖኦሊሶ ሄሊሲ ያላኒ ኬሰኬ፤ 3 ፕሊሰዌኤል ማጻሕፍት ፖኦሊሶ ዓይህ ዓሳ ዓይዳቶ ዳንቃዮ፡- «ሃኣታ ዓብሬ ዓሳ ሃይካ ዓይጎዳይ?» ጌይ ያክጮ።

ዓኪሼ ማሃዮ፡- «ሃይ ዓሳ ማጻሕፍት ካኣቲኮ ዳንዘ ማዕ፡ ዳውቴቱዋዳ! ዓኪ ታ ኮይላ ሙኪ ማርጌ ዳዕ፤ ዓኪ ሳኣዮኦ ዓይ ታ ኮይላ ሙኪሰካፓ ታኣም ፑርታ ማዕ ባኣዚ ፔቴታዮ ማዒ ቤቁባኣሴ» ጌይ።

4 ጋዓንቴ ፕሊሰዌኤል ማጻሕፍት ፖኦሊሶ ዓይህ ዓሳ ካኣቲ ዓኪሼ ኮይላ ጎሪንቴ፡- «ሃያ ዓሳ ኔኤኒ ቤርታ ዓይህ ማጻሕፍት ካታ ማሃ ዳኬ፤ ዓይህ ኦኦና ዋላ ያላ ኬሲ፤ ዓይህ ጌዕቴ ያላ ፑርቲ ዳንዴ ዋደና ሺሪ ኦና ያላኒ ዓይ ዳንዳዕ፤ ዓይህ ፔ ጎዳና ዋላ ቡካኒ ኦ ዓሳ ዋዳሂዳፓ ማሌ ዓይ ዋዳንዳያ ኔኤም ማላይ? 5 ሃሃ ሃያኮ ቤርታ ላኣላ ኮዮ ኮርጋዮ፡- ሳኣዮኦ ሺያ ዋዳ፤ ዳውቴ ታጾ ሺያ ዋዳ፤ ጌይህ ሃያ ዳውቴቱዋዳ?» ጌይ።

6 ዬያር ካኣቲ ዓኪሼ ዳውቴ ዓኤላዮ፡- «ናንገና ናንጋ ጎዳ ሃይቆ! ኔኤኒ ታኣኮ ጉሙርቁንታ ዓሳኬ፤ ሃያ ያሎ ኔኤኒ ኬሰኪ ያልቴቴ ቃራታዮ፤ ኔ ሙኪማፓ ሃኖ ሃላንዳኣና ታኣም ፑርታ ማዕ ባኣዚ ማዳያ ታ ዳንቁባኣሴ፤ ጋዓንቴ ቢታንታ ዓኣ፡ ሃንጎ ዓሳ ኔኤኒ ኦኦና ዋላ ያሎ ኬሰኪ ያላንዳጉዳ ኮይባኣሴ፤ 7 ዬያር ዓይዳቶም ኮሽኩዋ ማዳ ማዳፃፓ ኮሽና ማዒ ገንህ ኔ ዳንዴቴ ቃራኬ» ጌይ።

8 ዳውቴ ማሃዮ፡- «ታ ጎዳ! ዓይህ ታ ማዳይ? ኔ ጌይህጉዳ ኔኤም ታ ማዳዮ ዓርቁማፓ ዳቢንቴ ታገዳ ጳዳባኣያ ማዕቴ ታኣኮ ጎዳ፡ ሃሃ ካኣቲ ማዕ ኔ ገንዖ ዓኣዳ ኔ ሞርኮ ታኣኒ ያሎዮጉዳ ላኣጋህ ዓይህዳይ?» ጌይ።

9 ዓኪሼ ዳውቴም፡- «ታኣኒ ታ ዛሎና ቃራኬ ጋዓኔ፤ ዓይህ ጌዕቴ ታኣኒ ኔና ያኦሲ ኪኢታንታጉዳ ጉሙርቁኔ፤ ጋዓንቴ ቢታንታ ዓኣ፡ ሃንጎ ዓሳ፡- ኦኦና ዋላ ዓይ ያላ ኬሰካኒ ዳንዳዕብሴ» ጌይ። 10 ዬያር ኔናንታ ኔኤና ዋላ ሙኬ፡ ኔ ጎዳኮ ዓይላ ዚር ማሕሪ ዓሳ ያርቃማና ዓይህ ሙኬ ቤዘ ማዒ ዳንዳዎቴ» ጌይ።

29:5 29:5 1ሳሙ. 15:3-9።

11 ዩካፓ ዳውቴና ዒዛ ዓሶና ዚሮ ጉቴ ሚኢሪ ፒሊስጻኤሚ ማዒ ዴንዳኒ ከሰከኔ፤ ፒሊስጻኤሚ ዓሳኣ ዒማና ሶሎሮ ዒይዚራዔኤሌ ደኣጮ ዴንዴኔ።

30

ዓማሌቄ ዓሶ ሶሎና ሶሎ

1 ዳውቴና ዒዛ ዓሶና ሃይሣሳ ከሎ ጻቅላጌ ሄሌኔ፤ ዔያታ ዒኢካ ሄላንዳሢኮ ቤርታ ዓማሌቄ ዓሳ ዪሁዳኮ ደኣሎ ዛሎ ዓጮና ጻቅላጌና ሶሊ ዓርቂ ጻቅላጌ ካታሞ ታሚና ሚቸ፣ 2 ዒኢካፓ ላኣሎንታ ዴጌ ናኣቶንታ ጋርቸዋ ቢያ ዲዒ ዔኬኔ፤ ዔያታ ከሰከ ዴንዳኖ ዴንቄ ባኮ ዲዒ ዔዔኬያፓ ዓቴም ዎዲ ዎዲባኣሴ፤ 3 ዳውቴና ዒዛ ዓሶና ማዒ ዒኢካ ሙካዖ ካታማ ሚቸንቲ፣ ዔያቶኮ ላኣሎንታ ዓቲንቆንታ ዉዲሮ ናኣቶንታ ዲዒንቲ ዔውቴሢ ዴንቄኔ፤ 4 ዩያሮ ዳውቴና ዒዛ ዓሶና ላባንዳያ ሄላንዳኣና ዒኔ ሜቂ ጋፑዋ ዩፒ ዑኡዞ ፔኤኮ ዴጊዲ ዩኤከኔ። 5 ዒማና ዳውቴኮ ላምዖ ላኣላ፣ ዒይዚራዔኤሌ ካታማ ሸይንቲ ዓሂሮዓሞንታ ቄርሜሎሴ ካታሞ ዓሂ ናኣባኣሌ ማቻ ዓቢጋይላኣ ዲዒንቲ ዔውቴኔ።

6 ዓሳ ቢያ ዔያቶኮ ዉዲሮ ናኣቶና ዓቲንቆ ናኣቶና ዲዒንቲሢሮ ደጋዲ ዳውቴ ሹቻ ዲይ ዎዲኒ ጌሰቴም ዳውቴ ሜቶይዳ ከዴኔ። ያዲ ማዔቴያ ናንጊና ናንጋ ጎዳ ማዔ ዒዛኮ ሶኣዛሢ ደዲሞ ዒዛም ዒንጌኔ። 7 ዩካፓ ዳውቴ ዓቤሚሌከ ናኣዚ፣ ቄኤሳሢ፣ ዓቢያታሬ ኮይላ፡- «ዔፑዶ ታኣም ሃኒ ዔከ ባዔ» ጋዓዛ፣ ዓቢያታሬ ዔከ ዩኤኔ። 8 ዳውቴ፡- «ዩያቶ ሶሎና ዲዒ ዔከ ዓኣዴ ዓሶ ዳውሲ ታ ዓርቆንዶ?» ጌዒ ናንጊና ናንጋ ጎዳ ሶኦጮኔ።

ናንጊና ናንጋ ጎዳ ማሃዖ፡- «ሂዮ! ጊንዖ ዴንዴ፤ ዔያቶ ኔ ዓርቂ ዲዒንቲ ባኮዋ ቢያ ማሃንዳኔ» ጌዔኔ።

9 ዩያሮ ዳውቴንታ ላሆ ጻኤቶ ዓሶንታ ዴንዲ ቢሶሬ ዎሮ ዓጮ ሄላዛ ዛላ ዓሲ ዒኢካ ላቢ ዴዔኔ። 10 ዳውቴ ጋዓንቲ ሶይዶ ጻኤታ ዓሲ ዔከ ዴንዴኔ፤ ላምዖ ጻኤቶ ዓሳ ዎሮና ፒንቄዖ ባሺንቲ ላቤሢሮ ጊንሢም ዓቴኔ። 11-12 ዒማና ዳውቴና ዎላ ዓኣዳ ዓሳ ጊባጻ ዓጪ ዓሲ ማዔያ፣ ፔቴ ዴጌሰከይ ዓሲ ናንጉዎ ዳውላ ዴንቄ ዳውቴ ኮይላ ዔከ ሙከኔ፤ ዔያታ ዒዛም ካሣ፣ ዎኣሢ፣ ቤሌሴ ሚዖ ዓኣፖ ዲንቆና ቡንዲሢንታ ላምዖ ሶዩ ዎይኔ ሜሌያ ዒንጋዛ ዒዚ ሙዒ ዑሽካዖ ደዴኔ፤ ዩያኮ ቤርታ ሃይሃ ከሊ ጉቤ ካሣና ዎኣሢና ዒ

30:5 30:5 1ሳሙ. 25:42-43። 30:7 30:7 1ሳሙ. 22:20-23።

ዳንቁባኣያኩ። 13 ዩካፓ ዳውቴ ዒዛ ኮይላ፡- «ኔ የ ዓይሌዳይ? ባንካፓ ኔ ሙኩይ?» ጌይ ያኦጩኔ።

ዳንህ ማሃዎ፡- «ታኣኒ ጊብዳ ዓሲታዎ ፔቴ ዓማሌቄ ዓሲም ማዶ ማዶ ዓይሌኩ፤ ታ ሃርጊንቴህረ ሃይሃ ከሌኮ ቤርታ ታ ጎዳህ ታና ሃሺ ዓኣዳኔ፤ 14 ዩያኮ ቤርታ ዩሁዳኮ ዶኦሎ ዛላ ዓኣ፣ ከሪታ ዓሶ ዓጮንታ ካኣሌቤ ዓጮዋ ያሊ ዓርቂ ደቅላጌ ታሚና ኑ ሚቹኔ» ጌዔኔ።

15 ዳውቴ፡- «ዩና ዓሳ ዓኣ ቤዘ ዔኪ ኔ ታና ዓኣዳኒ ዳንዳዓ?» ጌይ ያኦጩኔ፤

ዳንህ ማሃዎ፡- «ኔኤኒ ታና <ዎዲንዳዋሴ> ሃሃ <ኔ ጎዳህም ዓኣህ ታ ኔና ዒንጊንዳዋሴ> ጌይ ጫኣቄቴ ታ ኔና ዔኪ ዓኣዲ ዳዋኒ ዳንዳዓኔ» ጌዔኔ። 16 ዩካፓ ዒዚ ዳውቴ ዔኪ ዩና ያሎ ዓሳ ዓኣ ቤዘ ዳንዳኔ፤

ያሎ ዓሳ ዒማና ፒሊሰጂኤማ ዓሶና ዩሁዳ ዓሶናፓ ዲዒ ዔኪ ባካ ኮሺ ዲቢታህረ ዲማዲ ዲማዲ ዳይ ሙይ ሙይ ሃሃ ዑሽኪ ዎዛዲህዳ ዓኣኔ፤ 17 ዳውቴ ዲምና ዔያቶይዳ ያልዚ ቡሊ ዳንዲ ሳዓ ካራንዳያ ሄላንዳኣና ያሌኔ፤ ጋኣላህ ቶጊ ጳሽኪ ቶሌ ያይዶ ጂኤታ ዳጌሰኩንህፓ ዓታዛ ዩና ያሎ ዓሶፓ ቶሊ ዓቲ ዓሲ ፔቴታዎ ባኣሴ፤ 18 ዳውቴ ዓማሌቄ ዓሳ ዲዒ ዔኪ ዓሶንታ ቆሎንታ፤ ዩያጉዲ ዒዛኮ ላምዎ ላኣሎዎ ቶሊሲ ማሃኔ። 19 ፔቴታዎ ፓጩ ባኣዚ ባኣያ ዳውቴ ዒዛ ዓሶኮ ዓቲንቆንታ ዉዲሮ ናኣቶንታ፤ ዓማሌቄ ዓሳ ዲዒ ዔኪ ባኮ ቢያ ማሃኔ፤ 20 ባኣታ፣ ማራታ፣ ዎኣራ ቢያ ማሃ ዔኪኔ፤ ዒዛኮ ዓሳ ቆልሞ ዒሺ ዒሺ፡- «ሃይ ቢያ ዳውቴ ያሎና ባሺ ዲዒ ዔኪህኩ!» ጌዔኔ።

21 ዩያይዲ ዳውቴ ቢሶሬ ዎሮ ዓጫ ላቢንቲ ዓቲ ላምዎ ጂኤቶ ዓሶ ኮይላ ማዒ ሙኩኔ። ዔያታ ዳውቴንታ ዒዛና ዎላ ዓኣዴ ዓሶ ዔካኒ ጎይሃ ከሰኬኔ፤ ዳውቴ ዒማና ዔያቶ ባንህ ሙካዎ፡- «ዒንህ ዎዚ ዓኣይ?» ጌይ ዔኤሌኔ። 22 ጋዓንቴ ዳውቴና ዎላ ዓኣዴ ዓሶፓ ፓሁዎ ማሊህ ዓኣ ፔቴ ፔቴ ዓሲ፡- «ኑኡና ዎላ ያሎሮ ዔያታ ዳንዲባኣህረ ኑ ዲዒ ዔኪ ሙኩ ባኮ ዔያቶም ጊሽካንዳያ ኮይሱዎሴ፤ ዔያቶኮ ናኣቶና ላኣሎና ሌሊ ዔካዎ ዓዓኣዶንጎ» ጌዔኔ።

23 ዳውቴ ዒማና፡- «ታ ዒሽንሃ! ናንጊና ናንጋ ጎዳ ኑና ባሺሴያታህረ ዒንህ ዩያይዳኒ ዳንዳዑዎሴ! ኑና ሽምፔና ካፒ ዩና ያሎ ዓሶ ባሺሴህ ዒዛኩ፤ 24 ዒንህ ጋዓ ባኮ ዓሲ ዎይዛንዳያቱዎሴ፤ ጊንፃ ዓቲ ሜሆ ካፔህንታ ያሎ ዳንዲ ያሌህንታ ቢያ ዲዒንቲ ዔውቴ ባኮ ሄኮ ጊሽታንዳያ ኮይሳኔ» ጌዔኔ። 25 ዳውቴ

ዬያይዲያ ዲማ ኬላፓ ዓርቃያ ዎጌ ማሂ ማደህሂር ዲሰራዔኤል ዓጮይዳ ሃኖ ሄላኣና ማደንገቲ ማደንገቲ ዓኣኔ።

26 ዳውቲ ቋቅላጌ ማዒ ሙካፖ ዲዚ ዲዒ ዔኔ ባኮኮ ዛሎ ዲዛኮ ዲጊና ማዔ፣ ዪሁዳ ዓጮ ጋርቾ ዓሶም ዳኬኔ፤ ዲ ዳኬ ዲዒ ዔኔ ባኮና ዎላ፡- «ሃይ፣ ናንጊና ናንጋ ጎዳኮ ሞርኮ ዑፃፓ ዔውቲ ዒንሂሂም ዒንጊንገታ ባኣዚኬ» ጋዓ ኪኢታኣ ዳኬኔ። 27 ዬያ ባኮይዳፓ ሃህ ቤኤቴኤሌይዳ ዓኣ፣ ዪሁዳኮ ደኦሎ ዛላ ዓኣ፤ ዬያጉዲ ያተሬ ካታሞይዳ ዓኣ ዓሶማኣ ቢያ ዳኬኔ፤ 28 ሃህ ጊንህህ ዓርዔኤሬ፣ ሰፕሞቲ፣ ዔሽቴሞዓንገታ 29 ራካሌንገታይዳ ዓኣ ዓሶም፤ ዬያጉዲ ሃህ ዪራህሜዔሌ ቶኦኮ ማዔ፣ ቁና ዓሶም፤ 30 ሆርማ፣ ቦርዓሻኔ፣ ዓታኬንገታ፣ 31 ኬብርኦኔ ካታሞይዳ ናንጋ ዓሶማኣ ቢያ ዳኬኔ፤ ዬያ ሌሊቱሞንገቲ ዒዛንገታ ዒዛ ዓሶንገታ ሃንቴ ቤዞ ቢያይዳ ናንጋ ዓሶፓ ዬይ ባካ ሄሎሞ ዓቲ ቤሲ ባኣሴ።

31

ሳኣዎኦሌና ናኣቶናኮ ሃይቦ (1ዎኦሲ. ዓሃኬ 10:1-12)

1 ፒሊሰጻኤሜ ዓሳ ጊልቦዓ ዲካ ዲሰራዔኤል ዓሶና ዎላ ያሎ ዓርቁ፣ ዲኢካ ሚርጌ ዲሰራዔኤል ዓሲ ዎደም ሚርጌ ዓሲ ጳሽኪ ፑኔኔ። 2 ጋዓንገቲ ፒሊሰጻኤሜ ዓሳ ጊንፆ ዳውሲ ዔያቶ ሄሊ ሃይሃ ሳኣዎኦሌኮ ናኣቶ ዮናታኣኔ፣ ዓቢናዳኣቤንገታ ማልኪሹዓንገታ ዎደኔ። 3 ሳኣዎኦሌ ዓኣ ቤዞ ያላ ደዳህሂር ሂኢዦና ያላ ዓሳ ዒዛ ፓልዔና ዲኪ ማኣሳንህኔ፤ 4 ዬያር ሳኣዎኦሌ ዒዛኮ ያሎ ዓንጋሞ ዔኪ ጊንፆ ሃንገታ ደጌህ፡- «ሃኣታ ዓቲንገቶ ቤርቶ ቲቁንገቲባኣ፣ ፒሊሰጻኤሜ ዓሳ ሙኪ ታና ጫርጊ ዓማሊ ሽሩሞጉዲ ኔ ኔኤር ጩንቾ ዓፓር ቱጊ ታና ጫርጊ ዎደ» ጋዓዛ፣ ደጌህ ጋዓንገቲ ዬያይዳኒ ዒጊጩህሂር ሳኣዎኦሌ ፔ ጩንቾ ዓፓርኮ ጊዳ ሎኦሚ ጫቲ ሃይቁኔ። 5 ዬይ ደጌህያ ሳኣዎኦሌ ሃይቁሂ ዛጋፆ ፔ ጩንቾ ዓፓርይዳ ሎኦሚ ጫቲ ሃይቁኔ። 6 ሳኣዎኦሌንገታ ዒዛኮ ሃይሃ ዓቲንገቶ ናኣቶንገታ፤ ዬያጉዲ ዒዛኮ ያሎ ዓንጋሞ ዔኪ ሃንገሂያ ሃይቁሂ ዬያይዲ ማዓዛ፣ ሳኣዎኦሌና ያሎር ኬሰኬ ዓሳ ዬኖ ዓቦ ዒኢካ ሃይቁ ኩዳኔ። 7 ዮርዳኖሴ ሞርኮ ዓባ ኬሰካ ዛሎና ዒይዚራዔኤል ደኦጮ ሱካ ዓኣ፣ ዲሰራዔኤል ዓሳ ዔያቶኮ ያሎ ዓሳ ባሽንገቲ ጳሽኬህ፤ ሳኣዎኦሌንገታ ዒዛኮ ናኣቶንገታ ሃይቁሂ ሞይዞፆ ፔኤኮ ካታሞ ሃሺ ሃሺ ጳሽኬም ፒሊሰጻኤሜ ዓሳ ሙኪ ካታሞ ዓርቁኔ።

8 ዬኖ ያሎ ከሎኮ ገንጻኝ ዓቦ ፒሊሰጻኤሜ ዓሳ ሃይቁ፥
 ዒሰራዔኤሌ ዓቦኮ ሌዛፓ ዓንጋሞ ጉሲ ዔካኒ ዴንዳዖ ሳኦኦኤሌና
 ዒዛኮ ሃይሦ ናኦቶና ገልቦዓ ዲኮይዳ ሃይቁ ዓኦኦኤሌ ዴንቁ።
 9 ዬካፓ ሳኦኦኤሌኮ ቶኦኮ ቲቁ፥ ያሎ ማኦዒሃያ ጉሲ ዔከ
 ዔያቶ ያኦዛ ካኦከኮ ማኦሮና ዔያቶኮ ዴሮናሞ ዒሰራዔኤሌ ዓሳ
 ባሽከቴያ ማዔሃ ከኤዛኦኦኦኤሌ ዬያ ዒኒገ ከኢታ ዓሲ ዳከኔ።
 10 ፒሊሰጻኤሜ ዓሳ ሳኦኦኤሌኮ ያሎ ዓንጋሞ ዓሰታሮቲ ጌይንታ
 ዔያቶኮ ላኦኦ ያኦኤሎ ማኦራ ጌሃኔ። ሳኦኦኤሌኮሞ ሌዛ ቤትሻኔ
 ካታሞኮ ዙሎ ከልቁ ዲርቆና ከኤሎይዳ ሚሰማራና ጳርቁ ዳራ።
 11 ዒማና ጌሌዓይይዳ ናንጋ ያቤሼ ዓሳ ፒሊሰጻኤሜ ዓሳ
 ሳኦኦኤሌይዳ ማዴ ባኮ ሞይዛዛ፥ 12 ዔያቶኮ ያሎና ዔርቲ ዓሳ
 ቢያ ዲማ ዔቁ ቤትሻኔ ዴንዲ ሳኦኦኤሌና ዒዛኮ ናኦቶኦኮ ሌዛ
 ካታሞ ዲያ ከኤሎይዳፓ ከይሲ ዔከ ያቤሼ ሙካዖ ታሚና ሚቹ።
 13 ዬካፓ ሚጌያ ያቤሼ ካታማ ታማሪሰኮ ጌይንታ ሚያ ዴማ ዲኡከ
 ላንካይ ከሊ ሙኡዚ ሃሺ ዴዔ።

ጌሌዥ ማግኔግ

**The Holy Bible in the Maale language of Ethiopia,
using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማግኔግ

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929